

HARVARD LAW LIBRARY



3 2044 097 769 707

HD

ROMAN
968
HIT

HARVARD
LAW
LIBRARY



HARVARD LAW SCHOOL
LIBRARY



~~Switzerland~~

*Herrn Dr. Anst. in Vaucluse
Eigenschaft überreicht
vom*

DE
MAGISTRATUUM ET JUDICUM ROMANORUM
ASSESSORIBUS.

DISSERTATIO INAUGURALIS

QUAM

AD SUMMOS IN UTROQUE JURE HONORES RITE CAPESSENDOS

AMPLISSIMO JURECONSULTORUM ORDINI

ALMAE UNIVERSITATIS TURICENSIS

PROPONIT

HERMANNUS-FERDINANDUS HITZIG
BERTHOLDIENSIS.



BERNAE.
TYPIS CAROLI STAEMPLII & S.
1891.

For T_1
H

TABULA RERUM TRACTATARUM.

	Pag.
PRAEFATIO	1
CAP. I. DE CONSILIO	3
CAP. II. DE CONSILIO ET ASSESSORIBUS	29
CAP. III. DE ASSESSORIBUS.	
<i>A. Generalis pars.</i>	
§ 1. De eo, qui assessorem adhibet	38
§ 2. De persona assessoris	43
<i>a. De sexu et statu assessoris.</i>	44
<i>b. De existimatione et confessione assessoris</i>	46
<i>c. De origine assessoris</i>	47
<i>d. De juris scientia quae in assessore expetatur</i>	56
§ 3. De electione assessoris	65
§ 4. De numero assessorum	69
§ 5. De officio assessorum	76



PRAEFATIO.

De assessoribus scribere tribus ex causis operae pretium esse puto: Ac primum quidem, cum pauci tantum in jureconsultorum et historicorum libris ad assessores referendi sint loci, iique valde dispersi, nimis obscura et adumbrata eorum videtur esse historia; deinde post Gothofredum perpauca solum et ii plerumque iisdem quibus ille argumentis nisi uberius de hac re scripserunt; tertium autem ipsa res digna est, cui operam navemus, siquidem meminerimus celeberrimos jureconsultos assessores fuisse.

Fuit autem assessorum ratio totiusque instituti natura Romanis tam nota adeoque in conspectu, ut nemo mirari possit et scriptores, qui in jure tractando non versantur, de iis interdum neque raro scribere, assessorisque nomine tralaticio sensu (ut nos dicimus) uti cumque assessoribus instituta conferre et comparare, quae cum jure omnino nihil commune habeant. Pro multis, ne vana dixisse videar, ponam pauca, e quibus ita rem se habere, possit intellegi.

Martyres et in passionibus et alibi saepius *assessores*¹ Christi (qui ipse *judex*² vel *praeeses*³ appellatur) et una cum eo judicaturi dicuntur. Christus ipse *assessor* Dei vel patris nominatur,⁴ Lucam evangelistam Paulus apostolus comitem et discipulum tamquam *juris*

¹ Euseb. hist. eccl. VI 425 *μάρτυρες οἱ νῦν τοῦ Χριστοῦ πάρεδροι καὶ τῆς βασιλείας αὐτοῦ κοινωνοὶ καὶ μέτοχοι τῆς κρίσεως αὐτοῦ καὶ συνδικάζοντες αὐτοῦ*. cf. Ruinart acta marty. pg. 128. 179.

² Ruinart, acta marty. 210.

³ Ruinart, acta marty. 482.

⁴ Augustin. serm. CCCLXXXVI (Migne, patrologia lat. XXXIX, pg. 1695). „Interpella ergo hunc judicem, ubi nullus tabellarius conturbat, nullus officialis remoret, nullus emitur advocatus, qui possit preces pro te effundere aut verba dicere quae non didicisti. Sed ipse filius Dei unicus, aequalis patri, sedens ad dexteram patris, illius assessor, tuus *judex* docuit te pauca verba, docuit te *jus coeleste*, quomodo *preceris*.” Similia apud eundem inveniuntur in tract. VII in evang. Joannis I 11 (*jurisperite noster assessor, imo consessor Dei*) enarr. in P'salm. LIV. (Migne, patr. lat. XXXV 142. XXXVI 638).

studiosum assumit,⁵ nec raro invenimus mortuos mortuorumque memoriam assidentes terrenis iudiciis,⁶ quibus saepius et Dei, justitia, virtutes omnes in consilio adesse dicuntur.⁷

De quibus assessoribus scribere et novi certiorisque aliquid afferre cupiens facile mihi persuasi, tenebras, de quibus initio locutus sum, in lucem mutari non posse, nisi assumptis omnibus, quatenus fieri posset, antiquitatis monumentis. Quae quidem conquirens haud scio an longius progressus sim, sed haec una mihi est visa via, cum recentissimi auctores exemplis jam a Gothofredo allatis perpauca tantum adjecerint. Quodsi novo testimonio aliquo non ita, ut debui, usus sim, proximus prolato fortasse melius utetur; sin autem aliquid me fugerit, vastitate campi, unde colligenda et conquirenda erant documenta, excuser.

⁵ Fragmentum Murator. (de quo videas velim Teuffel, röm. Literaturgeschichte, ed. IV, pg. 864) „*tertio evangelii librum secundo (secundum?) Lucan, Lucas iste medicus post ascensum Christi cum eo (eum?) Paulus quasi ut juris studiosum secundum adsumsisset nomine (nomine?) suo ex opinione conscribit.*“

⁶ Commodi verba apud Herodianum I 5 (cf. IV 2 in fine) ὁ μὲν γὰρ πατριῶ εἰς οὐρανὸν ἀναπτὰς, ὁ παθὼς ἔδῃ καὶ συνέδρος ἐστὶ θεῶν.

⁷ Exempla: Justitia consiliaria (Θέμις Βουλαία) apud Synesium in orat. de regno 15, Juppiter testis et consiliarius (ὑπὸ μίτρῳ τοῦ Αἰῶ καὶ συνέδρου) apud Herodiam. (VII 10); doctrina assideat, quadrifaria virtus assideat apud Casiodorum (Var. VIII 18, VI 4).

CAPUT I.

DE CONSILIO.

Totius juris Romani et fundamentum et principium libertas civis Romani est. Ut in jure privato patrem familias libera voluntate statuere de pecunia familia tutelave suae rei, sic etiam in jure publico magistratus et iudices libero arbitrio decernere legimus. Illorum pietati et officio legibus permittuntur res publicae, cum illi non ab-usuri concessa facultate⁹ putentur.

Civis autem ille Romanus, sciens alterius opinionem sequi se non cogi, tamen facile sibi persuadet, talem licentiam non solum ornare et attollere, sed etiam incommodi aliquam partem habere neque ignorat, crescente potentia crescere etiam periculum una cum illa receptum et recidere in caput ipsius eventum, si temere auctoritate abusus sit. Qua de causa jure, quod competere sibi civis Romanus dicat, ipse uti se negat.

Neque igitur mirandum, quod jam a primordiis rei publicae Romanae cives Romani implorant auxilium aliorum, quos optimum daturos esse consilium cum peritia ususque rerum, tum benevolentia erga rogantem praestabat; quo quidem facto moderationem suam commendabant magis quam auctoritatem minuebant, cum secundum naturam sit, alieno consilio ut medico uti.⁹ Haec fuit origo consilii

⁹ Haud recte igitur Hauboldius in praefatione dissertationis de consistorio principum Romanorum conscripta (opuscula academica Hauboldii, I 187—314. Lipsiae, 1825) gravissima quaeque negotia non unius hominis arbitrio permittere, sed plurium virorum consilio regi antiquos populos voluisse dicit. Minime enim, quae mores leges temperantes introduxerunt (cf. infra), tali modo legibus in consilio fuisse contendere licet. Plura hoc loco, quia infra de singulis et pluribus iudiciis dicendum erit, disserere longum est.

⁹ Seneca ep. 109 (XVIII 6) 14 seq., *quaeritur, an deliberaturus sit sapiens, an in consilium aliquem advocaturus: quod facere illi necessarium est, cum ad haec civilia et domestica venitur et, ut ita dicam, mortalia. In his sic illi opus est alieno consilio quomodo medico, quomodo gubernatore, quomodo advocato et*

et sicut nulla legis norma civem, ut adhiberet consilium deliberaturus, obstringebat, ita et adhibiti consilii sententia non obligabat.

Sic civis Romanus antequam quidquam majoris momenti aggre-
diatur, amicos consulit et necessarios. Sic Plinius amicum adhibere
se dicit in consilium rei familiaris quaesiturus ex eo, utrum praedia
emat suis vicina necne;¹⁰ ad domesticam consuetudinem legis
Aeliae Sentiae de consilio manumissionis normam reducit Mom-
senus.¹¹

Praesertim autem tunc consilium adhibetur, cum iudicis partes
civis est subiturus. Huc vel id pertinet, quod de adhibendo con-
silio in repudianda uxore tradit Valerius Maximus II 9 2. Quam-
quam patri familias soli permittitur jus vitae ac necis, tamen ad-
hibet consilium, quod advocatum tranquillat animos tam iudicis quam
rei et liquefacit rem integrae custos justitiae in studio partium. Tale
consilium acerbitati et atrocitati juris patriae potestatis haud parvam
partem demit et fiunt, qui in consilio sunt, si non jure attamen
facto iudicii ipsius particeps et moderatores: Durae leges, sed
moderantur mores. Quo autem magis inveterascit consuetudo, eo
magis qui eam neglegit arrogantiae aliquid sibi sumere videtur et,
licet legem non laedat, laedit tamen bonos mores, quod in ejus tan-
tum persona non evenit, cujus quin justum futurum sit iudicium,
nemo est, qui dubitet.¹²

Primo loco in tale consilium vocantur necessarii,¹³ deinde etiam
amici,¹⁴ quorum numerum ne more quidem statutum esse non mirum
est. Lucium Gellium de filio cognoscentem totum paene senatum in
consilium advocasse, Valerius Maximus est auctor.¹⁵

Sed etiam in jure publico jam in primordiis rei publicae Romanae
consilium invenimus; cum etiam magistratus et iudicis liberum sit ar-
bitrium, eadem atque in jure privato consilii adhibendi est ratio. Quod

*litis ordinatore — praeterea secundum naturam est, et amicos complecti et ami-
corum auctu ut suo proprioque laetari.* — Simillima extant apud Dionem Cas-
sium 52 32, in oratione Maecenatis.

¹⁰ Plin. ep. III 19. De alterius Plinii loco, qui huc pertinere videtur, Mom-
senus in Herm. 20 285. Staatsrecht I 308, n. 2. Conf. etiam Cic. de fin. II 54.

¹¹ Staatsrecht I 308. De legis Aeliae Sentiae consilio infra.

¹² De consilio patris familias praeter ceteros conferendi: *Ihering*, Geist des
röm. Rechts. II 213. *Voigt*, jus naturale III 246.

¹³ Val. Max. V 8 2, 3, VI 1 1.

¹⁴ Val. Max. V 8 2, II 9 2. Seneca de clem. I 15 3, 16 1.

¹⁵ V 9 1.

quidem non Romanis tantum, sed etiam aliis antiquitatis populis usuvenisse, docent Graecorum, Persarum, aliorum exempla.¹⁶

Sic jam principio, cum reges urbem Romam tenerent, tale consilium adhibuisse ejusque opera usi esse videntur neque dubium esse potest, quin ex eisdem rationibus, quibus patris familias consilium, senatus duxerit originem, qui gliscente tempore ad publicum quasi consilium evectus est.¹⁷ Sed jam regum actate praeter hoc quasi perpetuum consilium invenimus consiliarios. Tarquinius quidem Superbum reprehendit Livius, quod domesticis quam publicis consiliis rem publicam administrare maluerit; alibi sine consilio maximas res eum cognovisse, cum dicit, haud scio an de senatu praeterito cogitaverit.¹⁸

Expulsis regibus mansit quidem senatus publicum et quasi omnium magistratuum commune consilium,¹⁹ sed non minus quam autem rex peculiare sibi consiliarios advocasse videtur, magistratus et iudices consilia adhibent ad singulas res cognoscendas, quod a quibus, quando, cur, quomodo, quoque effectu factum sit, diligentius exquirendum est.

Jam si quaeras, quisnam ex magistratuum et iudicum numero consilium adhibuerit, in universum dicendum erit, omnes adhibere potuisse, nam non solum in jure dicundo, sed etiam in administranda re publica consilio locus est. Singula de singulorum magistratuum et iudicum consiliis infra demum dici possunt.²⁰

¹⁶ De Atheniensium paredris, quippe de quibus infra passim dicendum sit, pauca jam hic adnotanda sunt. Habuisse videntur paredros tres ex archontibus (*ἐπώνυμοι, θαιωλείς, πολέμαρχοι*), euthyni, hellenotamiae. Archontas binos habuisse paredros constat, quos ipsi sibi videntur elegisse; hellenotamias singulos, binos euthynos habuisse, ex inscriptionibus colligi potest. — Cf. Gilbert, Handbuch der griech. Staatsaltertümer, I 218 et passim, Meier & Schömann, der attische Prozess, ed. Lipsius, I 70 seq.

Reges Lacedaemoniorum contubernales in consilium rogasse, tradit Xenophon (de rep. Lacedaem. c. 13), Cicero augurum eos habuisse assessorem narrat neque desunt, qui Persarum regibus eadem vindicent (conferendae Hanboldii in initio libri, de quo in nota 8 dixi, annotationes). De regibus Gothorum eorumque consiliariis vid. not. 119.

¹⁷ Festus pg. 246. *Reges sibi legebant, quos in consilio publico habent.* Cic. de rep. II 8 14.

¹⁸ Liv. I 49 4. 7.

¹⁹ Praeter locos a Mommseno, Staatsrecht III, pg. 1028, praesertim e Livio et Cicerone allatos conferas Cic. in Catilinam III 7, monumentum Ancyranum 3 2; sic Trajanum praesentem et absentem senatores in consilio habere, dicit Plinius in panegyrico 62; Vopiscus Aurelium adhibuisse senatus consilium tradit.

²⁰ Conf. partem specialem, ad not. 70 seq.

Secundo loco statuendum est, consilium advocari semper a singulis et opponi de sententia consilii decretum decreto de collegiarum sententia. Neque hoc mirum; cum enim plures judicant, deest consilii adhibendi praecipua ratio, quae in eo ipso consistit, ut, qui solus ad decernendum vocetur, tranquillitatis causa, ne ob rerum legumque imperitiam aut erret aut male judicet, extranei assequatur solatium et auxilium.²¹

Facile igitur intellegere et ratione comprehendere possumus, consilium nunquam adhiberi a recuperatoribus, quippe qui semper plures sint. Quod quidem apud Livium²² Scipioni unus ex tribus, quos dederat litigantibus, recuperatoribus nuntiat quaedam de consilii sententia statuta, hoc sane minus accurate dictum est, sed meo quidem iudicio inde explicatur, quod et in recuperatorum iudicio revera iudicio praecrit unus ex recuperatoribus, cui ceteri, si non de jure, attamen de facto consilium quodammodo esse videntur. Neque a centumviris aut decemviris consilium advocatur, qui ipsi quasi sunt consilium praesidentis magistratus.

Quaerentibus nobis, quando consilium adhibeatur, perspicuum est, legis uormam nec adhibendi consilii nec quando adhibeatur, nullam extitisse. Sed etiam hic consuetudinis normae possunt cognosci et statui certae quaedam regulae. Siquidem, ut supra diximus, consilium adhibetur, quia, qui solus ad res dijudicandas vocatur, memor periculi, aliorum exoptat auxilium crescitque desiderium talis subsidii cum gravitate rei in iudicium deductae, res ipsa fert, ut consilium non invenias, ubi agitur de minoribus administrationis rebus, in quibus magistratus parvae causae suo Marte dijudicandae sine cunctatione periculum in se recipere potest. Sicut autem dux exercitus, antequam grave quid moliatur, consilium militare convocat de rerum summa cum eo deliberaturus, sic etiam magistratus domesticus non jam sibi soli fidet, ubi, quid decernat, permagni est momenti. Permagni autem momenti ibi praesertim res esse videtur, ubi, quod erraverit, reparari non possit. Recte igitur dictum est, consilium adesse in processu criminali, ubi provocari non possit,

²¹ Mommsen, I 309. Eine Institution, welche gegen Irrtum und Leidenschaft des einzelnen Machthabers schützen soll, hat collegialischen Entscheidungen gegenüber keinen Spielraum; das Beratungsprinzip und das Majoritätsprinzip schliessen in der Theorie sowohl wie in der Praxis einander aus. . .

²² Liv. XXVI 48.

ubi autem possit, non adesse.²³ Mommsenus praeterea cessare consilium suspicatur ibi, ubi contra decretum facultas supersit tribuniciae intercessionis;²⁴ quod, ut recte dicit Karlowa,²⁵ et repugnat fontibus et sine ratione eodem loco, quo provocationem, ponit intercessionem. Tum autem, cum huc pertineat magistratus in iurē cognoscens, plane intellegi non potest, cur, ubi ante omnia iuris exigitur scientia, consilium defuerit.²⁶

Quibus praemissis, quis adhibeatur in consilium, non difficile videtur esse investigatu; cum enim advocetur tranquillitatis et securitatis causa, necesse est vocentur homines idonei, quorum praesentia tali modo sublevet iudicantem. Invenimus igitur amicos adhibentis, quos ille scit petenti ut suadeant non negaturos, sed quae sciant optima suasuros esse.²⁷

Quem igitur quis in consilium vocat, ei testimonium exhibet amicitiae simul et observantiae eique, si inimicitiae fortasse extiterint, cessasse eas probat. Quae quam sancte solita sint observari, demonstrant praeter cetera Carbonis apud Valerium Maximum historia et Ciceronis in oratione pro Flacco verba.²⁸

Res ipsa docet, magistratum, quotienscunque jus dicendum esset aut omnino iuris desideraretur scientia, ne ob legum imperitiam male iudicaret, eos ex amicorum numero sibi elegisse in consilium, qui iuris studio et causis forensibus sese dedissent.

²³ Mommsen I 310. II 222.

²⁴ Mommsen I 310. Notae 1, 2.

²⁵ Karlowa, röm. Rechtsgeschichte I 191. Cic. de orat. I 37 (168) de quo loco infra ad not. 83.

²⁶ Conferenda quae infra de praetoris consilio dicentur.

²⁷ Nepos Atticus 4. „Atticus amicis urbana officia praestitit et ad comitiorum reutilit et si qua res maior acta est non defuit. — Sic M. Petilius apud Cic. Verr. II 29, 71 amicos suos sibi esse in consilio vult. — Huc praeterea pertinent consilia amicorum apud Quintilianum III viii 50 et amici a Gellio rogati in consilium (XIV II 9).

²⁸ Cic. pro Flacco 77, 78. „Se si justas inimicitias putabas, cur, cum tribunus militum Flaccus esset, in ejus legione miles fuisti, cum per leges militares effugere liceat iniquitatem tribunum? Cur autem praetor te inimicum patrum in consilium vocavit? Quae quidem quam sancte solita sint observari scitis omnes; nunc accusamur ab iis, qui in consilio nobis fuerunt. — De Carbone in consilium Crassi adhibito (Val. Max. III 7, 6) infra. Huc pertinet Cato in consilium vocatus apud Plutarchum (Cato min. 37 αὐτοδόμενος ὅν ἂν αὐτὸς ὄντι ἐπὶ δεῖπνον ἔτι γουᾶν οὔτε σύμβουλος ἀκούειν καλοῦμενος) fortasse et Epicteti (in euchiridio c. 25) ad tristem facta interrogatio προειμύθη σοὶ τις ἐν ἐσιτάσει ἢ ἐν προσεγορεύσει ἢ ἐν τῇ παρακληθῆναι εἰς σύμβουλίαν:

In ipso enim magistratu juris scientiam non desiderat, sed ejus qui eligitur virtute et innocentia contentus est populus Romanus;²⁹ itaque magistratus praesertim in jure dicundo et in cognoscendis litibus peritorum requirunt consilium vocantque jureconsultos, quorum opera et scientia juventur. Cujus peritiae in ipso magistratu absentia, quia et post Ciceronis tempora non qui satis instructi omni scientia per se rempublicam gerere possent sed qui omnino boni cives essent vel magis fruerentur protectoribus eligeantur,³⁰ saepe prima et praecipua adhibendi consilii causa fuit. Sic magistratus legum scientiam aliunde haustam controversiis decidendis afferebat, sic leges, quas scire magistratum non oporteret, tamen exercebantur,³¹ sic non solum causarum patrocinium et responsum publicum privatumque studiosorumque institutio sed etiam consilii societas in negotiis jureconsultorum est.³²

Praeter magistratum jus dicentem jureconsultos in consilium vocat judex processus civilis; quantumque et hic mos adhibendi consilii fuerit inveteratus, optime inde cognosci potest, quod et ei, quibus minime deesset juris scientia, tamen ne quid, a solito more decedentes, parum modeste sibi sumere viderentur, consiliarios sibi adscisciebant.³³ Sic C. Aquillium, virum magna auctoritate et scientia juris civilis excellentem, adhibitis in consilium principibus civitatis, in

²⁹ Cic. pro Plancio XXV 52 (postquam de disertis et jureconsultis dixit, pergit): *Sic populus Romanus deligit magistratus quasi villicos rei publicae, in quibus si qua praeterea est ars, facile patitur: sin minus virtute eorum et innocentia contentus est, quod enim quisque disertus, quod quisque juris peritus est, ut eos numerare, qui volunt esse?*

³⁰ Cum infra plura dicatur, quantum ad nostram aetatem attinet, unum tantum locum exhibeo: Arr. Epict. Diss. III 7, ubi Epictureus quidam, ad liberarum civitatum gubernationem vocatus, his verbis irridetur: *καὶ ἵς εἰμι τῶν Ἑλλήνων. αἰδίας κρίνειν; ἵς σε ἐποίησαν εἰδέναι; Καὶ ὅσα μοι κοδὶς ἄλλοι ἔγραψεν. ὅμως δὲ πῶς καὶ ἵς ἐγένον; τὴν ἰνός χεῖρα καταγλιφύσας;*

³¹ *Privata enim judicia maximarum quidem rerum in jureconsultorum mihi videntur esse prudentia, nam et adsunt multum et adhibentur in consilio et patronis diligentibus, ad eorum prudentiam confugientibus, hastas ministrant.* Cic. top. 65.

³² Plin. ep. I 9, 20, 22. VI 15.

³³ Quantum a tali immodestia veteres jurisconsulti afuerint, docet Q. Scaevolae clarissimi jurisconsulti exemplum; qui, cum de jure praedictorio consularetur, consultorem ad Furium et Cascellium rejecit, qui speciali illi scientiae se dedissent; quo confessus est aptius ab illis negotium explicari posse, qui cotidiano ejus usu callerent. Val. Max. VIII 12, 1.

causa Otaciliae sententiam dixisse, Valerius Maximus testatur (VIII 2 2). Sic Aquilius in causa Quinctiana iudex factus L. Lucillum, P. Quintilium, M. Marcellum tres jurisperitos adhibuit.

Quantum ad numerum eorum qui in consilium vocantur attinet, e natura totius instituti sequitur, hic quoque omnia liberum vocantis arbitrium neque quidquam legem statuuisse; immo ne consuetudine quidem quidquam videtur esse introductum. Eoque difficilius est certam quandam in consiliis vocatis quaerere rationem et regulam, cum ubi nomina quorundam, qui in consilio fuerunt, traduntur, nusquam paene, utrum omnes nominati sint necne, satis compertum habeamus. Aquilio tres tribuuntur a Cicerone,⁵⁴ in decreto Helvii Agrippae⁵⁵ extant octo, triginta tres in lapide Adramyttiensi⁵⁶ (plures etiam fuisse verisimile est, cum lapis non integer ad nos pervenerit), frequentes homines veniunt in consilium Verris.⁵⁷ Numerus consiliariorum, quo gravior res dijudicanda quoque facilius, qui sint idonei, vocari possunt, eo major esse putandus est. Hoc autem tenendum est, primo loco et numerum vocatorum a libero vocantis arbitrio pendere.

Quodsi rarius eorum, qui in consilio fuerint, tradi numerus et nomina videantur, tamen, si non semper, attamen saepe in decretis extitisse, docet locus Ciceronianus, quem cur omnes praeterierint, nescio. Dicit enim Cicero in Verrinis (V XXI 53, 54): cum consilio causam Mamertinorum cognoscit et de consilii sententia Mamertinis se frumentum non imperare pronuntiat. Audite decretum mercennarii praetoris ex ipsius commentario: — D(e) C(onsilii) S(ententia) . . . praeclarum recitari consilium, iudices, audistis; utrum vobis consilium recitari tandem praetoris videbatur, *cum audiebatis nomina*, an praedonis improbissimi societas atque comitatus?

Quae Ciceronis verba sane intellegi non possunt, nisi recitata esse nomina eorum, de quorum sententia pronuntiatum erat, sumas.

Minorem consiliariorum numerum fuisse in privatis judiciis demonstrare videtur spatii descriptio quae extat apud Quintilianum. Dicit enim XI 3 127: Praecepti et illud scio ne ambulantes avertamur a iudiciis, sed sint obliqui pedes ad consilium nobis respicientibus.

⁵⁴ Conferenda ea, quae ad notam 57 dicentur.

⁵⁵ Conferenda ea, quae ad notam 94 dicentur.

⁵⁶ Conferenda ea, quae ad notam 75 dicentur.

⁵⁷ Cic. Verr. II 29, 71.

Id fieri judiciis privatis non potest. Verum et breviora sunt spatia nec aversi diu sumus.

Quaeri potest et illud, utrum magistratus possint in consilium vocari neque; vocantur quidem, sed in consilio esse non dicuntur propterea quod, nisi fallor, magistratum, qui ipse consilium ciere potest, alieni consilii partem fieri, aut si fit appellari quidem non decere videtur. Sic Varro de lingua latina VI 87 censores „ubi praetores tribunique plebei quique in consilium vocati sunt“, sortiri dicit et apud Suetonium Claudius non in consilio fuisse, sed ut unus e consiliariis cognitionibus interfuisse dicitur.³⁸

Fieri non potest, quin hoc loco pauca addamus de principibus assidentibus; haud enim latet, nonnullos imperatores magistratibus cognoscentibus in consilio fuisse aut vocatos ab illis aut ipsos ultro se offerentes. Augustus,³⁹ Tiberius,⁴⁰ Claudius,⁴¹ Hadrianus⁴² tali modo liberae rei publicae memoriam simul et desiderium revocasse dicuntur. Augustum non solum assessoris sed etiam advocati partes subisse, tradunt Suetonius⁴³ et Dio Cassius.⁴⁴ Quae autem principum consuetudo, vel hac re abhorret a pristino more, quod principes non solum vocati adsunt in consilio sed etiam ultro se offerunt (*παροχούμενος ὑπ' αὐτῶν καὶ ἀπαράκλητος*, Dio Cassius de Tiberio 57, 7, 6.), erepta scilicet iudici facultate repudiandi; deinde autem dubitari non potest, quin, principe assidente, iudex facile non tam ex causa libero suo arbitrio, quam ex principis seu manifesta seu supposita voluntate sententiam pronuntiaverit. Huc nescio an pertineant, quae extant apud Tacitum (ann. II 34), ubi Livia hortatur Tiberium, ut Urganillae a praetore in jus vocatae adsit; videtur enim suadere Tiberio, ut consiliarium se offerat praetori, sine dubio principis voluntatem secuturo.

De ordine et conditione in consilium adhibendorum pauca tantum possunt dici. Licet ne hic quidem certi quidquam videatur esse statutum, illud tamen constat, laedi bonos mores, adhibitis in consilium hominibus tam humilibus tamque ignobilibus, ut eorum prae-

³⁸ Suet. Claud. 12. Conferendus etiam Seneca (de clem. I 15 3) qui Augustum quod alieni consilii pars fieri dignaverit laudat. Fortasse et Plinius in ep. I 23, qua cur in tribunata causis agendis se abstinere, explicat.

³⁹ Dio Cassius 55 34, 1.

⁴⁰ Dio Cassius 57 7, 6. Tac. I 73. Suet. Tib. 33.

⁴¹ Dio Cassius 60 4, 4. Suet. Claud. 12.

⁴² Dio Cassius 69 7, 1.

⁴³ Sueton. Oct. 56.

⁴⁴ Dio Cassius 55 4, 2, 3.

sentia attenuetur omnino iudicii et jurisdictionis auctoritas necesse sit. Recte igitur Verres reprehenditur,⁴⁵ quod dimissis eis, qui in consilium venerant, de sententia scribae, medici, haruspicii quendam condemnaverit.

Liberae rei publicae temporibus amplissimi quidem ordinis participes senatores solebant in consilium vocare; vix autem licet dubitare quin, praesertim ex quo tempore ipsi iudices esse potuerunt, equites quoque arcessiti sint; senatorum praerogativa principum temporibus vix manere potuit, ex quo quidem principes ipsi non solum senatores sed etiam equites admittere coeperunt.⁴⁶ Tum autem semper hi quoque senatores advocabant, cum de reo senatore ageretur.⁴⁷ Utrum consilii participes, qui in lapide Adramyttiensi nominantur, omnes senatores sint necne, ambiguum est,⁴⁸ neque, cur in tertia satira queratur Juvenalis, nunquam pauperem assidere aedilibus, satis intellego.⁴⁹

Si quaeratur denique, quanam vera fuerit consilii natura, tenendum est, nihil fuisse nisi quod ipsum nomen designat, consilium dico, quod suo arbitrio aut sequitur aut neglegit is, qui petierit. Sicut igitur penes illum est, utrum adhibere velit consilium necne, ita ipse solus statuit, utrum adhibiti sequi velit opinionem necne, neque si spreverit, contra leges facere videbitur. Rursus autem non modo adhibito consilio, sed ne secutus quidem ejus opinionem, liberat se periculo eventus. Quod, qui vocati sunt, suadent magistratui vel iudici, et est et appellatur consilium,⁵⁰ parum accurate saepius etiam sententia appellatur; quam verborum conjunctionem „de consilii sententia“ ibi tantum desiderari secundum rectam loquendi consuetudinem, dicit Mommsenus,⁵¹ ubi quod

⁴⁵ Cic. in Verr. II 29 (71) sequentes, praesertim 75 l. f.

⁴⁶ Domitians adhibitis utriusque ordinis splendidis viris cognita causa inter Falerienses et Firmanos pronuntiat CIL IX 3420. Juvenal. IV 72. Jam Maecenas Augusto, ut praeter senatores et equites in consilium vocet, suadet *μετὰ γὰρ δὲ σοῦ αἰεὶ μὲν οἱ ἐριμύχαιοι καὶ τῶν βουλευτῶν καὶ τῶν ἱππέων . . . διαρωσέουσιν*. Dio Cassius 52 33, 3.

⁴⁷ Vita Marci 10, vita Hadriani 8.

⁴⁸ Infra, ubi de consulum consilio loquor.

⁴⁹ Juvenal. III 147.

⁵⁰ Huc pertinet verborum conjunctio „accepto consilio sententiam proferre“ Ruin. act. martyr. sluc. pg. 164.

⁵¹ Mommsen Staatsrecht I, pg. 319, n. 4. Nur in minder strenger Rede wird de consilii sententia auch in solchen Fällen gesetzt, wo die Berater keine entscheidende Stimme haben.

dixerit consilium, obstringat consulentem; ibi enim e consilio nascitur quodammodo sententia iudicis. Quod cum in nostro consilio jure non eveniat, parum recte, qui de consilii sententia loquitur, voce illa videtur uti. Memorabilis verborum conjunctio apud Valerium Maximum, qui L. Gellium absolvisse filium dicit tum consilii tum etiam sententia sua (V 9 1).

Sedent consilii participes in tribunali et ea quae dicuntur, audiunt videntque, quae proferuntur;^{51a} tum tali modo rem, de qua agitur, intuiti et docti, quidnam sibi persuaserint, aperiunt judicanti, ille autem accepto consilio ex animi sententia pronuntiat. Congruit igitur rebus formula, quae saepe invenitur: c(um) c(onsilio) c(ollo- cutus).⁵² Interrogat enim, antequam sententiam proferat, consiliarios opinionem; verum autem suffragium, ita scilicet, ut ad quam opinionem major pars inclinet, quaeratur, moris non videtur⁵³ esse. Sententia prolata, si ab ipso iudice concipitur, licet recte dijudicata sit controversia accepto consilio, tamen forma parum eleganti et praecisa, magistratum jus non novisse, prodere potest,⁵⁴ quod sane vitium parvum est, si cum eo compares, quod adhibito consilio vitatum esse elucet.

Consiliariorum in juvando magistratu laborem non semper eundem fuisse apparet; saepe summam rei apud illos, saepe nullum eorum consilium fuisse, nihil eos fecisse facile colligi potest.⁵⁵

Quod consilium magistratum et iudicem, licet neuter de jure cogatur, de facto tamen tantum non semper sequi consuevisse, manifestum est.⁵⁶ Magni igitur interest, quidnam ei, qui sint in consilio, de re dijudicanda sentiant et facile potest intellegi, saepissime magni momenti facere patronos causarum, quis sit in consilio, neque

⁵² Cic. de orat. I 37 (168), qua de causa ei, qui in consilio fuerant et testes citantur forensium actionum. Cic. Verr. V 5 (101).

^{52a} CIL II 4125, VI 206, X 3334, graece *ὁπλολογίας μετὰ τοῦ συμβουλίου*, acta apost. 25 12, acta procons. Cypriani apud Ruinart, pg. 217. Procuratorem Judaeae quod consilium adhibuerit (acta apost. I c.), mirum in modum reprehendit Joannes Chrysostomus (in acta apostolor. hom. LI).

⁵³ Vix enim tale quid colligi potest e verbis Dionis 55 34, 1 *τοὺς ἀρχόντων πολλὰς συνεδिकाῖς καὶ ὑπάτους οἱ παρεδρεύνοντες ἀγίων ἐδιχογνωμόνον καὶ ἡ ἐκείνων ψήφος ἀπὸ τῆς ἰούης ταῖς τῶν ἄλλων ἡριθμεῖτο . . .*

⁵⁴ Quod in decisione Senecionis, subpraefecti praetoriae classis Misenatis, evenisse recte dicitur in notis ad CIL X 3331.

⁵⁵ Fronto ad Marcum Caesarem IV 13 facile esse iudici oscitantem assidere, ipsum autem judicare difficile esse dicit.

⁵⁶ Contra consilium pronuntiat Gellius XIV 2, 6.

solum judicem appellare, commonere, rogare, obsecrare in orationibus, sed etiam eos, qui adsunt in consilio;⁵⁷ sic peregre profecturus advocatus non solum judici futuro, sed etiam eis, qui illi erunt in consilio commendatur.⁵⁸ — Eadem de causa etiam ut consilium omnino adhibeatur precantur rei; sic Sopatrus implorat hominum et deorum fidem, ut cum consilio Verres cognoscat (Cic. Verr. II 30 [75].)

Quae cum sit hujus consilii natura, discernenda sunt similia quaedam consilia et dicendum praesertim de consilio decem legatorum, de senatu, de consilio judicum quaestionis, de consilio legis Aeliae Sentiae.

Ac primum quidem quod ad decem legatos⁵⁹ attinet, imperator ipse discernere, legati autem verum consilium esse videntur. Sed magistratus non solum adhibere legatos, sed etiam sequi eorum consilium legibus cogitur, neque absentibus illis quidquam sententiae habere videtur.⁶⁰ Recte igitur „de consilii sententia“ pronuntiare dicitur.⁶¹ Praeterea ne nos fugiat, imperatorem legatos non ipsum sibi eligere, sed deputatos accipere a senatu.⁶² Legati enim absentis quodammodo senatus partes agunt, illiusque auctoritatis commonefaciunt imperatorem. Qua de causa legati, antequam proficiscantur, saepius, et quid facere et quid imperatori permittere debeant, docentur a senatu. Quae omnia plane abhorrent ab eis, quae in nostro consilio usu veniunt.

Proximum est, ut, quo jure *senatus* appellari possit consilium, quaeramus. Ex iis, quae supra diximus, perspicitur, unam et eandem esse senatus et consilii originem eandemque utriusque opinionem habuisse vim et effectum. Sed mutatis temporibus mutata est etiam senatus natura et differre videtur a nostro consilio senatus praesertim his:

1. Senatus, quia exstitit jam ante magistratum, non ab ipso actum, sed datum tempore consilium est; consilium autem nostrum ab ipso eligitur neque antea fuit.

⁵⁷ Praeter cetera conferas Ciceronis Quintianam, Apulei apologiam, Horatii satiram VIII, libri I. Huc illud quoque pertinet, quod Quintilianus de repetenda ob aliquem in consilium adhibitum narratione dicit, IV, 11 21.

⁵⁸ Fronto ad amicos I 3.

⁵⁹ De decem legatis Mommsen, Staatsrecht II 692, 693 ubi et cur talis extiterit X legatorum auctoritas ostenditur.

⁶⁰ Livius XXXIV 25 2.

⁶¹ Liv. XXXIII 24 7. XXXVIII 58 11.

⁶² Mommsen l. c.

2. Senatus scmpiternum et omnium magistratuum commune consilium est; nostrum autem consilium ad singulas res advocatur et sic semper novum est.
3. Senatorum certus statutus est numerus; in consilium autem quantum amicorum numerum volet, adhibet magistratus.
4. Quicumque dignitatem senatoriam assequi et summi consilii particeps fieri vult, necesse est fruatur quibusdam virtutibus facultatibusque, quae deesse possunt ei qui vocetur in consilium.
5. In senatu quatenus voluntas sit convocatorum, vero suffragio exquiritur, quod apud nostrum consilium evenire non solet.
6. Qui consilium, ubi mos poscit, adhibere neglegit, minus periculi in se recipit, quam qui senatus auctoritatem spernit. Consilii quidem naturam habere senatus non desiit, sed non ad eandem rem utrumque, sed alterum tantum requiri consuesse, docet Mommsenus III 1029.

Ut igitur senatus labente tempore naturam mutavit, ita et *judicii publici consilium*. Antea enim in criminali, aequae atque in civili re, magistratus adhibito consilio cognoverat, postea autem quaestiones institutae; hic ei, quibus iudicium commissum est, non solum consilium praetoris sive quaesitoris — qui ipse iudex appellatur — sed etiam iudices esse dicuntur,⁶³ quae ipsa appellatio originem hujus consilii indicat;⁶⁴ consilii ordinarii particeps non nisi abusive iudices nominantur, illi autem recte et merito: nam cum penes eos sit iudicium, id, quod pronuntiant, non consilium est, quod libero arbitrio aut sequitur aut spernit magistratus, sed est vera sententia.

Qua re cum discrepet a communi quaestionum consilium, sequitur, magistratum tale consilium, legibus constitutum, advocare debere; ceterum neque quot, neque quales adhibeat, ejus arbitrio permittitur. Ex reliquis, quae ex principali differentia sequantur discriminibus, illud solum praedico, vero suffragio apud tale consilium opus fuisse,⁶⁵ juris scientiam in consiliariis non spectari, jurare⁶⁶ autem eos, id quod nostri particeps consilii quod quidem sciam nusquam videntur fecisse.

Praeter consilium quaestionum et senatum tertium consilium a nostro est discernendum, illud videlicet, quod adesse jubet lex

⁶³ Conferas velim praesertim Ciceronis Cluentianam.

⁶⁴ De origine Mommsen II 222 seq., 582 seq.

⁶⁵ Videas exempli causa Ciceronis Cluentianam passim.

⁶⁶ Zumpt, der Criminalprocess der römischen Republik, pg. 16, 17.

⁶⁷ Karlowa, röm. Rechtsgeschichte I, 192.

Aelia Sentia magistratui, quotienscunque aut de manumittente minore annis viginti aut de manumittendo minore annis triginta agitur. Pertinet manumissio ad jurisdictionem voluntariam neque hoc — ut recte dicit Karlowa⁶⁷ — negari potest, esse magistratus, non manumittentis consilium.⁶⁸ Sed non eadem nostri atque hujus origo et ratio; certe enim legislator, si non semper, attamen, ubi, num probanda sit manumissio, dubitari potest, civium certi numeri consensum flagitat, sicut apud alias gentes⁶⁹ omnino, quicumque manumittere vult, cives, quorum corpori novum additurus est hominem, utrum tali modo augeri velint necne, sententiam rogare debet. Diversa igitur ratione et illud facile potest intellegi, tale consilium utrum adhibere velit necne, non in arbitrio esse magistratus, sed legibus illud desiderari; simili modo et quot et quales homines ad causarum a manumissuro prolatarum examen adjungat sibi praetor vel qui provinciam tenet, lex praescribit.

Cognovimus in iis, quae praecedunt, consilii de quo agitur naturam, quod apud quos magistratus inveniatur et quale sit apud singulos, nunc quaerendum est. Ac primum quidem, ut certum ordinem sequar de magistratibus urbis Romae, tum de provinciarum rectoribus, tertium de principe loquar.

a. *Consules* ante praeturam institutam, cum summam jurisdictionis civilis tenerent, consilium adhibuisse ut exemplis probari non potest, ita suspicandum esse videtur. Post praeturam institutam exigua⁷⁰

⁶⁷ l. 1 pr. D. de officio consulis l. 10: officium consulis est, consilium praebere manumittere volentibus. — l. 5 D. de manumiss. vind. XL 2, qua Julianus tradit, Javolenum et in Africa et in Syria servos suos manumisisse, cum ipse consilium praeberet. Miram huius legis interpretationem habet E. Cuq, pg. 335 (libri infra ad not. 119 citati): „le Sabinien Javolenus Priscus consilium praeboit aux gouverneurs d'Afrique et de Syrie“ ad assessorem Juliani verba („consilium praeboit“) referens. Sed rector Africae et Syriae ipse est Javolenus quem consularem provinciae Syriae et proconsulem provinciae Africae fuisse docet vetus inscriptio (CIL III 2861), qua de causa consilium legis Aeliae Sentiae — puta Javoleni servum minorem annis triginta manumittentis — neque assessorem Juliani verba designant. De cursu honorum Javoleni conferas et Mommsen notae in Ephem. epigraph. V 654—656.

⁶⁸ Manumissio per denarium juris Germanici.

⁷⁰ Epict. Arr. Diss. IV. 10 (loquitur de consule) καὶ τί τὸ γινόμενόν ἐστι; ἄσθενει δούλοι ἡμέτεροι, καὶ τοῖς ἡγεμονίαις ἐπὶ βῆμα καθίσαι καὶ ἀρχαῖα δοῦναι, καὶ ὑπερὶ δειπνήσαι.

fuit civilis eorum jurisdictio neque praeter manumissionem et omnino voluntariam jurisdictionem et tutoris dationem et fideicommissa quidquam eis remansit. De manumissionibus et lege Aelia Sentia supra dictum⁷¹ est; de fideicommissis judicans Ducenus Verus Celsum majorem in consilium rogavit.⁷²

Principatus temporibus constat senatum, cum provocatum esset, saepe causam dijudicandam consulibus delegasse, qui aut ipsi adhibito consilio decernunt aut extra ordinem judicem nominant. Huc pertinent tam consulis consilium in quo assedissee Hadrianus dicitur⁷³ quam Gellii, quod extra ordinem judex datus convocat.⁷⁴

Saepius et aliter extra ordinem rei cognitio praesertim in re publica administranda a senatu mandatur consulibus et praetoribus, qui consilium adhibent, neque dubito, quin verum sit consilium. Huc pertinet, nisi fallor, Adramyttensium causa,⁷⁵ in qua ex senatus consulto consul vel praetor adhibito consilio pronuntiare videtur; cur autem, si quidem est nostrum consilium cum libera facultate eligendi, omnes senatores esse oporteat, qui vocati sunt, ego quidem non intellego. Fortasse eodem loco ponenda causa Oropiensis.⁷⁶

Quod ad criminalem attinet jurisdictionem, constat militiae consulem sine provocatione judicasse, domi interdum ei a populo per senatum speciali lege idem permissum esse;⁷⁷ consilium tum sine dubio consules adhibebant et idem evenit in P. Furio Philone, qui de violato jure gentium decernit apud Ciceronem.⁷⁸

De processu criminali senatorio-consulari, quem principum tempora viderunt, vix dicendum est, ibi enim senatus consilium judicum, praeses consul; minime autem consul judex senatores in consilio habet.⁷⁹

Pauca tantum de *censoris* consilio traduntur; non defuisse docet Varro VI 87. — De *aedilium* consilio loquitur Juvenalis;⁸⁰ aediles,

⁷¹ Ad not. 68. 69.

⁷² Celsus in l. 29 pr. D. de leg. (II). *Pater meus referebat, quum esset in consilio Duceni Veri consulis itum in sententiam suam et rel.*

⁷³ Dio 69 7.

⁷⁴ Gellius XIII 12 1. Mommsen II 105 seq.

⁷⁵ Mommsen III 968. Willems, le sénat de la république romaine I 693 seq.

⁷⁶ Mommsen II 109.

⁷⁷ Cic. de fin. II 16 54. — Quo plebiscito decreta a senatu est consuli quaestio Cn. Caepioni.

⁷⁸ Cic. de republica III 18 (28).

⁷⁹ Mommsen, II 118 seq.

⁸⁰ Juvenalis sat. III 147.

cum praetoris similis sit eorum jurisdictio — nam et aediles in jure decernunt et dant formulam ad judicem dirigentes actorem — et legum scientiam efflagitet, simili modo atque illum, consilio usos esse, verisimile est.

Plura de *praetoribus* sunt dicenda, quippe qui ad jurisdictionem ipsam videantur creari. Miror, quod etiam hic pauca tantum de consilio dicantur. Praetor edictum componere, in jure cognoscere, dare et denegare actionem debet neque potest dubitari, quin, si cuiquam, certe illi, juris scientia opus fuerit. Bremerus quidem in libro, qui inscribitur „Rechtslehrer und Rechtsschulen im römischen Kaiserreich“⁸¹ longa testimoniorum serie proposita demonstrare conatur, clarissimos jurisperitos praetores fuisse, unde colligit ob ipsam juris scientiam illos electos esse. Sed cum difficile ita — dum quidem sortiuntur praetores provincias — jurisperitorum haberi potest ratio, tum illud ex testimoniis a Bremero allatis nullo modo potest colligi, plurimos, ne dicam omnes, praetores jus novisse. Praesertim in edicto componendo⁸² auxilium et consilium in jure dicundo praetori jurisperitus afferebat. Confirmatur loco Ciceroniano, ubi Crassus narrat, sedisse se in tribunali Q. Pompeji familiaris sui, cum homo discretus, ut vetus sibi daretur exceptio, peteret. Certe Pompejus in jure cognoscebat.⁸³ Minus recte autem Mommsenus⁸⁴ non de consilii societate, sed de consultatione amici rerum periti — quae scilicet et extra judicium potest fieri — loqui Crassum dicit; sed assentiendum est Karlowae⁸⁵ opinioni, qui sedisse Crassum in tribunali et audivisse, quae dicerentur ideoque consilii participem fuisse, contendit. Tum autem accedit et alterum, cur Mommsenum non sequamur, certe enim, si quidem conceditur, ad lites ordinandas et dandas formulas opus fuisse praetori juris scientiam quae ipsi poterat decesse, parum commode consilium quaesivisset, si quotienscunque indigebat, ad auxilium impetrandum secedere quam ab initio amicos ad tribunal adducere maluisset.

⁸¹ Pg. 35. l. c. — Seriel adjungi possunt ex inscriptionibus Pactumeius CIL VIII 7059 et Aburnius Valens. Orell. 3153.

⁸² Minime obstant, quae de Verris edicto dicit Cicero (in Verr. act. II lib. I, cap. 41 seq., praesertim 46, 119), immo opposito Verris exemplo ceteros summam diligentiam et pietatem in constituendo edicto collocasse docet.

⁸³ Cic. de orat. I 37, 108.

⁸⁴ Staatsrecht I 310.

⁸⁵ Röm. Rechtsgeschichte I 191.

Consilium adfuit et illis magistratibus, quos principatus tantum viderunt tempora. *Praefecto urbi* tribuitur a Plinio,⁸⁶ qui ipse ahibitus esse dicitur; *praefectos praetorio* licet illo quidem tempore cum consilio nusquam invenerim, tamen habuisse certum est et idem forsitan de *praefecto vigilum* sit dicendum. *Praefecti annonae* haud scio an consilium designetur apud Arrianum; extat enim apud illum. *ἀν ἐπιωτῆτε, τί ἐκείνοι ποιοῦσι, αἰσθύνεσθε* τί γὰρ ἄλλο ἢ ὅλην τὴν ἡμέραν ψηφίζουσιν, σφίη τοῦσιν, συμβουλεύουσιν περὶ οἰκτιρίων, περὶ ἀγχιόρων κτλ.⁸⁷

Hoc loco etiam de iudicis consilio pauca sunt dicenda. Ut apparet ex eis, quae supra diximus, deest consilium, ubi plures sunt iudices, praesertim igitur apud recuperatores, centumviros, decemviros, iudices quaestionum, invenitur autem apud *iudicem ordinarii processus civilis* et apud iudicem extra ordinem a competenti magistratu datum.

Ordinarii processus civilis exemplum invenimus in causa Quinctiana, ubi C. Aquilius iudex tres juris peritos sibi adhibet, in causa Otaciliae, ubi idem iudex datus principes civitatis rogat in consilium.⁸⁸ M. Petilius iudex privatae rei datus a Verre amicos frequentes sibi in consilio esse vult.⁸⁹ Domitianum iudices cum suo quemque consilio notavisse legimus apud Suetonium.⁹⁰ Et iudices, ubi desideraretur peritia legum, iuriconsultos advocasse putandi sunt, id quod probat Gellii exemplum,⁹¹ qui cum apud ipsum peteretur pecunia, quae dicebatur data numerataque „amicos viros exercitatos atque in patrociniis et in operis fori celebres semper se circum undique festinantes“ rogasse se in consilium dicit.

Judex extra ordinem a magistratu datus idem Gellius sibi ad

⁸⁶ Plin. epist. VI 11.

⁸⁷ Arr. Epict. Diss. I. c. 10.

⁸⁸ Val. Max. VIII 2 2.

⁸⁹ Cic. in Verr. II 71.

⁹⁰ Sueton. Domit. 8. Ernestius in excursu XXXIII (editio Suetonii pg. XLIII) hunc locum ad quaestiones vult referre, quod cum usu dicendi vix congruit; licet enim facile iudices in consilio praetoris vel quaesitoris esse dicantur (cf. supra not. 63), tamen iudicem in consilio alterius iudicis esse, habere in consilio collegam et participem iudicii, vix invenias.

⁹¹ Lepida simul sunt et iudicis conditionem demonstrant quae extant apud Gellium, qui quo primum tempore a praetoribus in iudices legitur ad iudicia privata suscipienda, congerit libros Sabini et aliorum de officio iudicis scriptos novi laboris multos magistros neque quidquam commodi ex huiusce modi commentariis hausisse se dicit XIV 11 1, 2.

peritos juris refugiendum esse dicit.⁹² Arbitrum ex compromisso apud Plinium (cp. V 1) invenimus.

b. Rectorum provinciarum consilia saepius inveniuntur et facile intellegitur illos, cum jurisdictionem et administrationem haberent, provincialium autem auxilio carere mallent quam uti, eos praecipue in consilium vocasse, quos secum e patria in provinciam deduxerant.⁹³

Talis consilii formam, cum vetus ad nos exemplum pervenerit, satis cognoscere licet. Habemus enim Helvii Agrippae proconsulis Sardiniae decretum de finibus Palvicensium Othonis aetate (a. 69) factum;⁹⁴ in fine decreti legimus:

In consilio fuerunt: M. Julius Romulus leg. pro p(raetore), T. Atilius Sabinus q(uaestor) pro pr(aetore) M. Stertinius Rufus f(ilius) sequuntur quinque aliorum nomina.

Primo igitur loco ponuntur legatus pro praetore et quaestor pro praetore. Tali modo provincias administrantes primos eos in consilium adhibuisse, quos ipsis comites et adiutores negotiorum publicorum dedit res publica,⁹⁵ et secundum rerum naturam est et exemplis potest probari.

Quod ad legatum attinet, primo loco commemorem, quibus verbis legati munus exponi et explicari soleat. Proconsul enim utitur opera, consilio, ministerio legati, legatus proconsulem sequitur ad auxilium praestandum; qua de causa et consilarii⁹⁶ appellantur legati.

Tum autem praeterire non licet locum Dionis Cassii.⁹⁷ Graeci enim legatum solent appellare *πρεσβευτήν* (rarius *πρεσβύτην*, Lydus

⁹² XII xiii 2.

⁹³ Conf. infra.

⁹⁴ Tabula reperta in Sardinia, a Mommseno edita et explicata in Herm. II 102, III 167. — Invenitur etiam in Brunii fontibus juris Romani (pg. 231 ed. III). CIL X 7852.

⁹⁵ Verba Ciceronis in epistola ad Quintum fratrem I 1, 10. Utrum revera legatos a republica Ciceronis temporibus acceperit an ipse sibi elegerit quidque Helvii Agrippae aetate obtinuerit, docet Mommsenus II 677, 678.

⁹⁶ *σύμβουλοι* saepius apud Appianum.

⁹⁷ Dio Cassius 53 14, 5 seq.

Hujus loci haud memor Boeckhins ad CIGr. 2588 falso de quaestore et assessore loqui Dionem 57 14, 4 dicit; nam de legato et quaestore verba Dionis sunt intellegenda; similia 55 27, 6, 60 25, 5.

Huc pertinere videtur ei quod extat 72 5, 4, ubi duos Quinilios fraterno amore ita inter se dedios fuisse dicit, ut ne magistratibus quidem disjungerentur, nam καὶ ἕρπον ὁμοῦ καὶ παρὶδρενον ἀλλήλοις. Fratrem enim apud fratrem legati munus subire nihil habet, quod mireris, licet inde offendatur ratio, ex qua ortum videtur et profectum esse totum legatorum institutum, eam dico, ut magi-

de magistr. III 3), quem dicendi usum cur non sequatur, ipse exponit:

παρέδρους, οὕτω γὰρ ἂν ὁρθῶς αὐτοὺς οὐ πρὸς ὄνομα ἀλλὰ πρὸς τὴν πράξιν, ὥσπερ εἶπον, καλέομαι, ἐπεὶ οἱ γε ἄλλοι πρεσβευτὰς καὶ τοῦτους ἐλλογίζοντες ὀνομάζοντιν.

Paredros assessorem alias significat; cum autem legatum assessorem appellare se dicat, ad legatum neque ad assessorem referendi sunt loci.

Legati tum demum in consilium non vocantur, cum ipsi absunt a proconsule, sive missione quadam fungentes, sive perpetuo delegata potestate alibi demorantes.

Secundo autem loco⁹⁸ Agrippae decretum commemorat quaestorem pro praetore, quem, quia non minus quam legatus comes a republica dabatur et omnium rerum consiliorumque particeps (Cic. in Verr. I 15, 40) erat, in consilio semper fuisse, siquidem aderat, verisimile est. Desunt quidem alia exempla — utrum enim quaestor, quem adesse dicit Apulejus in apologia, quaestor proconsulis sit necne, ambiguum⁹⁹ est — sed, quemadmodum jam Ciceronis aetate mos adhibendi legatum et quaestorem ante ceteros in consilium inveteratus fuerit, testis est ipse Cicero, qui Verrem, quod consuetudinem neglexerit, acerbissimis verbis increpat. Dicit enim: ¹⁰⁰ „Condemnat omnes de consilii sententia: tamen neque iste in tanta re tot hominum totque civium causa P. Vettium ad se accessit, quaestorem suum, cujus consilio uteretur, neque P. Cervium, talem virum, legatum, qui, quia legatus, isto praetore, in Si-

stratus Roma absentes senatus custodiae auctoritatisque ne subtraherentur. Sic Quintus Cicero Marci fratris Ciliciani tenentis (Cic. ad fam. XV 4, 3), L. Scipio Publii fratris, cum Hispania ei obtigisset, legatus fuit (Liv. XXXVIII 38). Illud autem eum qui magistratu functus erat, rursus descendere ad legati munus, licet dignitas iam acquisita non amittatur (Zouaras VII 19 εἰ τις ἐκ μετέωρος ἀρχῆς εἰς ὑποδεύτερον κατέβη, τὸ τῆς προτέρας ἀξιώματι εἶχεν ἀκέραιον), tamen ibi tantum evenisse videtur, ubi sicut apud fratres illos amicitia vel necessitudo aliqua veniam daret. Sic P. Scipio consularis Lucium fratrem legatum (Liv. XXXVII 1, XXXVIII 38, Cicero Phil. XI 7, 17) se secuturum esse promittit et C. Pactumejus jureconsultus — ut docet inscriptio (CIL VIII 7059) — cum apud Rosianum Geminum socerum Achaiae proconsulari imperio tenentem legatione, deinde autem praetura et consulatu functus esset, iterum socii legatus factus est in Africa.

⁹⁸ De ordine, qua scilicet ratione recte in nostro decreto legatus primo quaestor secundo ponatur loco, conferendus Mommsenus II 686. Ciceronis aetate legatum et in consilio poni post quaestorem, docet Cicero ipse. Videas notam 100.

⁹⁹ Hirschfeld, römische Verwaltungsgeschichte I, pg. 17, n. 2.

¹⁰⁰ Cic. Verr. V 44, 114.

cilia fuit, primus ab isto iudex rejectus est; sed de latronum, hoc est de comitum suorum sententia condemnat omnes.¹⁰¹

Tertio loco decretum Helvii Agrippae habet sex viros, comites sine dubio proconsulis, quos ille non a republica accipit, sed ipse sibi suo libero arbitrio socios itineris evocat ad participandos peregrinationis tam labores quam amoenitates; cujus comitatus varius aspectus et ex quo cognoscere possis totam ipsius ducis naturam et indolem: inveniuntur enim in comitum numero tam iureconsulti et poetae et linguarum exterarum periti, quam turpium rectorum sceleratissimi socii et ministri,¹⁰¹ qui in cohorte comitum sive amicorum esse dicuntur.¹⁰²

Sic C. Memnius L. filius propraetore Bithyniam tenens ipse poeta in comitibus habuit Catullum et Cinnam poetas,¹⁰³ Tiberius Claudius Nero Florum saturarum scriptorem et iureconsultum, Titium poetam, alios,¹⁰⁴ sic M. Attejus Philologus grammaticus atque rhetor duorum Claudiorum Appii et Pulchri comes fuit in provinciis.¹⁰⁵ Tales comites etiam in inscriptionibus inveniuntur.¹⁰⁶

Cum jurisprudentia non desideretur a magistratibus neque a legato aut quaestore, verisimile est, in comitum numerum et iureconsultum saepe assumptum esse neque talium comitum desunt exempla; praeter Florum comitem Tiberii huc pertinet Valerius iureconsultus, Ciceronis familiaris. (Cic. ad div. III 1, 3.)

Inveniuntur in comitum numero¹⁰⁷ et senatores equitesque militarium et forensium rerum usu et exercitatione excellentes familiaritate cum magistratu conjuncti¹⁰⁸ et senatorum adolescentes filii, qui ante-

¹⁰¹ Testis Verris comitatus, cujus participes a Cicerone variis locis praedones, latrones, canes tribunal lambentes dicuntur.

¹⁰² Huc pertinet et Bruti cohors apud Horatium (Sat. I vii). Orellius cohortis vocem explicans affert locum Appiani (Hisp. 84), qui Scipionem trecentos viros legisse et cohortem amicorum (*ἡλιξ τῶν φίλων*) appellasse dicit; at hoc nihil ad nostram cohortem, sed est vera militaris cohors, delecta manus ex amicis ducis. Ad Horatium recte Acrio: *comitum cohortem, non militum*. Porphyrio: *cohortem comites dicit Bruti, qui in consilio ejus erant*.

¹⁰³ Catull. X, XXVIII, XXXI, XLVI.

¹⁰⁴ Hor. Ep. I 2, ad quem locum Porphyrio: *ipse Tiberius doctus comites et doctos habuit*.

¹⁰⁵ Suet. de ill. gramm. 10.

¹⁰⁶ CIL III 253, 430. X 352, 371. 1468.

¹⁰⁷ Conferenda praesertim Frontonis epistola VIII ad Pium data qua, quos comites in Ciliciam profecturus sibi elegerit, dicit.

¹⁰⁸ Arr. Epict. Diss. III 24. *ἐπειδὴ ἐν πολλῇ ἡγεμονίᾳ καὶ οὐκ ἐν ταπεινῇ τινι χρίσει, ἀλλ' αἰεὶ βουλευεῖς. οὐκ οἶδ' ὅτι τῶν ισοῦντων ὀλίγα*

quam ipsi magistratum petere conentur, peritioris fiunt asseclae.¹⁰⁹ Juvenilibus magistratibus patres comites eligere solebant.¹¹⁰

Praeter legatum, quaestorem, comites adhibentur nonnunquam etiam provinciales, cives scilicet Romani in provinciis; homines honesti e conventu apud Ciceronem inveniuntur (in Verr. II 29, 70), sed, ut idem dicit, cavendae tales provincialium familiaritates.¹¹¹ Sic fortasse Juliano Hadrumentino Javolenus Priscus in Africa usus est (Buhl, Salvius Julianus pg. 18). Cum autem in ipsa lege 5 D. de man. vind. XL 2 praeceptorem appellet Javolenum, Julianus tum dicisse potius quam ceteros docuisse putandus est. Adhibere autem humiliores ministros imperii, qui ex cohorte praetoris appellari solent, accensum dico, lictorem, praeconem, alios et contra morem est et ju licii auctoritatem attenuat. Recte igitur Verrem reprehendit Cicero, quod de sententia scribae, haruspiceis, praeconis pronuntiaverit.¹¹²

Quae cum ita sint, sequitur parum magno numero idoneorum hominum praesente, eosdem patre semper advocasse rectorem provinciae neque facultate variaudi, quae jure competeret, usum esse. Quod et Verris exemplum docet, cui eidem, qui jam Sopatro fuerat, in consilio sunt et locus Valerii Maximi, quo teste L. Crassus consulatu functus, cum Galliam provinciam obtinisset atque in eam Carbo, cujus patrem damnaverat, venisset ad speculandum, eum inde non summovit, sed insuper locum ei in tribunali assignavit nec ulla de re, nisi eo in consilium adhibito, cognovit. (Val. Max. III 7, 6.)

Legati Augusti, qui inde ab Augusti aetate in provincias Augusti mittuntur, cum in senatus provincias, ut antea, mittantur proconsules, ipsi neque legatos neque quaestores¹¹³ habent, sunt enim revera

μὲν δὲ οἰκονομεῖν, τὰ πολλὰ δ' ἀποδιδυμεῖν ἄρχοντα ἢ ἀρχόμενον, ἢ ἐπιχειροῦντιά τινα ἀρχῆν, ἢ σιταεινόμενον ἢ δικάζοντα;

¹⁰⁹ Legi enim illi, qua proficisci peregre vetantur, additur „nisi contubernalis aut comes magistratus.“ Suet. Caes. 42.

¹¹⁰ Verrem Cicero reprehendit, quod asseclas non traditos a patre, sed commendatos a meretricula habuerit (Verr. III 12, 30). C. Caesari adorientem misso comites dantur ab Augusto (Zonar. X 36) in quibus et pater Neronis (Sueton. Ner. 5) videtur fuisse. Comitem Tiberii datum a divo Augusto habet inscriptio (CIL V 35). Getae in urbe relicto consiliarios probatos amicos dedisse Severum Herodianus refert III 14.

¹¹¹ Cic. ad Quint. fratr. I 1, 5: *non quin possint multi esse provinciales viri boni; sed hoc sperare licet, judicare periculosum est.*

¹¹² Cic. Verr. II 30, 75. Hi comites stricto sensu non dicuntur, sed quia socii peregrinationis sunt, ubi liberius quis verbis utatur, possunt appellari; sic *comes scribae Neronis* apud Horatium Ep. I 8, 2.

¹¹³ Gajus I 6.

legati principis, qui proconsulari imperio tuetur provincias, quas senatus ditioni detraxit.

Quare imperator iter faciens per provincias adesse jubet legatos, quorum principis adventu obscuratur auctoritas (Plinius in panegyrico). Sic Piso legatus Germanico, qui proconsulari imperio, quod secundarium appellat Mommsenus, ad orientem missus est, assidet in consilio.¹¹⁴

Legati Augusti igitur contenti debent esse comitibus.

Eadem dicenda sunt de procuratoribus, quorum ei, quibus rerum tantum fiscalium procuratio mandata est, jurisdictionem fiscalem a Claudio accepisse,¹¹⁵ ei autem, quibus ipsa provincia est commissa quique praesides et procuratores interdum appellantur, omnino jurisdictionem habuisse videntur. Comites eorum commemorat Paulus in l. 12 § 1 de vacat. et excus. l. 5. Neque minus comites tribuuntur legatis juridicis, quibus in provinciis principis committi solet jurisdictio; huc inscriptio,¹¹⁶ nisi fallor, pertinet, Aemilii Crescentis comitis legati juridici Baeticae. De comitum viaticis, cibariis, congiariis salariis conferenda sunt ea, quae extant apud Mommsenum I 298 seq.; plura dicentur, ubi de assessorum salario disserendum erit.

c. Minime mirum et *principes*, cum in administranda re publica, tum in jure dicundo, sive magistratu fungentes sive extra ordinem jus dicentes, consilii auxilium requisivisse, cujus advocandi quas supra invenimus rationes et hic locum habent.

Princeps, quippe apud quem summa rerum sit, periculum et odium ipse ferre minime cupit.¹¹⁷ Tum etiam juris scientia principibus deficit, quorum pauci tantum juri studuisse, pauci jus novisse dicuntur.¹¹⁸ De principis igitur consilio pauca dicenda, et ea tantum,

¹¹⁴ Tac. ann. III 12. „Raro in tribunali Caesaris Piso et si quando assideret atrox ac dissentire manifestus.

¹¹⁵ Suet. Claud. 12. Ad principem a procuratore provocari docet l. 50 D. de jur. fisci XLIX 15. Conf. l. 9 pr. de off. proc. I 16.

¹¹⁶ CIL II 3415.

¹¹⁷ Huc spectare videtur locus Lactantii (de mort. pers. XI): *nam erat (Maximianus) hujus malitiae: cum bonum quid facere decrevisset, sine consilio faciebat, ut ipse laudaretur; cum autem malum, quoniam id reprehendendum sciebat, in consilium alios advocabat, ut aliorum culpa adscriberetur, quicquid ipse deliquerat.*

¹¹⁸ Galba inter liberales disciplinas attendit et juri (Suet. Galba 5), *M. Aurelius studuit juri audiens M. Volusium Maecianum* (vita Marci 3; Aristides pg. 109 ... τῆς αὐτοῦ τῶν νόμων ἐμπειρίας προσελθὼς). *Opilius Macrinus*

quae ad communem consilii et assessurae historiam pertineant; quacnam autem totius instituti fuerit gravitas et auctoritas, quemadmodum glisciente tempore senatum celsa sode deiecerit, tantum abest ut quaeram, ut qui haec legunt ad eos, qui uberius de consilio principis tractaverunt, revocare satis habeam. Praeter ceteros conferendi sunt Hauboldii (opusc. academ. I, Lipsiae 1825 pg. 187—314) de consistorio principum Romauorum dissertatio, Mommsenus, in Staatsrecht II 988—992, Hirschfeld, römische Verwaltungsgeschichte I pg. 201 sq., Karlowa, röm. Rechtsgeschichte 546—547, E. Cuq, in „Mémoires présentés par divers savants à l'académie des inscriptions et belles-lettres“ I^{re} série, tome IX, sect. I 311—504.¹¹⁹

A magistratibus amicos in consilium praecipue lectos esse, supra diximus; quod etiam apud principes evenit,¹²⁰ quorum amici maiorem videlicet habent auctoritatem et in tres classes videntur dividi.¹²¹ Illi ad principem solempni modo admittebantur, hos aegrotantes principes visere non dedignantur; hos convivio adhibent seque adhiberi sinunt, ex his etiam comites peregre profecturi sumunt.

Comites autem principis illa aetate — ut nunc constat luce allata a Mommseno¹²² — ei sunt, quos socios peregrinationis et itineris participes adjungit sibi princeps neque quidquam inter eos et comites rectorum provinciarum videtur interesse. Recte igitur

fuit in jure non incallidus (vita 13, Herodianus 4 12 de eodem *τοῦν δὲ ἐν ἀγορῇ οὐκ ἀπειρώως εἶχε, καὶ μάλιστα νόμων ἐπιτείνοντος*), *Septimius Severus* ad advocationem fisci pervenerat (vita Caracallae 8 3), *Gordianus* scientia juris insignis (vita Alexandri 68, vita Gordianorum 18). Permulti autem assidue et diligenter jus dixisse traduntur.

¹¹⁹ Omnino de regum consiliariis conferendi Dio Chrysostomus (recus. mag. XLIX), Dio Cassius in oratione Maecenatis (52 33), Leo imperator in tact. constit. III 6—8. Apud Ennodium (vita Epiphauil) et Sidonium Apollinarem (VIII 3 3, pg. 128 et 225 edit. Lutzjohanneae) occurrit nobis Leo consiliarius Alarici et Eurici, regum Gothorum.

¹²⁰ Tacitus XIV 62 ann. reprehendens Neronem, quod de Octavia judicaturus amicos adhibuerit, id solum dicit, illum iudices minime integros elegisse; non omnino amicos tantum adhibuisse et tales fuisse amicos, crimini ei dat. Sic et illi reprehenduntur, qui paucis tantum adhibitis, domesticum in publicis rebus videntur exercere consilium; huc pertinet Galba cum quattuor amicis *comitia imperii transigens*. (Tac. hist. I 14).

¹²¹ Principis amicitia quantum fuerit desiderata, cum ex aliis tum ex martyrum actis potest cognosci, ubi persaepe, ceteris frustra tentatis, martyrem pollicendo, fore eum principis amicum, ad pristinam fidem revocare conatur praeses. Conf. Arr. Epictet. Diss. II 14, III 4, IV 1, 4.

¹²² In Herm. IV 120 seq. — Memorie dell'instituto di corrispondenza archeologica 1865, pg. 302—308.

Lydus: ¹²³ κόμητας δὲ τοὺς φίλους καὶ συνεκδήμους Ἰταλοὶ λέγουσιν καὶ κομηάτον ἀπλῶς τὴν βασιλέως συνοδίαν.

Tales comites ex amicorum numero in singulas expeditiones sumit sibi princeps, ¹²⁴ quorum consilio cum in administranda re publica, tum in jure dicundo sublevetur, neque igitur mirum est, saepius et in inscriptionibus comites principis indicare et nomen principis, cujus asseclae, et expeditionem, cujus socii fuerunt.

Omnes paene imperatores tali modo consilium sibi advocasse videntur. ¹²⁵ Solum Caligulam consilii auxilio abstinnisse, cum ex Dionis Cassii verbis (60 43 — de Claudio loquitur — καὶ γὰρ τὸ κατὰ τοὺς συνέδρους ἐκλεγθὲν, ἐξ οὗ ὁ Τιβερίος ἐς τὴν νῆσον ἐξ-εχώρηται, ἀνενέωσται) colligi potest, tum Philonis testimonio confirmatur. ¹²⁶

Augusti ¹²⁷ postremi quidem temporis, Tiberii ¹²⁸, Alexandri ¹²⁹ primi quidem temporis firmum consilium non verum consilium, sed potius quod nos vernacula lingua „Staatsrat“ appellamus fuisse, hodie nemo est quin fateatur. ¹³⁰ Sicut enim magistratus, ita etiam princeps consiliarios adhibet ad singula negotia neque perpetuum sibi jungit consilium; quod jam Maecenas suaserat Augusto (Dio Cass. 52 33, 3 μετὰ γὰρ δὴ σοῦ ἄλλοι ἄλλοι εἰ διαγινώσκουσιν).

Consilium graece paene semper *συνέδριον* appellatur, qua appellatione saepius do senatu dicens Dio utitur, velut 52 20 1.

¹²³ Lydus, de magistratibus II 7.

¹²⁴ Philo acerbis verbis queritur, Gajum multis necopinatis expeditionibus amicos vexasse (legat. ad Gajum pg. 1039). Marcus autem in ipsius vita Antoninum patrem laudat, quod nunquam gravis et molestus in postulandis amicitiae officiis fuerit. (ἐγεύθη τοῖς φίλοις μῶτε συνοδηπεῖν αὐτῷ πάντως μῶτε συναποδιδμεῖν ἐπένεγκες).

¹²⁵ Augustus Joseph. bell. Jud. II 2, Dio 55 27, 56 28, 57 7, Suet. Aug. 33. Tiberius Dio 57 7. Tac. ann. 3 16. Nero Tac. 11 62. Sueton. Nero 15. Domitianus CIL IX 5420. Juvenalis sat. IV 72. Trajanus Plin. ep. IV 22, VI, 22, 31. Hadrianus Dio 69 7.

¹²⁶ Pg. 1040, quem locum omnes praeteriisse videntur: δικαιοῦσθ' μὲν γε ἔργα καὶ τὰ ἴν' καθεύδαι μετὰ συνέδρων ἀρωγὴν δὲν ἐπιλεγμένων ἐξεταζομένων ἐποθέτως μεγίστης, ἐν μέρῳ μὲν ἀκοῦσα τῆς κατηγορίας χωρὶς γὰρ τοῦ μηδὲν ὧν ἀρετίως εἶπον ἐργάσασθαι καὶ.

¹²⁷ Dio Cassius 55 27, 56 22.

¹²⁸ Suet. Tiberius 55.

¹²⁹ Herodian. VI 1.

¹³⁰ Mommsen. II 992. Cui pg. 318. 345.

Inveniuntur in tali consilio non solum senatorum sed etiam equitum nomina, sicut supra vidimus.¹³¹ Tum juris quoque lumina jam primis principatus temporibus in consilium adhibentur, sic Pegasus in consilio Domitiani,¹³² Neratium Priscum et Aristonem in consilio Traiani¹³³ invenimus; quomodo autem tale consilium convocetur, quidque ibi tractetur et judicetur, cum ex aliis documentis, tum ex epistola Plinii¹³⁴ in consilium Traiani Centumcellas vocati apparet; quae epistola illud praesertim docet, Plinii aetate nondum extitisse firmum et continuum principis consilium, sed ad singulas res convocatum esse. — Ceterum quomodo volunt, principes consilio utuntur; modo dicunt¹³⁵ sententiam, modo scribunt¹³⁶ consiliarii; modo dimittuntur, ubi secretiora aguntur;¹³⁷ modo princeps in consilio obdormiscit.¹³⁸

Principis consilii forma et natura mutata est ab Hadriano. Ille enim primus perpetuum consilium et sic quasi alterum senatum creavit. Habuit enim, cum iudicaret in consilio non tantum amicos suos et comites, sed et jurisconsultos et praecipue Julium Celsum, Salvium Julianum, Neratium Priscum aliosque, quos tamen omnes senatus probaverat (Spartianus vita Hadriani 18 1). Ab hoc tempore salarium consiliarii accipiunt a principe, in contubernio ejus esse et circa eum agere dicuntur¹³⁹ et quia non ad singulas res advocantur, sed semper praesto esse debent, semperque sunt occupati, excusantur a muneribus. Scimus tres eorum classes extitisse ducenarios, centenarios, sexagenarios. E. de Cuq¹⁴⁰, quem sequitur Duruy¹⁴¹, sejungit ab adsumptis in consilium consiliarios ita, ut sexagenarios assumptos, reliquos consiliarios appellatos esse contendat. Quae nominum explicatio nimis audax videtur; fulcitur enim una sola inscriptione CIL X 6662.

¹³¹ Supra not. 46.

¹³² Juvenal.

¹³³ l. 5 D. si a parente XXXVII 12.

¹³⁴ Ep. VI 31.

¹³⁵ Quod paene semper fit.

¹³⁶ Suet. Nero 15.

¹³⁷ Suet. Octav. 93.

¹³⁸ Suet. Claudius 33.

¹³⁹ Vita Hadriani 8. l. 11 § 2. D. de min. IV 4.

¹⁴⁰ L. c. pg. 352.

¹⁴¹ Duruy, histoire des Romains V 111, 112; idem sentire videtur O. Karlowa, römische Rechtsgeschichte I 546.

Pii Felicis Aug(usti) ducenariorum praef(ecto) vehicu[lorum] a copi[is] Aug(usti) per viam Flaminiam, centenariorum consiliario Aug(usti) sacerdoti confarreationum et diffareationum adsumpto in consilium ad (sestertium) LX milia n(ummum) juris perito Antiates publice).

Hierarchiam quandam fuisse in consilio docet haec inscriptio; cui primum consilii penetralia aperiuntur, assumi in consilium recte dicitur; qui autem, consilii iam particeps, altiorum ascendit gradum, assumi parum recte diceretur. Sexagenarios autem consiliarios nomen non meruisse, omnes autem consiliarios centenarios vel ducenarios fuisse ex hac inscriptione colligere non licet; quod autem dicit, excusationem tutelae primum consiliariis solum, postea demum adsumptis concessam esse, ex lege 11 § 2 D. de min. IV 4, collata cum lege 30 pr. D. de excus. XXVII 1 minime sequitur; qui enim circa principem sunt occupati (l. 11 § 2), iidem sunt, qui circa latius agunt (l. 30 pr.) eodemque tempore omnibus consilii participibus, hoc est, etiam sexagenariis, datam esse vacationem etiam inde colligo, quod Papinianus Severi et Caracallae temporibus concessam eam esse dicit, quorum aetate Arius Menandrum vixisse, confirmat Macer in l. 13 § 6 de re mil. XLIX 16 (cf. l. 1 D. de veteran. et mil. succ. XXXVIII 12).

Hadrianum primum tali modo consilium stabilivisse formamque ei dedisse perpetuam nunc omnes concedunt; praesertim Momms. II 989, Hirschfeld I 201 seq., Haubold l. c. § V (quae inscribitur „de consiliariis Hadriani et vera consistorii origine“) Cui l. c. cap. III.

Ab Hadriano jureconsultis firma sedes ponitur in consilio, quod non juri dicundo solum et cognoscendis causis, sed et legibus ferendis vacat. Recte, meo quidem iudicio, Cui dicit, cohaesisse inter se edicti praetoris perfectionem simul et finem, et novam constitutionum ferendarum formam, ita scilicet ut, quam antea praetor sibi vindicaverat, interpretatio et propagatio juris civilis, tunc redierit ad principem ejusque consiliarios. Sic Julium Celsum, Neratium Priscum, Salvium Julianum sub Hadriano, Vindium Verum, Volusinum Maecianum cum Pio, Papinianum, Tryphoninum, Paulum, Ulpianum sub Severis, Modestinum sub Maximino invenimus, qua re docemur, minime verum esse, quod Claudius Mamertinus,¹⁴² Julianum in caelum laudibus tollens, adulatur, habuisse et alios principes devotum sibi cohortem, illos autem, cum ipsi imperiti atque rudes essent,

¹⁴² Gratian. actio de consulatu suo 25.

doctissimum quemque in consilium delegisse, ut ipsorum prudentia aliquatenus emineret, . . . Julianum demum omnibus nugis remotis optimum et doctissimum advocasse. Immo nequissimi et scelcratissimi principes celeberrimos jureconsultos sibi junxerant!

Pristinam autem naturam consilium principis servavit ita, ut nullo modo ejus sententia obstringeret principem; saepius enim contra consilium pronuntiat princeps,¹⁴³ aperte autem sententiam dicere sub omnibus licuit neque unquam neccssitas assentiendi fuit.

Praeter perpetuos consiliarios ad singulas res etiam alios adhiberi, praesertim majores magistratus, cum per se nihil habet quod offendant, tum multis testimoniis potest probari; praefectos praetorio inde ab exeunte saeculo altero in amplissimo statu collocatos esse constat.

Tale consilium principis mansit usque ad Diocletiani et Constantini tempora, qui quid innovaverint, infra explicabitur.

Tali modo consilio principis stabilito redeundum nobis ad magistratuum consilia et hoc ante omnia inquirendum, utrum in eis simile quid acciderit necne, et quando acciderit. Agendum nobis praesertim de assessorum et consilii diversa natura; quae materia plane obscura et minime explorata est, quamvis studio sit dignissima.

¹⁴³ l. 38 pr. D. de minor. IV 4. l. 8 D. quod cum eo XIV 5. l. 97 D. de acquir. vel omitt. hered. XXIX 2. — Mira sunt, quae affert Cuq (l. c. pg 410, 411): „le conseil du prince avait un rôle tout différent des assesseurs des magistrats; il faisait connaître son opinion sur la question qui lui était soumise, mais il n'avait pas de pouvoir propre, sans quoi son autorité eût été supérieure à celle de l'empereur. Celui-ci n'était lié ni en fait, ni en droit par l'avis de ses conseillers. Il l'appréciait souverainement et faisait fréquemment fléchir la rigueur du droit devant des considérations d'équité.“ Quae initio dicuntur, valent et apud consilia et apud assessores magistratuum, quae autem in fine extant, referenda sunt ad differentiam non consilii ejusque naturae sed jurisdictionis omnino, qua fit, ut quod liceat principi, non liceat ceteris. Ad hanc jurisdictionis differentiam spectant Augustini verba (ep. 84 c. 10. Migne patrol. XXXIII 308) . . . „quod eis non poterat iudex concedere, qui secundum leges quae contra eos constitutae sunt, iudicabat — quanto ergo melius ipse Imperator, qui non est eisdem legibus subditus et qui habet in potestate, alias leges ferre.

CAPUT II.

DE CONSILIO ET ASSESSORIBUS.

Scimus, magistratus eodem modo, quo imperatores, procedentibus annis perpetuos, ut ita dicam, consiliarios sibi jungere coepisse, ita scilicet, ut magistratum incuntes in totum muneris tempus eos sibi eligerent neque ad singulas tantum res in consilium vocarent. De facto quidem jam temporibus, de quibus supra locuti sumus, perpetuo tali consilio usi sunt provinciarum rectores, quorum, quia pauci idonei praesto erant — comites intello — angustis finibus contineretur facultas eligendi;¹⁴⁴ quo autem tempore in urbe similia primum evenierint, investigandum et utrum inde aliquid in provinciis mutatum sit necne, accurate exquirendum est.

In duas partes discedunt viri docti, quorum quidem cognoverim sententiam et iudicium. Cum enim fore omnes satis habeant dicere, certe Ulpiani vel Papiniani¹⁴⁵ aetate assessores inveniri, Bremerus in libro qui inscribitur „die Rechtslehrer und Rechtsschulen im römischen Kaiserreich“ (1868) censet, jam Angusti temporibus tales assessores extitisse; Labeonem enim assessorem fuisse dicit in pag. 47.

Bremeri opinionem infra demum plenius pertractandam, rectam non esse demonstrabimus. Ei autem, qui Papiniani aetate assessores extitisse dicunt, certe non errant, sed quando primum extiterint, nullo modo nos docent.

Meo quidem iudicio *Hadriani* tempora prima assessores viderunt; quae ad hanc sententiam pronuntiandam me pepulerunt, haec sunt:

¹⁴⁴ Conf. supra pag. 22.

¹⁴⁵ Jureconsultorum enim, quorum fragmenta extant in titulo de officii assessorum conscripto, nemo ante Papinianum vixit. Sunt enim praeter Papinianum Paulus, Macer, Marcianus.

1. Ante Hadrianum assessores non extitisse, docere mihi videntur Plinii epistolae, in quibus de prisca semper consilii forma, quam in praecedentibus cognovimus, loquitur; conferendi sunt praesertim hi loci:

- a. Ep. I 20: *frequenter egi, frequenter judicavi, frequenter in consilio fui.*
- b. Ep. I 22: (*Aristo*) *multos advocacione, plures consilio juvat.*
- c. Ep. VI 11: *adhibitus in consilium a praefecto urbis, audiui etc.*
- d. Ep. VI 15: (*Javolenus Priscus*) *interest tamen officiis, adhibetur consiliis, atque etiam jus civile publice respondet.*

De nomine assessoris autem, quod jam ante Hadrianum inveniri haud ignoro, infra loquar.

2. Hadrianum assessores instituisse neque alium, haec habeo, cur putem:

- a. Ac primum quidem adest consilii principis ab eodem *Hadriano* stabilita forma, neque a verisimili abhorreere videtur, magistratus principis consilium secutos esse.
- b. *Hadrianum* officiis publicis et palatinis nec non militiae formam dedisse, pauca tantum Constantinum immutasse in epit. Victor. 14 legimus. Officiorum publicorum appellatione assessores contineri sine dubio possunt.¹⁴⁶
- c. *Hadriani* magnum favorem erga jureconsultos fuisse, constat. (Conferas ea quae supra de consilio principis dicta sunt quaeque infra de juris studio dicentur.)
- d. Edicti perpetui perfectio et quam cum illa et per illam assequi voluit *Hadrianus*, juris scilicet et jurisdictionis perpetua et constans forma, continuum videbatur postulare jureconsultorum auxilium.
- e. Praeter cetera autem huc pertinent ea, quae de nomine assessoris nunc sunt dicenda. Nomine assessoris primus utitur Cicero, regibus Lacedaemoniorum augurem assessorem¹⁴⁷ datum esse dicens et sine dubio ibi graecum *πρόεδρος* latine vertens.

Tum autem si liberius loqui velis, quicumque in consilio est, et assidet et assessor potest appellari. Sic Cicero de conessore,¹⁴⁸

¹⁴⁶ Conf. Hirschfeld, Verwaltungsgeschichte I 290 seq. Erst Hadrian hat sich von der überkommenen Praxis energisch losgesagt und dem römischen Reichsbeamtenstand eine neue Gestalt gegeben, in gewissem Sinn denselben erst geschaffen.

¹⁴⁷ Cic. Div. I 43.

¹⁴⁸ Cic. de fin. II 19.

Seneca¹⁴⁹ de assessore loquitur, sed nequaquam eum, quem uos termino tecnico appellamus assessorem, designare videntur. In Senecae verbis duo accedunt: ac primum quidem, quod ludibrii nonnihil in ejus verbis inesse videtur; tum autem facile concesserim, majore jure praetorem assessorem eum appellare, quem in consilium vocat, quia eum, cui praeter ceteros commissa est jurisdictio, de facto semper eodem habuisse in consilio verisimile est. Revera jam Senecae temporibus eos, qui ad singulas res dijudicandas vocabantur in consilium, assessores appellatos esse, docet liber assessoriorum¹⁵⁰ Salii, qui et ipse praetori auxilium interdum videtur praebuisse. — Eadem ratione idem Seneca (de clem. I, 15, 3), Augustum, in consilium vocatum, *assedis* ei dicit, a quo vocatus erat.

Praesertim eadem de causa etiam rectorum provinciarum comites, quos cum ad alias, tum ad iudicii curas participandas assumi supra diximus, assessores interdum jam ante Hadrianum appellantur. — Sic Tacitus Germanico Pisonem legatum raro *assedis* narrat (cf. n. 114).

Huc pertinet locus Suetonii mirum in modum ab interpretibus exercitatus; legimus enim apud illum:¹⁵¹

„Regebatur trium arbitrio, quos una et intra palatium habitantes nec unquam non adhaerentes paedagogos vulgo vocabant. Hi erant T. Vinus, legatus ejus in Hispania, cupiditatis immensae, Cornelius Laco ex assessore praefectus praetorii, arrogantia socordiaque intolerabilis, libertus Icelus paullo ante anulis aureis et Martiani cognomine ornatus ac jam summi equestris gradus candidatus.“

Verba „Cornelius Laco ex assessore praefectus praetorii“ ab omnibus¹⁵² mihi videntur ad assessorem praefecti praetorio referri. Cujus assessor fuerit Laco, Suetonius non dicit neque praefecti assessuram quidquam indicare videtur. Immo Galbae assessor fuit, quod optime congruit et cum iis quae praecedunt et cum iis quae sequuntur. Suetonius enim, cui Galbae valde displicuit imperium, illum ad summum rerum propectum veteres amicos et eos indignos

¹⁴⁹ Seneca de tranquill. animi III 4: „qui inter peregrinos et cives aut urbanus praetor aleuntibus adessoris verba pronuntiat.“

¹⁵⁰ De hoc libro conferas quae de scriptis ad assessuram pertinentibus infra dicam.

¹⁵¹ Suet. Galba 14.

¹⁵² Quod omnes sine dubio faciunt, qui de assessore praefecti praetorii dicentes testimonii loco exhibent Suetonii verba. Sunt hi: Rein apud Pauly, Realencyclopaedie s. v. assessor, Humbert apud Daremberg et Salliot s. v. assessor.

ad celsas potestates et arcanorum imperii conscientiam vocasse dicit. Sic, inquit, legatum quo usus est in Hispania¹⁵³ ad consulatum, Laconem quo usus est comite ad praefecturam, Icelum denique libertum equestri dignitate auctum ad consilii societatem promovit. — Titium Vinium consulem fuisse a. 69 Tacit. hist. I 1 refert; legatum fuisse, legionis scilicet, in Hispania demonstrant Plutarchi verba *ὁ τοῦ στρατιωτικοῦ λόγου ἡγεμὼν*. — Quod autem ad Laconem¹⁵⁴ attinet, ad assessorem Galbae principis Suetonii verba referri nequeunt, nam ut primum Galba ad principatum pervenit, Laco praefectus creatus est et si Plutarchi narrationi credas, in comitatu Galbae e Hispania revertentis et Narbone degentis fuisse videtur, ex quo ipso, jam in Hispania comitem eum Galbae fuisse, facile colligitur.

Sic Suetonii vel Senecae aetate jam extitisse assessuram quam Papiniani et Pauli viderunt tempora, minime credendum est; cum primum autem in inscriptionibus apparent assessores, venisse eorum tempus facile credideris, vix enim is, qui ad singulas res, interdum vel ad unam omnino, vocatus est in consilium, assessorem se fuisse cujusdam in titulis gloriabitur, immo in inscriptionibus terminis technicis usi sunt semper Romani.

Tres inscriptiones saeculi secundi assessores magistratuum nominant.

1. CIL XI 3934.

C. Calpurnius Asclepiades Prusa ad Olympum medicus parentibus et sibi et fratribus civitates VIIa divo Traiano impetravit natus III nonas Martias Domitiano XIII cos eadem die, quo uxor ejus Chelidon, cum quo vixit annis LI studiorum et morum causa probatus a viris clarissimis adsedit magistratibus populi Romani ita ut in aliis et in provincia Asia custodiar . . . in urna judicum vixit an(nis) LXX.

Asclepiadi, qui natus anno 87¹⁵⁵ septuaginta annos vixit, cum Trajani, tum praesertim Hadriani et Pii imperiis frui licuit;

¹⁵³ Scimus enim revera Galbae post administratam sub Claudio Africam (Suet. Galba 7, 9. Plutarchi Galba 3) a Nerone oblatam esse Tarraconensem Hispaniam, quam provinciam per octo annos varie et inaequaliter rexit (Suet. Galba 7, 8, 9, Plut. Galba 3).

¹⁵⁴ De Lacone praesertim Tac. hist. I 6, 13, 14, 19, 24. Plut. Galba 11, 12, 13 praesertim, 13 in initio.

¹⁵⁵ Illo enim anno Domitianum XIII consulem fuisse cum L. Volusio Saturnino constat.

verba „assedit magistratibus“ non necessario ad assessorem referenda esse concedo, immo fortasse ob insignem medicinae scientiam in comitum numerum receptus est a magistratibus. Sed veram assessuram et iudicii praesertim societatem haud scio an indicent obscura verba in fine posita, quae quidnam exciderit, minime produnt. Medicum assessura fungi et in jure versari nihilo magis offendit, quam aliarum liberalium artium juris peritis attributa scientia et studium.¹⁵⁶ Tamen fateor, quia non substantivo sed verbo utitur inscriptio, utrum ad assessorem referenda sit necne, in incerto manere.

2. CIL VIII 1640.

Sine dubio autem assessorem designat haec inscriptio:

T. Πίνιον Τοῦτον βουλευτὴν Ἀμασιανὸν νομικὸν συγκάθερον Μ. Οὐλίτιον Ἀραβιανοῦ ἀνθυπάτου Ἀγορικῆς ζήσαντα ἐτη λζ' Νικίηστος ὁ Θρεπίδης.

Pinnius Justus assessor videtur fuisse Arabiani proconsulis Africae; conferens hanc cum graeca inscriptione (CIGr. 4151) feliciter collegit Le Blant,¹⁵⁷ Ulpium Arabianum sub annum 146 Africam tenuisse eoque ipsum Amastrianum ex Amastrianis electum jurisperitum assessorem duxisse.

Pinnius Justus igitur, si minus Hadriani aetate, attamen paulo tantum post eum assessura functus esse videtur.

3. CIL VIII 2777.

D(is) M(anibus). C. Vibius Romulus adsor Maximiani c(larissimi) v(iri) v(ixit) a(nnis) L.

Wilmannsius legit ads(ess)or Maximiani, quem suspicatur eundem esse atque in inscriptione VIII 212. — Nisi igitur errat Wilmannsius, assessorem habemus temporum Commodi.

Urbanorum magistratum assessores hoc quidem tempore non inveniuntur.

Nunc autem de diversa assessorum et comitum ratione agendum est; nisi fallor, plurimi ita rem se habere putant, ut assessores et comites iidem sint. Mihi aliud rectum esse videtur.

Post assessuram institutam provinciarum rector non minus quam ceteri populi Romani magistratus assessoris sive assessorum consilio utitur; qui quidem assessor, quia itineris est socius et peregrinationis particeps, comes recte dicitur, sed non omnes comites recte asses-

¹⁵⁶ Sic Massurium Sabinum musicis assiduam operam navasse instrumentaque artis illius feliciter tractavisse refert Athenaeus lib. XIV.

¹⁵⁷ Comptes rendus de l'académie des inscriptions et belles-lettres 1874, pg. 200.

sores appellantur. Sic is quoque loquendi usus, quo assessor *comes et assessor* ^{157a} dicitur, explicatur. Videbimus infra magistratibus singulos assessores (perperam igitur plurimi de *consilio assessorum* semper loquuntur) aut parvum certe numerum datos esse ad participandos praesertim iudicii labores, sed nequo singulis comitibus ad peregrinationis otia et negotia transigenda contenti erant, neque quos praeter assessorem sibi iuuxerant, ad singulas res prisco more in consilium vocare prohibebantur.

Sic etiam in provinciarum magistratibus mutatum est aliquid assessorum institutione; mutatum esse docent inscriptiones, in quibus ante Hadrianum comites tantum, ab illius autem aetate etiam assessores inveniuntur.

Fieri non potest quin, quatenus assessurae fuerit ratio, diligentius exploremus. Plerique enim proponunt rem proinde ac si assessura instituta consilii veterem formam funditus sustulerit; opponitur assessura consilio, ita ut antea varium et incertum et semper novum, ab assessurae temporibus constans et certum et semper idem consilium adfuerit.

Quam rei descriptionem defendi et teneri non posse, ut argumentis demonstramus, ante omnia curae nobis sit. Non omnes comites assessores esse modo nobis persuasimus, quod facilius intellegetur, cum de officio et munere assessorum dixerimus, quae non talia sunt, ut pluribus opus sit. Haud ignoro, etiam post Hadrianum interdum omnes, qui adsunt in consilio, assessores appellari, quod eodem jure neque minore quam ante Hadrianum videtur fieri. Huc pertinent Acronis et Porphyronis ad Horatium notae; comitum enim cohortem appellari modo eos, qui sunt in consilio, modo assessores dicitur. ¹⁵⁸

^{157a} CIL II 2129.

¹⁵⁸ Horat. Sat. I VII 20 sq. habet: in jus

*Acres procurrunt, magnum spectaculum utque
Persius exponit causam; ridetur ab omni
Concentu; laudat Brutum, laudatque cohortem
Solem Asiae Brutum adpellat stellasque salubris
Adpellat comites, excepto Rege.*

Cohortem comites dicit Bruti, qui in consilio ejus erant. (Porph.).

Et ad Horat. ep. I VIII, 13, 14:

*Post haec, ut valeat, quo pacto rem gerat et se
Ut placeat juveni percontare utque cohorti.*

Ad verba „utque cohorti“ Porph.: **Assessoribus.**

Certe Porphyrio eodem sensu utitur utroque verbo.

Assessura veterem consilii formam non sustulit.

Magistratus non minus quam antea ad singulas res dijudicandas amicos in consilium vocare potest; certe etiam assessor est in consilio, nam praeter cetera in cognitionibus ejus consistit officium; est consilii, ut ita dicam, firma et immobilis portio et quia propiore societate et diuturno commercio adhaeret magistratui, facile primas ibi agit partes.

Consilium advocari non desitum esse colligi potest etiam ex Apulei apologia; Maximus enim Claudius de Apulejo magiae reo cognoscit cum consilio¹⁵⁹ et de consularium virorum sententia pronuntiasse Lollius Urbicus proconsul etiam hic Africae dicitur.

Eadem docent acta martyrum, in quibus, licet suo jure contendat Le Blant,¹⁶⁰ editores ea, quae ad iudicii formam spectarent, cur tantum mutarent nihil habuisse, tamen, si quid invencris, incerta martyrii sinceritas invento nimis gaudere te non sinit. Huc praeter ceteras pertinet passio Sancti Philippi, incuntis saeculi quarti; ibi praescs Bassus Heracleae residens „communicato cum participibus et assessore consilio talem edidit saevo ore sententiam“. (Ruin. acta mart. sinc. 417) apud eundem 462 „praescs sedens pro tribunali cum detestabili consilio. — Conferas etiam 127 (cf. supra), 164 (consilio accepto), 217 (collocutus cum consilio). — Assessor tantum in consilio nominatur in passione Pionii, ubi Smyrnae proconsul „diu habitis cum consiliatore sermonibus“ sententiam fert. (Ruin. 150).

Consilium etiam post Hadrianum adhibitum esse, docet etiam illud, quod saepius apud magistratus, quos singulos tantum habuisse assessores constat, plures inveniuntur in consilio, et illud, quod interdum homines inveniuntur in consilio, qui certe assessores non sunt. Huc pertinere videtur locus Basilii epistolae ad Eustathium missae (Migne, patrol. graec. lat. XXXII 832): *εἰ γὰρ οἱ τοῦ κόσμου ἄρχοντες διὰν τινὰ τῶν κερκοφόρων καιαδικάζειν μέλλουσιν, ἀφελχονται τὰ παρὰ-πετάσματα, καλοῦσι δὲ τοὺς ἐμπειροτάτους πρὸς τὴν τῶν προκειμένων σκέψιν.* — Huc pertinent et Ellebichus magister militum et Caesarius

Similia apud Tertullianum ad Scapulam IV (agitur de Christianorum persecutionibus). *Asper, qui modice vexatum hominem et statim dejectum nec sacrificium compulsi facere ante professus inter adrocatos et assessores, dolere se incidisse in hanc causam.* — Similia in actis martyrum (Ruin. acta mart. 127): *praefectus et assessores, qui in consilio erant.*

¹⁵⁹ Apulejus de mag. saepius.

¹⁶⁰ Les acta martyrum et leurs sources in „nouvelle revue historique du droit français et étranger“ 1879, pg. 196. Conf. Egli, althchrstl. Studien I, pg. 63.

magister officiorum, quos de Antiochiensi seditione cognoscentes senatores et magistratu functos in consilium vocasse tradit Libanius; ¹⁶¹ quibus praesentibus mitiorem factam esse inquisitionem.

Assessor autem non solum adest in consilio, sed latioribus finibus ejus continetur officium.

Assessor magistratui etiam in ceteris officii partibus operam adiutricem navat, in quarum societate neque ante neque post Hadrianum consilium versatum est. Quae cum infra demum satis explicari possint, indicasse tantum hoc loco sufficiat.

Hadrianus igitur instituendo assessuram nihil voluit efficere nisi illud, ut magistratibus perpetui, ut ita dicam, adessent consiliarii. Instituit assessuram, nobile exemplum ipse magistratibus proponens ad imitandum. ¹⁶² A quo initio profecta sit assessura, persecuti sumus, quo modo autem et quando increverit, in incerto est positum. Quod tantum abest, ut hoc loco diligentius exquiram, ut infra demum, ubi facilius fieri potest, indagare coner. — Hoc loco id tantum dicatur, cum Severorum tempora, ¹⁶³ tum Diocletiani et Constantini ¹⁶⁴ rerum ordinationes nonnihil etiam in assessura mutasse videri.

Summa eorum, quae in hoc capite didicimus, haec est:

1. Nova assessurae forma Hadriani aetate vel certe non antea orta est.
2. Nova assessurae forma veterem consilii non sustulit, sed etiam post Hadrianum praeter assessores secundum veterem morem ad singulas res amicos in consilium vocare licet neque in sola consilii societate consistit assessoris officium.
3. Rectorum provinciarum comites non omnes jure assessores, assessores autem comites semper recte appellantur. ¹⁶⁵

Nunc autem de vris assessoribus disserendum est. Ordinem sequar hunc: Primum de conditionibus assessurae quaeque desiderentur in vocantis quaeque in vocati persona, verba faciam.

¹⁶¹ Libanii orationes ed. Reiske II 12, 14.

¹⁶² Conferenda ea quae infra de juris scientia desiderata in assessore dicuntur.

¹⁶³ Conferendum caput, ubi de salario dicam.

¹⁶⁴ Conferendum caput, ubi de eo qui assessorem adhibet loquimur.

¹⁶⁵ De assessorum et comitum diversa ratione infra, cum ad salarium pervenerimus, plura erunt dicenda.

Deinde paucis de ipsa nominatione et de numero assessorum dictis quaenam omnino fuerint officium et jura et specialiter quale fuerit salarium, explicabo. Deque fine et effectu neque non de privilegiis tam odiosis quam favorabilibus loquar. — In altera autem parte singulorum magistratuum assessores cognoscere eorumque diversam et tamen eandem naturam perspicere conabor. — In tertia denique parte de assessura et cursu honorum, quae quidem afferri possint, componam.

CAPUT III.

DE ASSESSORIBUS.

A. PARS GENERALIS.

§ 1.

De eo qui assessorem adhibet.

De re universa dicentibus nobis illud tantum hoc loco indagandum est, quid in persona ejus, qui eligat assessorem, desideretur vel postuletur legibus et consuetudine. Veterum testimonia nusquam, quod quidem viderim, ex professo certiores nos faciunt, sed tamen cum e legibus de assessoribus scriptis, quae quidem ad nos pervenerint, tum ex exemplis¹⁶⁶ assessorum, quorum extat memoria, satis lucis affluere videtur. Certe, quia rarius de assessoribus dicitur, minime, si assessorem apud aliquem haud inveneris, eum defuisse, colligere licet. Eorum autem, quae colligi possunt, summa haec est: qui jurisdictione propria et perpetua fruitur, assessorem habet.

Primo igitur loco recte ponuntur, qui jurisdictione fruuntur magistratus, sive imperii sive provinciae, sive sacrarum urbium administratio eorum curae est commissa, sive palatinorum sive militum catervas regunt, neque differentiam facit ordo et gradus dignitatis, nam sicut praefecti vicariiue eorum, ita et proconsoles, consulares, praesides, correctores, qui iudices *καὶ ἐξουρῖν* saepe appellantur, assessorum fruuntur consilio.

Indigent autem tali consiliario ei, qui propriam jurisdictionem non habentes ex alterius jurisdictione dijudicandarum litium sibi sumunt facultatem; quo pertinet ipse assessor, cui vel vetantibus legibus saepe lites traduntur a magistratu. Talis assessor ipse

¹⁶⁶ De his conferenda quae in speciali parte dicentur.

assessore non habet; huc pertinet etiam quaestor sacri palatii, de quo infra plura erunt dicenda.

Indigent assessore etiam ii, qui iudicandi officium non perpetuum habent, sed ad singulas res cognoscendas rogati iudicis personam induunt. Qui si alieno auxilio uti volunt, sicut ante Hadrianum moris fuit, consilium advocant, veri autem et perpetui assessoris, quia ne ipsi quidem perpetui sunt, neque desiderium neque necessitas extat. Huc pertinet praeter ceteros iudex ordinarii processus civilis. Si tempora ordinis iudiciorum privatorum spectas, occurrunt tibi Gellii, Hadriani coetanei, narrationes.¹⁶⁷ Sed ne sublato quidem ordine quidquam mihi videtur mutatum esse, cum ne iudex pedaneus quidem perpetuus iudex sit; hoc enim constat eos, qui dicant,¹⁶⁸ perpetuum illum esse, receptas in codicem esse Dioeletiani et Juliani constitutiones (l. 2, l. 5, C. J. de ped. jud. III 3), quae certum ponunt modum iudicis dationi, negare non posse. Qui iudices neque perpetui sunt et ob illud assessorum auxilio non egent, quia ipsi jurisperiti sunt et eliguntur ex advocatis; tum autem nec altera quidem apud eos extat ratio adhibendi assessoris, laboris, ut infra videbimus, imminutio. Assessoris officio continentur labores et opera, quae iudicis pedanei curis aliena sunt. Minime autem recta mihi videtur esse causa, quam solam affert Bethmannus-Hollwegius III 133: „bei den iudices pedanei kommen sie (die Assessoren) wohl deshalb nicht vor, weil diese einen Beisitzer nicht zu bezahlen vermochten“. Orta est haec sententia et nititur fundamento, quod nullum esse infra demonstrabimus, ubi de salario dicemus.

Cum autem Zeno constitutione hodie deperdita, quam commemorat Justinianus in novella 82, singulis iudiciis certos iudices definivisset, videntur hi, magistratus imitantes, assessores sibi junxisse; quem morem valde reprehendit Justinianus in novella 82, qua iudicum ordinat conditionem, et ipse dicit, merito magistratus suos frui consilio assessorum, qui et explicent leges et eorum occupationes suppleant, eos autem, qui magistratum non gerentes ad iudicium vocantur, aliunde iudicandi honestatem emendicare, maximo damno esso rei publicae contendit.¹⁶⁹

De consilio et assessoribus iudicum infra¹⁷⁰ nonnulla addentur.

¹⁶⁷ Conf. supra n. 91, 92.

¹⁶⁸ Hegel, Geschichte der Städteverfassung von Italien, 1817. I, pg. 91, not. 2.

¹⁶⁹ Nov. 82 praefatio.

¹⁷⁰ Conferenda prima specialis partis paragraphus.

Jam de ratione et causa adhibendi consilarii pauca sunt afferenda. Duas res ad assessuram instituendam principes commovisse Justinianus dicit, juris scientiae desiderium et laboris publici onus et molestiam.

Verum etiam ea aetate est, legum peritiam in magistratibus non spectari; quod apud magistratus, quorum in jure dicundo non praecipuus est labor, facile concedi potest, praesertim apud magistros militum, comites, duces; sed ceteros constat, saepissime, non quod apti ad judicandum essent, sed ob alias causas esse provectos. Recte talia designat vetus scholion ad Basilica VII 3, 24 conscriptum quod, hodie deperditum, servatum a Cujacio, invenitur apud Heimbachium: *πολλοίς οἱ ἄρχοντες ἦτοι οἱ τῶν δικαστηρίων προκαθήμενοι οὐκ ἴσασιν ἀκριβῶς τοὺς νόμους, προβαλλόμενοι, οὐχὶ διὰ τὸ καλῶς εἰδέναι τοὺς νόμους, ἀλλὰ διὰ τὴν ἀξίαν καὶ τὴν περὶ τὸν βασιλέα πίστιν ἣ συγγένειαν.*

Cassiodorus ipse, qui celebri quodam loco ¹⁷¹ dicat, professionem esse justitiae, peritos judices dare, tamen in quaestore ¹⁷² tantum juris scientiam exigit, alias autem dignitates assessorum solatia quacere sinit, in aliis enim id esse tolerandum utcumque dicens.

Sic et magistratus ipsi alienis consiliis se indigere non negant, ¹⁷³ neque raro ob hanc infirmitatem et reprehenduntur et irridentur. Quo pertinet Josephus de Judaeis (contra Apionem II 18) et Ammianus de Persis (XXIII 6 82) disserens, quorum hic Persas laudat, quod ad judicandum spectatos et integros et parum alienis consiliis indigentes viros destinant. ¹⁷⁴ Quibus exemplis jam a Gothofredo allatis addam Joannis Chrysostomi, ¹⁷⁵ qui Dei cum terrestrium judicium his verbis conferre videtur judicium: (*Κύριος Θεός...*) *αὐτὸς πηγί, αὐτὸς αἴτιος τῶν ἀγαθῶν, οὐδὲν δὲ τοῦ δεῖται συμβούλου,*

¹⁷¹ Var. VIII 18. Conf. VIII 16: *gloria regni est, reperisse judices exquisitos.*

¹⁷² Var. VI 5 (formula quaesturae).

¹⁷³ Dioclet. et Maximian. in l. 1 C. J. de ass. I 51: *consiliorum participes sibi sociant... quorum prudentiam sibi putant esse necessariam.*

¹⁷⁴ Eandem ob causam Synesius barbaros ad summas militares et civiles dignitates provectos reprehendere videtur in oratione de regno habita.

¹⁷⁵ Or. in eos, qui res advers. aegre pat. (ed. Voorst in Joannis Chrys. op. select., pg. 102): Ad hunc locum, quia eis, quae dicit noster, oppugnare videtur, quod saepius et apud alios ecclesiae patres et apud ipsum Joannem Chrysostomum Christus Deo assidere dicitur, notanda sunt illa verba, quibus non contra rationem alio loco allud dici exponit. Dicit enim in libro contra anomoeos conscripto XI (Migne, patrologia graec. lat. XLVII/VIII 110) *διὰ μὲν γὰρ τὸ ἀνενδεῆς αὐτοῦ παραυτίῃαι βοῦλῆται, γιγθῶν οὐκ ἔχειν αὐτὸν σύμβουλον· διὰ δὲ τὸ ὁμοίμιον τοῦ Μορογενοῦς, σύμβουλον καλεῖ τὸν υἱὸν τοῦ Θεοῦ.*

οὐ παρ' ἑτέρου δανειζόμενος γινώσκιν ἢ σέρεσιν, οὕτω βουλεύεται, οὕτω θανματοργεῖ.

Profecto non defuerunt, qui assessura parum contenti promovendos esse eos, qui per se ipsi possent rempublicam gerere, dicerent (vita Alexandri 46 1). Mutatum autem nihil est.

Immo scimus ne doctissimos et jurisperitissimos quidem magistratus auxilium assessorum repudiasse, id quod prae ceteris probat Papiniani praefectura. Accedit etiam illud, quod recentioribus quidem temporibus qui assessura functi sunt ad magistratus facillime provehuntur; quodsi in assessoribus desideretur juris scientia, illo moro inveterato, magistratuum majorem certo numerum jura novisse sequitur.

Qui ipse legum peritia fruitur, licet vereatur fortasse, ne morem adsciscendi consilarii laedens, aliquid sibi sumere videatur, vel homines in alieno plus quam in suo negotio sapere persuasum sibi habeat,¹⁷⁶ tamen ei illa praecipua est adhibendi assessoris ratio, quod ille non solum in consilio est, sed omnino partem curarum, quae ad magistratum pertinent, sibi sumit, socius laborum ejus constitutus.¹⁷⁷

Illud autem, assessorem adhiberi, quo custos ponatur et quasi tutor magistratus, haud usquam inveneris.¹⁷⁸ Et recte, meo quidem judicio, nam cum ipse magistratus sibi eligat¹⁷⁹ assessorem, effici veram curam et custodiam facile diffidas, neque scio an unius hominis minus firmum videatur esse praesidium. Ibi praesertim talis auctoritas inanis est neque ullum effectum habere potest, ubi assessor ejus, cui assidet, amicus vel propinquus vel proprius est filius. Amicos amicis assidere docet Calliopii¹⁸⁰ exemplum, quem assedissee Probatio auctor est Libanius; constat, patris consiliarium fuisse Cassiodorum,¹⁸¹ qui ipse in Variis VIII 16 Opilionem fratri assedissee dicit.¹⁸²

¹⁷⁶ Seneca eodem loco, quem exhibui in nota 9.

¹⁷⁷ Justinian. in nov. 82. τοῖς μὲν γὰρ ἡμετέροις ἄρχουσι πάρεσι πάντως καὶ πάρεδροι, τὰ ἐκ τῶν νόμων ἐπιγινόμενοι, καὶ τὰς ἀρχολίας ἀναπληροῦντες τὰς αὐτῶν, ἐπειδὴ περ πολλὰς περιεχόμενοι φροντίσιν, ὡς ἐφ' ἡμῶν ἔχουσιν, εὐχότως τὸ δικαιοῦσθαι ἀναπληροῦσι μέρος τῇ τῶν οἰκείων παρουσίᾳ παρεδρῶν.

¹⁷⁸ De officiis autem talia dicit Cassiodorus XI 9: scitote officia vobis quasi actuum vestrorum testes assistere et ideo quam magnum est, in tantorum conspectu facere, quod omnia possint ora praedicare.

¹⁷⁹ Infra § 3.

¹⁸⁰ Liban. ep. 214 (ed. Wolffianae).

¹⁸¹ Conf. cursum honorum Cassiodori in fine tertiae partis.

¹⁸² Conf. cursum honorum Opilionis ibid.

Certe illud non nego, non deesse locos, ubi tale moderamen afferre et frena injicere magistratus temeritati et impetui dicuntur consilarii.¹⁸³

Nascitur igitur quaestio, num legibus assessorem adhibere jubeatur magistratus. Fontes quidem certiores nos non faciunt. Utut autem res se habet, illud negari non potest, consuetudine jam ineunte saeculo quarto omnia fuisse ordinata; Diocletiani et Constantini aetati et novae imperii provinciarumque constitutioni etiam assessura, nisi fallor, debet leges et ordinem; quod cum nullo testimonio probare possim, tamen ex toto magnorum illorum principum consilio et ratione colligi posse pro certo habeo.

Exeunte saeculo quinto et ineunte sexto in magistratum descriptionibus, quae extant et in inscriptionibus et in Codice Justiniani et in Novellis, assessores semper inveniuntur.

Memores ante cetera simul necesse est, magistratum, imminuto operis labore, levatum et adjutum esse tali negotiorum sociotatem, qua uti, cum ipsi sumptus inde non existerent, ut infra videbimus, plurimum ipsius interesset.

Certe autem de assessura non agitur, cum saepius magistratus aut lege aut sacra jussione certos quosdam homines ad examinandas causas jubetur adhibere.

Non raro talia inveniuntur. Sic l. 3 C. Th. de tut. et cur. croandis III 17 (= l. 1 pr. §§ 1, 2 C. J. de tut. et cur. illustr. vel clariss. per. V 33) praefectum urbi adhibere jubet decem viros e numero senatorum et praetorem clarissimum virum, qui tutelaribus cognitionibus praesidet; qui in consilio adesse dicuntur.¹⁸⁴ Simili modo eundem praefectum urbi de capite senatoris cognoscentem quinque viros¹⁸⁵ sibi sociare senatorii scilicet ordinis jubent l. 13 i. f. C. Th.

¹⁸³ *παρόδρων χαλῖνος* apud Libanum in orat. *κατὰ τῶν προσεδρώνων τῶν τοῖς ἄρχοις*. Reiske II 605.

¹⁸⁴ L. c. in fine principii: *Itaque hoc modo remoti a metu, qui in consilio adfuerint, permanebunt, et parvulis adultisque justa defensio sub hac prudentium deliberatione proveniet*. Conf. l. 22 § 2 C. Th. de praet. VI 4.

¹⁸⁵ Qua de causa et quinquevirale iudicium appellatur et in legibus supra citatis et apud Cassiodorum Var. IV 23. Talis iudicii exemplum apud eundem Var. IV 22 invenimus, quod non in omibus rebus congruit cum praeceptis legum Codicis Theodosiani, quarum utraque imperat, ut *sortito* ad iudicium quinque senatores vocentur, ne de capite atque innocentia alterius iudicis electi judicent. Apud Cassiodorum autem Theodoricus rex Argolico praefecto indicat nomina senatorum in iudicium vocandorum ad causam duorum senatorum artis magicae accusatorum examinandam (conf. l. 10 C. Th. de maleficiis).

de accus. IX 1, et l. 12 C. Th. de jurisd. II 1. Saepe etiam sacra jussio talem consilii praescribit adhibitionem. Sic in Rufini notissimi praefecti societatem, cum Tatianum (cujus cursum honorum infra cognoscemus) condemnaret, in speciem quidem iudices constituti erant etiam alii: τῶ μὲν φανομένῳ κοινῶρεϊν ἐτάχθησαν ἕτεροι 'Ρωμαῖοι τῆς κρείσσεως, ἐκείνους δὲ μόνος εἶχε τῆς ψήγου τοῦ κῆρος (Zosim. IV 52).¹⁸⁶ Sic apud Cassiodorum Marabaudes, vir illustris, et Gemellus, vir senator, iudices electi a principe, tres honoratos, qui legum possint habere notitiam, sibi advocare jubentur.¹⁸⁷

Senatores in consilium a praefecto urbi vocandi cum consilio legis Aeliae Sentiae¹⁸⁸ possunt conferri, utrobique enim eos in consilium vocari lex jubet, quorum, si male judicet erretve magistratus, neque satis omnium rerum et causarum habeat rationem, in periculo versatur auctoritas et dignitas (civitas, senatorius ordo) et efficitur quodammodo iudicium parium.¹⁸⁹ Quae consilia non cum assessoribus neque cum communi consilio, sed cum consilio legis Aeliae Sentiae, decem legatorum, aliorum, quae communi supra opposuimus, conferenda esse, docet et certus et legibus statutus consiliariorum numerus.

§ 2.

De persona assessoris.

Nunc autem, quacnam in assessore desiderentur, diligentius exquiramus; ac primo quidem loco de sexu et statu, altero de existimatione, tertio de origine, quarto de disciplina et scientia ejus qui vocetur dicamus. De re universa hic agentes, quacnam ad singulorum magistratuum assessuram singularia desiderentur, in parte speciali demum, et ubi de cursu honorum dicemus, perquiramus.

¹⁸⁶ Homines in societatem iudicii vocatos assessores Rufini fuisse, sine jure contendit Geib, Geschichte des römischen Criminalproceßes, pg. 447. Certe vix ab ipso Rufino, sed a principe iudices electos esse indicare videtur passivi ἐτάχθησαν usus.

¹⁸⁷ Var. IV 12.

¹⁸⁸ Conf. supra ad notam 69.

¹⁸⁹ Quantum ad praefectum de senatoris capite cognoscentem attinet, respecienda etiam ea quae de adhibendis senatoribus dixi ad notam 47.

a. De sexu et statu assessoris.

α. Sexus desideratur masculinus, mulieres enim assessura non funguntur; quod, licet expressis verbis nusquam sanciat, tamen cum ex advocacionis analogia¹⁹⁰ et quia ex advocatis prodire solent assessores, tum ex quasi publica officii natura¹⁹¹ facile sequitur. Quod quidem Gallienum imperatorem matronas in consilium vocasse tradit Trebellius Pollio,¹⁹² nihil de iis, quae dixi, imminuit neque quantum ad jus publicum Romanum spectat, majoris est momenti, quam illud Heliogabali, quem matronas in senatum rogasse narrat Lampridius.

β. Neque de statu multa dici possunt; hoc quidem, servos assidere non potuisse, constat; liberos assidere posse, Marcianus dicit in l. 3 D. de off. assess. l. 22. Cui certe Marciani sententiae non obstat illud legis Viselliae praeceptum, quo libertinae conditionis hominibus, nisi jure auctorum anulorum impetrato a principe sustententur,¹⁹³ honorum aditus praecluditur neque ad magistratus assessuram aureis anulis parata ingenuitas opus est. Certe autem in persona ejus, qui eodem tempore consiliarius et magistratus esse videtur, quaestorem intellege et magistrum officiorum et ceteros magistratus eosdemque consilii principis participes, desideratur aut natus aut anulis parata ingenuitas, sed et in his et in ceteris, quos princeps sibi assumit in consistorium, illud non est praetereundum, omnes eligi a principe neque lectum esse dubitare, num dignus sit, quem elegerit princeps.¹⁹⁴ Per se autem consistoriana comitiva honoribus adnumeranda esse videtur.¹⁹⁵ Mea quidem sententia etiam comitiva primi ordinis huc pertinet, qua decorantur consiliarii illustrium, neque igitur praefectis, magistris,¹⁹⁶ ceteris illustribus assidere liber-

¹⁹⁰ l. 1 § 5 D. de postulando III 1. l. 2 pr. D. de div. regul. jur. l. 17.

¹⁹¹ l. 2 pr. D. ibid. l. 17.

¹⁹² Vita Gall. 16: *matronas ad consilium suum rogavit, isdemque manum sibi osculantibus quaternos aureos sui nominis dedit.*

¹⁹³ l. un. C. J. ad lg. Vis. IX 21. — Conf. l. 3 C. Th. de libertis et eorum liberis IV 10: *Libertinae conditionis homines nunquam ad honores vel palatinam adspirare militiam permittimus.* — De militibus libertis conferas Mommsen. in Herm. XXIV, 244.

¹⁹⁴ De illa lege infra plura dicentur.

¹⁹⁵ Consilii principalis participationem honoribus adnumerat liber Syro-Romanus, videas not. 202.

¹⁹⁶ Conferas, quantum ad palatii magistratuum assessores pertinet, verba l. 3 C. Th. de lib. IV 10 „*ad palatinam militiam adspirare.*“

tus potest; assidere eum posse neque eundem comitivam adipisci non puto. — Sic Marciani sententia procedentibus annis vera esse desiit ita, ut non omnibus magistratibus liberti assidere possent. De facto tales liberti, si revera excellebant doctrina et scientia, jam antequam ad praefecturae consilium pervenirent, aureis anulis decorabantur. Postquam autem Justinianus legem Viselliam sustulit novella illa,¹⁹⁷ qua restitutionis natalium et aureorum anulorum jus, quod unicuique petenti antea dabatur, omnibus lege dedit, quia liberti, ut ita dicam, jam non sunt, sed omnes, qui manumittuntur statim ingenuitatem adipiscuntur, magistratus in eligendis consiliariis plenam libertatem, quam Marciani aetate habuerunt, recuperasse putandi sunt.

Talis libertorum adhibendorum magistratibus concessa facultas congruit, ut recte dicit Hauboldius, cum indulgentia, qua mali praesertim imperatores erga hoc genus hominum sunt usi. Ita assessoris officium a multis expetebatur existebatque via, quam ingressi et humiliori loco nati facile ad majora ascendere possent.

In inscriptionibus libertorum assessorum vix fit mentio, unam tantum invenio, quae utrum huc refereuda sit necne, haud satis scio. Est CIL XII 5900.

D. M.
IIIII VIR. AVG.
L. BAEBII
EVCLES (sic)
IVR. STDIOS
L. BAEBIVS TERTIVS
PATRONO (Nemausus)

Duae enim res mihi minus constare videntur, quam ut ad assessorem libertum referre ausim. Ac primum quidem juris studiosus non semper assessor est, ut infra explicabo; tum verbum „Eucles“ pro „Euclis“ positum esse videtur et fuit L. Baebii Tertii patronus L. Baebius Eucles, cui et juris studiosi titulus debetur. Sed etsi ad patronum titulum¹⁹⁸ referas, certe et hunc humili loco natum et fortasse libertum fuisse cognomen demonstrat. — Quibus verbis nostram inscriptionem designasse satis habeo, obscura, quae sine dubio insunt, sagaciores et magis in inscriptionibus versati explanent.

¹⁹⁷ Nov. 78 praefatio, c. 1, c. 2, c. 5.

¹⁹⁸ Cum juris studiosi titulus, ut omnino tituli, postponi soleat, vix alio modo verba conjungere possis. Inscriptio CIL XII 3181 opponi mihi vix potest, nam neque certa sunt, quae supplet Henzenus (oppugnat enim Mommsenus), neque juris periti vox tituli vim habet.

De statu et conditione ejus qui vocetur disserens ne illud quidem praetermittere volo, etiam filios familias assessura fungi potuisse, id quod, licet jam per se eluceat, ex illis cognosci potest, quae infra de salario et de peculio quasi castrensi dicemus.

b. De existimatione et confessione assessoris.

a. *De existimatione*, quae desideretur in eo qui vocetur, talia Marcianus habet :

„Infames autem licet non prohibeantur legibus assidere, attamen arbitror, ut aliquo quoque decreto principali refertur constitutum, non posse officio assessoris fungi.“ (l. 2 D. d. off. ass. I 22.)

Dubitatur igitur, sed negare videtur, infami assidere licere. Credo etiam hic ea, quae de advocatis et omnino eis qui postulant valent, valere debere, sicut constat infamiam edicto constitutam¹⁹⁹ etiam in jure publico nocuisse²⁰⁰. Quantum ad honores attinet, eandem vim et effectum atque juris infamia habet infamia facti. Quamvis assessuram honoribus et dignitatibus adnumerandam esse in universum negem, tamen mihi non displicet Marciani sententia, quia eadem ratio, quae apud advocatum judicemque etiam apud assessorem existere mihi videtur, ea scilicet, ne probrosorum hominum praesentia iudicii et omnino rei publicae auctoritas deformetur. Recte igitur meo quidem iudicio in Basilicis²⁰¹ ponitur simpliciter, sine Marciani dubitatione :

Ἀπελεύθερος ἀντιδρᾶν, οὐ μὴν καὶ ἄτιμος.

De principum consiliariis extat statutum quoddam in libro Syro-Romano,²⁰² quod, quia ceteros fugisse videtur, appono.

Existimatione sunt privati, qui secundum leges infames sunt : qui quidem neque σιγκλητικοὶ fiunt neque sacerdotes neque regis consilarii neque fiunt iudices in provinciis neque magistratus in urbibus, sed omnibus honoribus arcantur.

β. Pauca tantum de confessione dicenda; minime enim mirum, christianos imperatores orthodoxos esse assessores voluisse, cum jam advocatos tales esse vellent.²⁰³ De orthodoxia in assessoris persona

¹⁹⁹ l. 1 D. de postulando III 2.

²⁰⁰ l. 1. pr. D. de vi priv. XLVIII 7, l. un. C. J. de infam. X 57. Mommsen, Staatsrecht I 496, n. 8.

²⁰¹ VI xxiv 8.

²⁰² Ed. Bruns-Sachau § 17. (P. 56, Ar. 67, Arm. 68.)

²⁰³ l. 8 C. J. de postulando II 6 (Leo), conf. l. 12 C. J. de haeret. et manich. I 5.

desideranda, non nisi in novella 144²⁰⁴ legimus, quae οὐδὲ πολιτικὸν μετέναι φρόντισμα οὐδὲ μὴν συνιγορεῖν τῇ συνεδρεῖν κτλ. licere dicit Samaritae.

c. De origine assessoris.

Aelius Spartianus²⁰⁵ inter ea, quae ad corrigendam et emendam rem publicam proposuisset Pescennius Niger, princeps ille sapientissimus et longiore imperio et vita dignissimus, illud quoque fuisse refert „ut nemo in sua provincia assideret, nemo administraret, nisi Romae Romanus, hoc est, oriundus urbe.“ Quod utrum jam ex illius imperio servatum, an paulo post a Septimio Severo cautum sit, ignoramus.²⁰⁶ Illud autem constat, Papiniani aetate obtinuisse nostram legem; docet enim l. 6 D. de off. ass. I 22.²⁰⁷

Ante Pescennii tempora assessorem sibi ex eadem provincia sumere magistratus non prohibebatur. Certe jam Cicero fratrem Quintum admonet, cavendas esse provincialium consuetudines et familiaritates; sed non quod leges adhibitis provincialibus violentur, sed quod ipse facile in periculum incidat.

Dio Cassius (v. Zonaras XII 3) narrat, Marcum primum post Cassii seditionem sanxisse, ne quis provinciae, ex qua oriundus esset, praeponeretur. Huic praecepto, cuius facile intellegi potest ex causa ratio, sub insequentibus principibus non semper obtemperatum esse, docet inscriptio CIL. II 2073, qua Anulinum Iliberritanum proconsulem Baeticae fuisse comperimus. Iliberris, ubi inventus est lapis, in Baetica sita est; videtur igitur suam provinciam administrasse Anulinus, qui consul ordinarius 199, antea jam suffectus, fortasse ante Pescennii et Severi adventum,²⁰⁸ proconsul Baeticae fuit.

Certe facile res ita se habere potest, ut, quod Marcus jam instituerat, denuo sanxerit Pescennius vel Septimius Severus, addens, idem esse in assessoribus servandum, quod, puto quia nondum periculosa videbatur assessorum auctoritas, omisisse Marcus putandus est.

²⁰⁴ Nov. 144, c. II.

²⁰⁵ Vita Pescennii 7 3.

²⁰⁶ Omnes enim, qui de illo praecepto loquuntur, post Pescennium scripsisse constat.

²⁰⁷ Sumpta est ex libro primo responsorum, quem Severo et Caracalla regnantibus conscriptum esse docet l. 8 § 5 D. de vacat. et excus. L 3, ubi maximi principes appellantur.

²⁰⁸ Septimius Severus inde ab anno 193 princeps est.

Alia invenitur Marci et Pescennii praeceptorum explicatio et rationis eorum definitio apud Brissonium, quam non possum facere, quin paucis verbis attingam. Dicit enim ille in Selectarum ex jure civili antiquitatum libro primo²⁰⁹ talia de Spartiani loco: „*cujus constitutionis sancienda auctorem Spartianus Nigrum memorat, qui, cum Marco Antonino et Commodo imperatoribus in re publica floruerit, facile conjectura capi potest, ab illis principibus hanc esse constitutionem sacratam.*“

At minime verisimile est, jam Marci aetate Pescennium largiter potuisse.²¹⁰ Certe Aelius Spartianus ipse narrat, Pescennium ad Marcum et Commodum de provinciarum administratione scripsisse, sin autem Marcus consilia illius secutus esset, ad Commodum non scripsisset. Cassii triste exemplum potius quam Pescennii, — si omnino datum est, — nobile consilium Marcum ad illam legem proferendam excitasse videtur.

Ratio quidem legis patet: timet enim Marcus, ne quis, apud suos magistratus constitutus, publica auctoritate usus, privatum exequatur aut odium aut gratiam, omnique suspicione carere vult provinciarum rectores.

Hanc esse illius legis rationem docent non solum Paulus²¹¹ in sententiis et Synesius²¹² in epistola septuagesima tertia, sed etiam Libanius²¹³ in epistola illa, qua Gajanum Phoenicem et eundem Phoeniciae praesidem laudat, quod in imperio collocatus pristinos amicos contra leges agere non sinat.

²⁰⁹ Adduntur editionibus celeberrimi ejusdem auctoris librorum, qui inscribuntur „de verborum, quae ad jus pertinent, significatione libri XIX“. ed. Itterus. Lips. 1721, pg. 1078—1079.

²¹⁰ Marco imperante Pescennius miles est (vita Pescennii 4 1), militaribus honoribus sub Commodo fruitur (ib 1 5, 4 4).

²¹¹ V 12, 5.

²¹² Quem locum jam veteres commentatores huic rei vindicaverunt. Dicit enim Synesius (Migne, patrol. graecolat. LXXVI, pg. 1440: *τούτων οὐκ ἐνθὺς ἀπεγνωσέναι προσέχειν τῶν ἐναλλομένων τοῖς νόμοις, παρ' οἷς ἀρχοῦσιν τῆς ἐκείνων ἐφ' ἡμῶν, ὥστε ἐπὶ κτήμασι, δανείζοντες χρήματα. Σιγῶναι τὸ κακόν. Ἀρχοντας ἡμῶν νομιμοτέρους ἐκπέμψατε ἀγροῶντας, ἀγροῦν μένους, ταῖς φύσεσιν, οὐ τοῖς περὶ ἑκάστον πάθεισι τὰ πράγματα κρίνοντας.*

²¹³ Ep. 709: *ἀλλ' οὔτε σε ἀκούω καὶ τιμᾶν, οὐδὲ δεῖ καὶ κολάζειν, οἷς χρή, καὶ τοῦτο πρῶτον ἀπαιτοῦντα τοὺς φίλους, τὸ μὴ ἀπειθεῖν τοῖς νόμοις, ὡς οὗτοι ἐν ἀρχῇ τοῖς πάλαι συνίθεσιν δίδωσι παρανομεῖν, βλαβεράν ἀμφοτέροις χαρίζεται χάριν.*

Quae ipsa exempla docent, non semper Pescennii legi obtemperatum esse deque ea re, quia, quod quidem viderim, semper silentio praetermittitur, nonnulla mihi sunt dicenda.

Ac primum quidem de ipsis magistratibus, qui contra legem illam suam provinciam administrasse videntur, loquar, deinde autem de assessoribus. Exempla inveni haec.

1. *Gajanus* fuit assessor, cum legum studio se mancipasset; tum autem magistrae roddens quod inde acceperat Phoenix Phoeniciam videtur administrasse.²¹⁴ Revera Phoeniciam eum tenuisse, docet etiam epistola 1435 Libanii, qua studiosum quandam Beryti degentem patri restituere jubetur Gajanus; Phoenicem autem eum fuisse epistola 339, qua Libanius loquitur de cive Gajani, quem illi commendat; civis autem Domnus appellatur et Tyrius est.²¹⁵

2. *In ep. 119* idem Libanius de alio Phoenice Phoeniciae rectore loquitur, quem defensum esse a Gajano dicit; qui quisnam fuerit, infra videbimus.

3. *Anatolium*, magnum et clarissimum²¹⁶ illum quarti saeculi praefectum Illyrici, Beryto oriundum, Phoeniciam administrasse contendit Gothofredus (comm. ad l. 28 C. Th. de decur. XII, conf. Prosopographiam cod. Theod. sub „Anatolius“). Certe exstant Libanii epistolae ad Anatolium quandam, Phoeniciae praesidem, missae, sunt 555, 556, 566, 596, sed recte mea quidem sententia R. Sievers in libro qui inscribitur: *Das Leben des Libanius*²¹⁷ notat praesidem illum non eundem esse atque praefectum. Scripta enim

²¹⁴ Ep. 709: Κομίζων γὰρ ἀντὶν (ἀρχὴν τῶν ἀρχῶν) ἐκ Φοινίκων ἀγαῖξο καὶ διὰ τοῦτο ἐτέρῳ παρεδρέσκω μείζον ἱγγυος ὑπάρχους τῷ ἱρόπῳ. Καὶ γὰρ Φοινίχῃ μισθοῦς, ὧν ἐδίδασκε, κομίζειτα, ποιούσασί τε γενναῖον καὶ παρὰ τοῦ μαθιτοῦ ὠωζομένη τε καὶ θεμαπτερομένη. Σωτηρίαν δὲ καλῶ καὶ θεμαπτερίαν οὐ τὸ ἐξείναι πάντα ποιῆν, ὥς ἂν εἰσάγῃ καὶ Φοινίκος ἄρχοντος.

²¹⁵ Tum et nomen Gajani non rarum sed valde usitatum apud Phoenices et Syros. CIGr. 4579. Lebas et Waddington 2400, 2690. Et Gajanus in CHL. A 3547, 8 ejusdem originis potest esse, nam etiam alii Syri in classe praetoria inveniuntur.

²¹⁶ Conf. Ammian. Marc. XIX 11 12. Aur. Vict. de caesar. 13. Berytum ejus patriam fuisse saepius Libanius dicit et docet Eunapius in vita Proneresii. Eandem originem designare videtur Himerius in ecloga XXXII (ed. Wernsdorff): εἰς Ἰννατώλων ὑπάρχων ejus in fine lego ἀλλὰ παιδεία καὶ νόμοι ὄψιν τῶν ἀγαθῶν καὶ μετρώπολις.

²¹⁷ Pg. 235.

esse videtur epistola 555 post annum 355 neque verisimile est eum, qui jam anno 339²¹⁸ vicarius Asiae fuerat, praetermisso tanto spatio ad minus officium descendisse. Mea quidem sententia neque magnus ille Anatolius neque omnino Phoenix aut Berytensis est; ²¹⁹ si enim esset, in epistola 566, qua Beryti virtutes praedicat, diceret Libanius.

Certe autem illam legem Marci et Pescennii subsequencia saccula novisse docet non solum Synesii epistola (παρὰ τοὺς νόμους τῆς ἐαριῶν ἄρχουσιν), sed etiam Isidori Pelusiotae epistola I 489 qua Rufino scribit, Aegyptios lege ab imperio et praefectura arceri.²²⁰

Paulo ante Isidori epistolas et Rufini praefecturam denuo lege cautum est, ne quis suam provinciam administraret, poena sacrilegii proposita (l. 4 C. J. de crim. sacril. XI 29).

Violata lex nostra est etiam in Cassiodori patre cujus curae et aliae provinciae et Bruttii, unde oriundus erat, commendabantur, „ne bonum quod peregrina provincia meruisset, genitalis soli fortuna nesciret.“ (Var. I 3.)

Quod autem animadvertimus et valere legem et nonnunquam violari explicari potest. Magistratus enim omnes a principe creantur, licet praefecti praetorio in nonnullis commendandi habeant facultatem.²²¹ Princeps autem leges transgressus, quia eis non est subjectus, rationem inde nemini debet, unde orta est lex 2 C. J. de crim. sacr. IX 29.

„Disputari de principuli iudicio non oportet; sacrilegii enim instar est dubitare, an is dignus sit, quem elegerit imperator“ et in lege Theodosii supra citata adjungitur „nisi hoc cuidam ultionis liberalitate per divinos affatus imperator indulgeat“ (l. 4, C. Th. eod.).

²¹⁸ l. 19 C. Th. de appell. XI 30. l. 28 C. Th. de decur. XII 1.

²¹⁹ Haud ignoro, praeter Anatolium praef. Illyr. alios quoque inveniri Berytenses ejusdem nominis ut Anatolium Berytensem, cujus collectaneorum de agriculturae disciplina libri XII extant in Photii bibliotheca, et Anatolium constitutionis Ἀδωνάτου (§ 9). Conf. consil. tanta circa nos § 9.

²²⁰ Quod autem etiam Carthaginienses (I 483) a praefectura arceri dicit (praefectum augustalem intellegit), ego quidem haud scio, utrum erret, an de imperii divisione cogitet.

²²¹ Exemplum praebet non solum Ambrosius a Probo ad consularitatem promotus (conf. curs. honor. Ambr.) sed etiam Libani de Tatiano praefecto verba in epistola 790: βασιλεὺς μὲν γὰρ τὸ δοῦναι τὸ χρηματίζον, σὺ δ' ὅν λαβεῖν ἄξιον διδάσκεις.

Nunc autem ad assessores redeamus, apud quos, quia non a principe, sed a magistratibus eliguntur, aliter res se habet; neque mirum, omnibus temporibus monitos esse rectores provinciarum, ut Pescennii legis ne obliviscerentur. Num jam lege illa concessum fuerit spatium quoddam, quo ex eadem provincia oriundo liceret assidere, dijudicari non potest. Paulus autem et Ulpianus de tali temperamento haec habent:

Paulus in l. 37 D. quib. ex caus. maj. IV 6:

Hi, qui in provincia sua ultra tempus a constitutionibus concessum assident, publica causa abesse non intelleguntur.

Ulpianus in l. 38 pr. D. eod. IV 6:

*Si cui in provincia sua princeps assidere speciali beneficio permiserit, puto eum Reipublicae causa abesse; quodsi non ex permisso hoc fecerit, consequenter dicemus, quum crimen admisit, non habere eum privilegia eorum, qui Reipublicae causa absunt.*²²²

Leges saeculi quarti, quae nostram materiam tangentes legum „divorum retro principum“ pie recordantur, de spatio quattuor mensium semper dicunt, quod tempus, nisi fallor, Pauli verba „tempus a constitutionibus concessum“ designant. Temperamenti talis facile potest intellegi ratio et indicatur in l. 1 C. Th. de assessor., dom. l. 35 qua Arcadius et Honorius edicunt tributos esse provinciae rectori quattuor menses ad retinendum eum, quem de eadem provincia sumpserit „donec ab aliis evocatum locis suis actibus adhibuerit.“

Timet igitur princeps, ne, si subito quis ad provinciam regendam vocetur, parvum temporis spatium ad idoneum assessorem adiscendum haud sufficiat. Legibus quattuor menses concessi; diutius autem ejusdem provinciae assessore usuro opus fuisse videtur speciali principis beneficio,²²³ quomodo nisi Pauli et Ulpiani verba

²²² Et Ulpiani et Pauli fragmentum sumptum ex commentariis ad legem Juliam et Papian scriptis; unde Donellus (comm. de jur. civ. XVIII 2 de assessor. § 7) colligit veteres leges (l. 37 D. h. t. IV 6, l. 10 C. J. de assess. l. 51) Augusti celeberrimas leges significare. Sed Augusti aetate assessores non extitisse scimus. Immo Ulpianus et Paulus in interpretanda lege Julia id tantum examinant, quando quis jure rei publicae causa abesse dici possit (conf. l. 36 D. eod. IV 6). Quodsi antiquissimas leges constitutionibus divorum retro principum opponit Theodosius in l. 10 C. J. h. t. l. 51 Pescennii legem constitutionibus recentioribus Arcadii et Honorii (l. 1 C. Th. h. t. l. 35) opponit. Merito anno 439 legem exeuntis saeculi secundae antiquissimam appellari posse, quis est quin concedat?

²²³ Talis beneficii specialis a principe concessi exemplum invenire non potui; sed simile quoddam extat apud Joannem Makalam, qui non assessorem quidem, sed scrientarios permisso principis indigenas habuisse Tzillam magistrum militum tradit (Makal. histor. chron. in editione Oxoniensi 1691. II, pg. 157).

conjungas, altero fragmento proposito alterum superfluum fuerit; quod probare videntur et l. 1 C. Th. h. t., I 35, l. 10 C. J. h. t., I 51.

Qui contra legem in sua provincia assidet, crimen admittit, et imminet ei secundum l. 10 C. h. t., I 51, non minus quam illi, qui provinciam suam administravit, proscriptio bonorum et accusatio publici criminis.

Quis tandem in sua provincia dicitur assidere? Si Papiniani, Ulpiani, Pauli leges spectaveris, responsum vix inveneris.

Pescennii et Maceri verba cum in sua provincia assidere dicunt, qui assidet, unde oriundus est; post Pescennium, licet omnibus provinciis civitatem Romanam largitus sit Caracalla, mansit tamen patria civitas et origo. Posteriores autem utriusque codicis leges non solum eum, qui unde oriundus est, sed etiam eum, qui ubi domicilium habet, assidet, contra leges assidere recte dicunt.²²⁴ Alio enim modo interpretari non possum l. 1 C. Th. h. t., I 51:

Si qui iudicum vel civem provinciae quam regit vel certe peregrinum consiliarium sibi voluerit adsciscere tantum quatuor sibi menses ad retinendum eum, quem ex eadem provincia sumpserit, tributos esse cognoscat.

Revera exempla jurisperitorum in sua provincia assidentium vix invenias. Pertinet huc, nisi fallor, rursus Gajanus Libanii amicus, quem Andronico Phoeniciae consulari assedissee suspicatur Sievers (Leben des Libanius 252) et docet ep. Libanii 1329 Andronico scripta, qua de Gajani et Andronici epistolis locuturus incipit: τοῖς τῆς Φοινίκης ἀγαθοῖς κοῦμῆται τὸ κάλλιστον τῆς γῆς, τοῦ μὲν ἀρίστου πάντων ἀρχοντος, τοῦ δὲ μετ' ἐκείνον ἀρίστου παρ' ἐξόχουτος. Quocum illud congruit eosdem homines utrique in Phoenicia degenti commendari.²²⁵ Andronicus ipse, qui Phoeniciam administravit, Phoenix fuit (ep. 1329, ep. 455). Phoeniciam eum administrasse docent et epp. 184, 1347 et oratio πρὸς τοὺς εἰς τὴν πατρίδα. Reisk. III 455, 456.²²⁶

²²⁴ Quos provinciales stricto sensu appellari dicit l. 190 de verb. sign. L. 16. Sic qui uxorem ex eadem provincia sumere vetatur (l. 65 pr. D. de ritu nupt. XXIII 2), non solum inde oriundam sed etiam ibi domicilium habentem ducere nequit (l. 38 pr. D. ibid.). Conferas etiam verba *provincialis et civis* in l. 4 C. J. de crim. sacril. IX 25.

²²⁵ Ep. 119 collata cum 118. Ep. 166.

²²⁶ Gajani assessura ante Julianum locanda est. Certe autem ut provinciam suam administrare posset, Libanii apud Julianum interposita auctoritas effecit, qua de causa gratias egerat Gajanus Libanio qui amico bonoris aditum parasset (709). Libanius autem Gajanum non sibi sed laudabiliter peractae asses-

Tusciani autem exemplum (Liban. ep. 351) contra Pescennianam legem non offendit, etsi putes, eum, antequam ad latus praefecti Anatolii acciretur, in Phrygia unde evocatur, assedissee. Suidae enim testimonio dicentis ex Phrygia illum oriundum fuisse, obstat Eunapii narratio, qui Lydum eum fuisse tradit. (Eunap. vitae phil. pg. 111.)

Tantum abest, ut saepius aliquem in sua provincia assedissee legamus, ut paene semper legibus obtemperatum facile cognoscamus; sic Anatolius praefectus Tuscianum ex Phrygia sibi advocat.²²⁷ Gregorii Thaumaturgi frater Cappadox Palaestinae rectori consilium submi-

surae honorem debere dicit. (*ἀφ' ἧς ἐν τῷ ἄρχεῖν ἡρχὴν κομίζων ἐκ Φοινίκης*). Quomodo autem ut in sua provincia assideret, Gajanus impetraverit nescio; an quattuor tantum menses assedissee putandus est?

¹⁹⁷ Liban. ep. 351. Sievers et hanc et epistolam 342 ad Anatolii praefecturam Illyricianam refert; certe de magno Anatolio Libanum loqui non solum totius epistolae natura et comitas, sed etiam illud indicat quod Berytensis appellari videtur (*ὁρμήσας ἐπὶ τῇν σὺν πόλιν ἐπὶ κλίσει νόμων*). Procul dubio ad summo magistratu fungentem virum scriptae sunt neque negari potest, et anno 346 (l. 38 C. Th. de decur. XII 1) et 349 (l. 39 ibid.) et iterum anno 359 (Amm. Marc. XIX 11, 12) Anatolium praefecturam Illyrici tenuisse. Umm autem offendit, quod in Pannonia esse et ibi quasi domicilium habere videtur Anatolius. *Παιονία* enim nomen est Pannoniae. Pannoniam autem ad praefecturam Italiae pertinuisse neque vicarium habuisse constat. (Diocesis Pannoniarum in latereulo Verouensi Illyricum est notitiae dign. Occ. II 7.) Qua de causa equidem aut praefectum Italiae fuisse aut utramque * praefecturam tenuisse Anatolium credo; quod si concesseris, facile etiam illud intellexeris, cur in Pannonia quasi domicilium habere dicatur (342 *διατρίβων ἐν Παίοσι*, 351 *Τονόχαρον κέκληκεν εἰς Παιονίαν ἀπὸ Φρυγίας*): diocesis Pannoniarum sive Illyrici vicarium cum non habeat, praefectus praetorio ibi residet, vicarii quasi partes agens. Anatolium ita Italiae praefectum fuisse verisimile est etiam eam ob causam, quod praefectura finctus vix alios magistratus inter singulas Illyricianas praefecturas accepisse putandus est; tum de Italiae praefectura loqui videtur etiam ep. 1280, quae in Italia esse et 1201, quae Romam reliquisse dicit Anatolium. Consularis Pannoniae Anatolius certe noster non est, quem jam anno 339 (l. 9 C. Th. de appell. et poen. XI 30) vicarium Asiae fuisse constat; praeterea obest vox *ἡπαρχος*, quae praefectum aut certe vicarium significat.

Haud ignoro, esse etiam Paconiam et habitare Paconas Libanii aetate partem Macedoniae. Sed saepissime Pannoniae nomen est Paconia (sic Priscus frag. 7 apud Dindorfium Paconiam regionem ad Savum flumen sitam commemorat: praeterea conferenda quae extant apud Pape-Benseler, Wörterbuch der griechischen Eigennamen), neque hoc loco Libanius de Paconis cogitavit. Si enim Paconis imperasset et Illyrici praefectus fuisset, non in Macedonia — cui vicarius praest — sed in Dacia resedisset. Denique longius a Phrygia distantem praefecturam, Italiae scilicet potius quam Illyrici, Anatolium tenuisse, docet vulgi admiratio, Anatolium e tam remota provincia assessorem Tuscianum sibi advocasse.

* Jungi eas solitas esse ann. 362—395 constat. conf. Karlowa pag. 850

nistrat. Maximino praefecto praetorio assidet Simplicius Hemonensis (Amm. Marc. XXVIII 1, 45; Hemonia oppidum inter Noricum et Pannoniam situm est teste Zosimo V 29).

Jam oritur quaestio, utrum etiam is in sua provincia assidere dicatur, qui assidet vicario aut praefecto, cujus imperio provincia, unde est ortus, subacta est, utrum igitur Phoenix comiti Orientis aut praefecto Orientis, Tarraconensis vicario Hispaniae aut praefecto praetorio Galliarum assidere possit necne.

Fontes nostri de provinciis tantum loquuntur et judicem, hoc est judicem ordinarium, praesidem ex eadem provincia assessorem sibi sumere vetant. Lex unica, quae certiores nos facere possit, ante novam imperii divisionem scripta est; fortasse autem quia etiam post divisionem Diocletiani duae erant Germaniae, prima scilicet et secunda, utraque consulari attributa,²²⁹ et receptum est in corpus Justiniani Maceri fragmentum, licet provinciae illae sub Romana ditione esse cessaverint, tamen exinde colligi potest, ad provincias tantum neque ad dioeceses et praefecturas Diocletianum et qui post eum venerunt Pescennii legem retulisse.

Certe illud quoque defendi potest, assidere in eadem provincia etiam eum qui vicario assidet, cujus nutui provincia obsequitur. Nemo enim praefectus Augustalis aut proconsul aut vicarius aut comes Orientis esse potest secundum l. 1 C. J. ut nulli patr. suae, I 41 in sua provincia, si careat speciali in eam rem jussu; quae lex, mea quidem sententia, magistratum arcendo non simul assessorem arcet, qui non eodem modo quo ipse magistratus terribilis esse videatur.²³⁰ Certe autem qui provinciae appellatione dioecesein quoque contineri putat, Basilicis niti non potest quae *ἐπαρχήν* habeant, minime enim *ἐπαρχόντις* vicarii aut praefecti provinciam significat, sed est generalis appellatio.²³¹

Quaeri etiam illud potest num etiam ad militares et ad fiscales administrationes leges de eadem provincia latae spectaverint; quod quia eadem est ratio, haud negaverim. Certe quia exempla de-

²²⁸ l. 3 D. h. t. I 23. Ante Diocletianum utrum quis in eadem provincia sit necne, facile esse dijudicatu apparet.

²²⁹ Not. Occ. I 71, 72, XXII 24, 25.

²³⁰ De personis terribilibus conferenda octava paragraphus.

²³¹ Sic et Ulpiani fragmentum (l. 190 D. de VS. l. 16) graece vertens Basilicorum auctor habet *ἐπαρχεῖται καὶ οὗτοι οἱ τῶν ὀκτωῦν ἐν ταῖς ἐπαρχείαις ἔχοντες, οὐ μὴν οἱ ἐν αὐταῖς τελευτῶντες*. II II 184.

sunt et documenta,²³² rem in medio relinquere quam dijudicare satius est.

Legi suae temperamentum addiderat ipse Pescennius; edixit enim, ne quis in sua provincia assideret aut administraret nisi Romae Romanus, hoc est oriundus urbe.

Sine dubio praesertim de eis cogitavit, quorum quasi provincia esse videtur Roma, de urbanis scilicet magistratibus, quibus adnumerandi esse videntur praefectus urbi, praetor, praefectus vigilum, praefectus annonae; simile etiam Constantinopoli Themistii²³³ quidem aetate valuisse constat. Qua exceptione statuta videamus, quid in ceteris urbibus legibus cautum sit.

Extat l. 6 D. de off. ass. l. 22: *In consilium curatoris Reipublicae vir ejusdem civitatis assidere non prohibetur, quia publico salario non fruitur.* (Papinianus l. l. Resp.)

Curatorem rei publicae secundo saeculo e numero civium civitatis regendae rarissime sumptum esse constat, quia ob id ipsum dabatur a principe, ne ipsis civitatibus se administrantibus damnum caperet respublica. — De causa quam affert Papinianus, infra dicam. Mea quidem sententia curatores rei publicae assessores omnino non habuerunt, sed ad singulas res in consilium vocabant, id quod duabus rebus probari videtur: primum quia Papiniani aetate magistratu fungitur curator, cujus spatium non lege aliqua, sed principis voluntate definitur, tum autem Papiniani verba ipsa tale quid indicare videntur, verba enim „*in consilium assidere*“, de vero assessore nunquam dicuntur, de eo autem, qui prisco more in consilium adhibetur dici possunt. — Et justa sine dubio exceptio est, in eo enim, qui neque in omne officii tempus magistratui est junctus neque publicum capiens salarium publica auctoritate frui videtur, quae de privato odio et privata gratia prosequendis supra diximus locum non habent. Exceptio autem ob id ipsum commemoranda erat, quia Papiniani aetate ipsi curatores non ex sua civitate sumebantur.

Idem evenit in iudice; is enim quia assessorem non habet (conf. § 1), sed ad singulas res consilium advocat, indigenas certe in consilium vocare potest; *vix enim intellegi potest quosnam, si illos*

²³² Illud tantum scimus, Romanum comitem Africae assessorem habuisse ex Tripolitana provincia. Conferas velim ea quae in parte speciali dicuntur.

²³³ Or. XVII (ed. Dindorf). *παραιρέχει τοὺς πρότερον ἀνιοκράτορας... οὐκ ἔπλεον οὐδὲ ὀφείλον τὸν ἄρχοντα εἰς πόλειως εἰς βαιουλίδος χειροισιν ἀλλ' ἐγγενῇ ἐντεθραμμένον ἑμῖν καὶ ἐναεξυθέντι κτλ.* Conferenda sunt ea, quae in parte speciali de assessore praefecti urbis afferam.

adhibere vetetur, assumere possit. Qui certe judices amicos et jurisperitos advocant neque mirum, nobilissimos civitatis iudicibus nonnunquam assidere. Huc pertinere videtur iudex arcae ferrariarum in inscriptione Thoriniana²³⁴ qui Solemnem in consilium adscivit, quamvis ex eadem provincia sit oriundus.

d. De juris scientia in assessore desiderata.

Quoniam juris ignorantia vel certe iudicii labor compellit magistratum ad adhibendum assessorem, ejus consilio in jure dicundo et in administranda re publica sublevetur, jurisperitum praesertim sibi junxisse putandus est.

Certe jam priscae consilii temporibus saepe jureconsultos in consilium vocatos esse cognovimus; minime autem talis legum notitia visa est necessaria, dummodo qui vocaret persuasum sibi haberet, vocatos quod optimum cognovissent consilium daturus esse.

Inde ab assessura instituta jureconsulti adsciscuntur neque negari potest, eam ad jurisprudentiae incrementum atque florem multum contulisse. Hadrianus enim ipse jurisperitorum perpetuum sibi jungendo comitatum insigne magistratibus exemplum proposuit ad imitandum; tum legum gnari, novo quasi campo aperto laeti descendere in certamen, confluere undique Romam e provinciis celeberrimi jureconsulti docentes, assidentes, consulentes.

Antea enim juris studium paene totum reconditum in senatorum familiis, e quibus clarissima tam publici quam privati juris prodierunt lumina. Principatus autem temporibus nobilissimi non jam adeo legum studio vacant, sed incipiunt homines inferioribus locis nati juris prudentiam amplecti, ut concedendum sit, inesse nonnihil veri in verbis Claudii Mamertini²³⁵ qui tunc a Manliis, Seaevolis, Serviis ad liberos dicit descendisse juris scientiam, suo igitur jure nobilem quandam his verbis irridet Juvenalis: ²³⁶

*Vivax et originis hujus (nobilis)
Gaudia longa feras, tamen ima plebe quiritem
Facundum invenias, solet hic defendere causas
Nobilis indocti, veniet de plebe togata,
Qui juris nodos et legum aenigmata solvat.*

²³⁴ De qua inscriptione Mommsen. in Berichte der philol.-histor. Classe der königl. sächs. Gesellschaft der Wissenschaften, 1852, pag. 246, 247.

²³⁵ Gratiarum actio de consulatu suo Juliano imp. 20.

²³⁶ Juvenal. sat. VIII 24 seq.

Quod autem his testimoniis probatur, idem facile cognoveris, si totam clarissimorum jurisperitorum seriem percurreris. Minime enim fugit viros doctos,²³⁷ paucos tantum e praeclaris juris peritis nobili loco natos, sed obscuram majoris partis esse originem et patriam.

Hadrianus igitur primus neglecto legum studio favorabiliorem se praestitit, juris peritis meritum tribuens honorem. Quam difficile autem ejus aetatis Romani didicerint, juris scientiam non esse contemnendam neque militaribus solum laudibus aut nobili origine excellentes sed etiam rerum civilium gnaros dignos esse qui ad summos honores proveherentur, ostendit Fronto ad Pium epistola nona. Ille enim a principe petierat, ut Appiano cuidam procurationem daret; Pius abnuvit dicens, si tale fecisset, futurum esse ut „*tota caesidiorum scatebra*“ exoreretur idem petentium.

Paulatim etiam superiore loco nati legum studio se maucipare rursus incipiunt; et quarto quidem saeculo nobiles non jam minus multos sed omnes juri studere, neglectis scilicet ceteris disciplinis, queritur Libanius.²³⁸

Qui igitur ad assessuram pervenire volebat, primum juris studium amplectebatur, cui rhetorica institutio antecedere solebat. Quod, quia in advocacy praecipuus consistit jurisperiti labor, minime offendit, et praesertim ex Libanii et Procopii Gazaei epistolis facile potest intellegi. Uterque enim eorum pristinis discipulis, tum Beryti, Alexandriae, Constantinopoli juri studentibus epistolas mittit, e quibus facillime studiorum quarti saeculi ordo cognosci potest.²³⁹

²³⁷ Mommsen. (Volusius Maecianus de asse) in Abhandlungen der sächs. Gesellschaft der Wissenschaften III 281 seq. Bremer, Rechtslehrer und Rechtsschulen, pg. 76, n. 338.

²³⁸ Or. πρὸς τοὺς εἰς τὴν παιδ. Reiske III 411. τὸν μὲν γὰρ ἄλλον ἄπαντα χρόνον τοὺς μὲν ἀπὸ τῶν ἐργαστηρίων νέους, οἷς ἡ φροντίς ὅπερ τῆς ἀναγκαίας τροφῆς, ἣν ἰδεῖν εἰς Φοινίκην (Berytum intellegit) ἐπὶ τὸ τοὺς νόμους λαβεῖν ἰόντας. οἱ δὲ εἰς ἐκδιαιμόνων οἰκῶν, οἷς γένος ἐπιτηδὲς καὶ χρήματα καὶ πατέρες λεητονοργήκους, ἕμενον ἐν τοῖς ἡμετέροις καὶ ἐδόκει τὸ μὲν τοὺς νόμους μανθάνειν τῆς χεῖρονος τύχης, τὸ δὲ μηδὲν προὔδεισθαι τοῖσι τῆς αἰτίας οὐκ εἶναι σημείον. ἀλλὰ τὸν πολὺς ὁ δρόμος ἐπ' ἐκείνο, ... εἰς Βηρυτιὸν θέρων καὶ.

²³⁹ Ecce quaedam exempla: In ep. 117 Domnioni Berytensis scholae antecessori Paeonium quendam, qui legum scientiam sibi acquirere velit, commendat Libanius. In ep. 1116 a praeside Phoeniciae petit, ut juris professoribus commendet Aprincium, rhetorica arte institutum et juris studiosum, de quo similia scribit

Antea enim patronis causarum jurisperiti hastas tantum subministrabant, rhetor legum peritum²⁴⁰ in auxilium adhibebat; nunc autem, Libanius ait, qui forenses causas praeclare sit acturus, legum peritia opus sibi esse existimat. Sic Theodoretus²⁴¹ dicendi artem et juris peritiam exigi in avvocato refert, et saepe *πρὸς λαβεῖν τοὺς νόμους*, id est *πρὸς τοὺς λόγους*, dicuntur uris studiosi; qua de causa illud facile explicatur, quod, cum rhetores vicesimo anno studia absolvant, viginti quinque juris studiosis tribuuntur a Diocletiano.²⁴² Saepissime²⁴³ igitur in epistolis Libanii juvenes, qui magistratibus commendantur, non solum legum peritia sed etiam arte dicendi insignes esse dicuntur.

Rhetorices sequebatur juris studium. Berytensium clarissima schola,²⁴⁴ ut omnino legum eruditione celebris, ita assessorum

Domnioni, legum professori 1124. Procopius (extant ejus epistolae in Hercheri epistologr. graec. Parisiis 1873) discipulum Constantinopolin profectum dirigit ad fratres in regia urbe degentes; Orionem idem monet, ut eadem diligentia, qua rhetoricam discens artem usus sit, etiam jus amplectatur (ep. 41, 117), Beryti degere Orionem docet ep. 153. Zosimum et Macarium discipulos ad leges se convertere scribit futuro eorum magistro (ep. 151).

²⁴⁰ Liban. ep. 1116. In or. *πρὸς τοὺς κῆς τὴν παιδ.* (Reiske III 441) discendi peritiam amittere juvenes, antequam legum studium ad finem perducerent, queritur or. *πρὸς τοὺς βαρὺν ἀντὶὸν καλέουσι τας*. Reiske I 186. Conf. Cic. top. 65.

²⁴¹ Ep. 10.

²⁴² l. 1 C. J. qui aetate se excusant X 50 (49).

²⁴³ Epp. 243, 342, 547, 699, 952.

²⁴⁴ De Berytensium schola, cui majora quam per allata argumenta liceret, Bremerum tribuisse recte dicit Degenkolbus (kritische Vierteljahrsschrift XIV 527); quae revera ex fontibus hauriri possunt, congerere in hunc locum mihi licet. Ac primus quidem illam scholam commemorat Gregorius Thaumaturgus qui jam puero se legum officinam Berytum fuisse (*νόμων παιδεύτηριον*) dicit. Panegy. Gregorii in Origenem (pg. 189, ed. Vossianae, Moguntiaci 1604). Socrates histor. eccl. IV 27. Cassiodor. hist. trip. VIII g. Hieronym. de vir. illustr. LXV. De aetate Gregorii studiorum Bremer., Die Rechtslehrer etc., pag. 73. Unde cum appareat, exeunte altero saeculo scholam jam extitisse, verisimile est, ab Hadriano eam conditam esse. Sed Augustum eam inauguravisse Rudorffio vix concesserim, obstare mihi videtur praeter cetera silentium Flavii Josephi, qui si juris studia ipsius aetate jam flourissent, certe, ubi Beryti bona praedicat, dixisset. Diocletiani aetate nostram scholam valde frequentatam esse, docet rescriptum Diocletiani et Maximiani de scholaribus Arabiae (l. 1 C. J. de his qui aetate X 49). Apphianum martyrem — qui Maximino Caesare passus est — utpote parentibus ortum locupletissimis, saecularium disciplinarum causa Berytum petisse, narrat Euseb. de martyr. Palaest. IV 2, 3 (= Ruin. acta mart. sinc., pg. 320). Constantini aetate Triphyllum Beryti legum studio se mancipasse testis est Sozomenus (hist. eccl.

mater dici potest. Sic vetus geographus, a Gothofredo editus, in descriptione orbis habet haec:

Jam Berytus civitas valde deliciosa et auditoria legum habens per quam omnia judicia Romanorum. Inde enim viri docti in omnem orbem terrarum adsident iudiciis et scientes leges custodiunt provincias, quibus mittuntur legum ordinationes.

Ex assessoribus, quorum memoria ad nos pervenit, Beryti juri studuisse videntur major pars eorum, qui apud Libanium inveniuntur; fortasse etiam Ulpianus, Papiniani assessor, si fuit revera Syrus et

I 11, s). Pernulta autem de Berytensium schola dicta sunt apud Libanium, cujus extant epistolae ad juris antecessores, praesertim ad Douunionem quendam. Celeberrimus ille sophista, licet queratur juvenes Berytum migrare (Or. *πρὸς τῆς βουλῆς* Reiske II 537, quem locum jam Gothofredus attulit) neglectis rhetorici studiis, tamen facere non potest, quin miretur auctoritatem et florem vicinae urbis, quam exoptant juvenes, senes recordantur (ep. 10, 796, 1242, 1547). Qua de causa laudat eos, qui Berytum officio et cultu decoraverint (ep. 216) et reprehendit eos, qui talia neglexerint (*κατ' Ἰακρίον* Reiske II 310). Ad celeberrimam illam scholam juvenis legum cupida undique confluit; non solum ex tota Syria, senatoria officia fugientes, properant, sed ex Graecia, Arabia, undique juris studiosi confluunt. (*Ἰακρίως Ἑλλήν ἀπὸ τῆς Εὐβοίας* in ep. 556, Theodorus ex Arabia oriundus in ep. 342.) *Θαυμάζοιμ' ἂν* inquit noster in ep. 1123 *εἰ μὴ καὶ αὐτὸς εἰς τῶν τρεχόντων εἰς Βηρυτὸν ἔδοξαί. Οὐτῶ καὶ παῖδες καὶ ἄνδρες καὶ γέροντες πλέουσι γὰρ καὶ πεζέουσι καὶ πέτονται, δόξῃς, οἶμαι, κεκρατηκείας ἀσθενῆ συνήγορον εἶναι τὸν μὴ ἐκείθεν πλέοντα.* Delectationem praebet illa quoque epistola (1435), qua a Gajano, de quo supra diximus, petit, ut Theodotum quendam Olympii filium qui invito patre Berytum se contulerat ad leges discendas redire domum jubent. Ex ceteris epistulis assumendae 709, 1125, 1162, fortasse etiam 1555, quae epistola sive de Berytensi, sive de alia schola juris loquitur, quia nonnulla insunt de salario, de sumptibus tam docentium quam discutium, de libris minime est praetereunda. (De expensis in studia factis Libanius verba facit etiam in oratione *πρὸς τοὺς οὐ λέγοντας* ed. Reiske II 289.) Similia de Beryto extant in Procopii Gazaei epistolis, de quibus supra dixi et in Eunapii vita Proaeresii. Theodosius et Valentinianus metropolitano nomine ac dignitate urbem exornant in lege unica C. J. de metropoli Beryto XI 22 (21). Anastasii actate Severus, qui postea Antiochiae fuit episcopus, Beryti juri studuit teste Evagrio (hist. eccl. III 33). Qui rerum status nunquam videtur esse mutatus, sub Justiniano Berytensem scholam confirmatam esse, necnon antecessores ad redigendum corpus juris et adjuvandum Tribonianum vocatos esse constat (constitutiones *Omniem et Ἀέδωκεν*). Etiam post Justinianum sexto saeculo urbem illam eadem semper luce resplenduisse, docent Zacharias Mytilenaeus et Agathias. Berytum denique non juris tantum, sed etiam ceterarum artium liberalium studio floruisse probat Apollinarij exemplum, quem Beryti docuisse, refert Socrates (hist. eccl. II 46).

Phoenix,²⁴⁵ patria schola non solum docens sed etiam discens usus est. Praeter Berytum praesertim Roma, Constantinopolis, Carthago,²⁴⁶ Alexandria, Antiochia²⁴⁷ juris officinae appellantur. Romae Alypius leges didicit,²⁴⁸ quem et alii et comiti sacrarum largitionum asse- disse in speciali parte cognoscemus. Idem de S. Ambrosio dicendum esse videtur. Libanius in oratione πρὸς Εὐμόλιον habita reprehendit Eumolpium ejusque fratrem Domitium, quod ille, Aegypti (*Alexan- driae*) et Phoeniciae (*Beryti*) scholas praeferendas esse missis in has urbes filiis ipse confessus, tamen Hermeam queudam Alexandri filium Romae instructum assessorem sibi adsciverit.²⁴⁹

Qui juri student juris studiosi appellantur,²⁵⁰ sed ii quoque qui legum scientiam jam adepti sunt, interdum eodem nomine uti videntur. Cavendum igitur cum juris studiosum inveneris, ne ad falsum referas.

Juri studentes et discipuli mihi videntur intellegendi esse:

1. in l. 52 § 20 de furtis XLVII 2,

ubi Ulpianus consulenti Modestino responsum dat. Certe vix referri possunt verba „studioso meo“ ad assessorem.²⁵¹

2. *Ephem. epigr. V 1191*:

D. M. S. L. Baebius Barbarus studens Kurthagini defunctus
v(ixit) a(nnis) XX m(ensibus) VII h(ic) s(itus) e(st).²⁵²

²⁴⁵ l. 1 pr. D. de cens. L 15 in Syria Phoenice splendidissima Tyrionum colonia, unde mihi origo est. Conf. Bremer, Rechtslehrer und Rechtsschulen, pg. 82 seq.

²⁴⁶ Juris magistrum Carthaginiensem invenimus in inscriptione quam edidit Mommsenus in *Ephem. epigr. V 1221*. D. M. S. M. Picario M. Memoris fil. Turrano casto raro cum vixit viro magistro etiam juris qui LXX annum aetatis egressus me... Huc inscriptioni Carthagine inventae M. addit „magistram juris adhuc opinor nullam habueramus“. At extat alius in CIL X 8187.

²⁴⁷ Libanius Domnium juris professorem rogat, ut mutata sede Beryto Antiochiam migret.

²⁴⁸ Aug. confess. VI 8.

²⁴⁹ Reiske II 371: παρέδρός τις τῶν Ῥώμην ἐωρακότων... 372 ζήτει τὰ τοιαῦτα παρ' ἐκείνων, οἷς δὲ τοὺς παῖδας παρέδωκας...

²⁵⁰ In praefatione Digestorum ad antecessores scripta. Pomponius in l. 2 § 47 de orig. jur. I 2.

²⁵¹ Ut contra Rudorffium I 196 recte dicit Bremerus p. 61, not. 260; quod autem contendit, Modestinum tum in Dalmatia assedissee, licet contra rationem non sit, tamen ex Ulpiani verbis non licet colligere.

²⁵² Pertinet inscriptio ad jura discentem; nam quominus ad assessorem eam referas, obstat aetas Baebii, vix enim probabile proconsulem talem assessorem habuisse, neque, si post Diocletianum positus est lapis, facile ad consularis Byzantiae — ibi enim repertus est — assessorem referri potest, quia Carthagine ille defunctus est. Discentem fortasse etiam verbi (non substantivi) usus indicat.

Dubitari potest de natura studii quod indicetur his inscriptionibus :

CIL. III 2936:

M. Cornelius Hiero. V(irus) f(ecit) sibi et Corneliae Heroidi uxori carissimae et M. Cornelio Carpo neg(otiatori) oleario et M. Cornelio Carpo juris studioso et libertis libertabusq(ue). (Dalmatia.)

CIL. XII 3339 = Wilm. 2470:

Dis Manib(us). Q. Valerio Virillioni juris studios(o) et Valeriae Quintae sorori Annia mater. (Nemausus.)

CIL. XII 5300 = inscriptio, de qua ad notam 198 locutus sum.

Ex omnibus his inscriptionibus neque quacnam fuerit aetas juris studiosi, neque quacnam fuerit occupatio ²⁵³ effici potest; fortasse ob id ipsum, quod in prima inscriptione, qui dicitur leges, „*studens*“ juri appellatur, non ad discipulum referendae, sed potius eum illis, quas mox afferam, conjungendae sunt.

Tum autem juris studiosi appellatione continetur juris peritus qui scientia, quam adeptus est, utitur. ²⁵⁴ Sic recte studiosi possunt appellari advocati, assessores, jus docentes, de jure respondentes, omnino omnes, qui forensibus negotiis sese accommodant.

Sacpissime autem juris studiosi ei appellantur, qui privatim privatis consilia subministrant, formulas contractuum testamentorumque petentibus praebentes. Teste Suetonio ²⁵⁵ Nero edixit, ut non solum ingrati testatores, sed etiam juris studiosi, qui testamenta dietassent, punirentur. — De hac jurisperitorum opera saepius et fragmenta Digestorum ²⁵⁶ et patres ecclesiae ²⁵⁷ et inscriptiones ²⁵⁸ loquuntur

²⁵³ Nequaquam e loco ubi inventae sunt, certum quidquam sumi potest. Nemausi juris fuisse scholam, nisi fallor, nusquam traditur, neque de Augustodunensi schola facile cogitaveris.

²⁵⁴ De quo usu loquendi Ernestius verba facit in notis ad Suetonii Neronem 32.

²⁵⁵ Suet. Nero 32.

²⁵⁶ l. 88 § 17 D. de leg. (II) .. testamentum scripsi sine jurisperito. Conferendi praeterea Ammianus Marcellinus XXVIII 4, 26 et Plin. ep. I 9.

²⁵⁷ Ex quibus Augustini tantum verba affero serm. XLVII c. XIII 22 (Migne, patrol. lat. XXXVIII 310) .. *quot jurisperitos consulis, quantas fraudes ut stet testamentum tuum contra leges imperatorum.* Hieronym. ep. LII 6 (Migne, patrol. lat. XXII 582).

²⁵⁸ Pomponius hic pertinet ille Philadespotus, qui testamenta scripsit sine jureconsultis (CIL X 4910 = Wilm. 2473) et formula, quam saepius invenimus in inscriptionibus „*dolus malus abesto et jureconsultus*“.

et extat locus apud Epictetum,²⁵⁹ cujus verba quia nusquam citantur, appono:

Ἀλλὰ διαθήκην μὲν οὐ γράφει μὴ εἰδὼς πῶς δεῖ γράφειν ἢ παραλαβὼν τὸν εἰδῶτα. οὐ δ' ἐγγύην ἄλλως σφραγίζεναι ἢ ἀσφάλειαν γράφει... πῶς δὲ ἴχα νομικοῦ; οὐκ οἶδεν ὅτι θελεῖ τὰ μὴ δόμεινα καὶ οὐ θελεῖ τὰ ἀναγκαῖα.

Tum autem concedendum est, etiam assessores²⁶⁰ juris studiosos appellari; et certe possunt ita appellari eodem jure, quo ceteri omnes, quibus jurisprudentia curae est; sed videtur quasi titulus fuisse assessoris.

Id quod docere videntur l. 1 D. h. t. I 22²⁶¹ et l. 9, § 4 de poenis XLVIII 19, praesertim autem locus ille fragmenti Muratorii, quem in praefatione descripsi; Lucas quasi assessor fuit Pauli, qui ad fidem Christianam divulgandam particulares ei committebat expeditiones; Lucas evangelium tertium sua quidem opera, sed Pauli auctoritate conscripsisse videtur (conferenda sunt quae infra de officio assessoris dicentur).

At mea quidem sententia tribus his documentis, quorum tertium primum nostrae materiae vindico, *juris studiosum* titulum quasi fuisse assessoris, non satis demonstratur. L. 1 D. h. t. I 22 quidem certi nihil nos docet. Sine dubio igitur, ubi *juris studiosum* in inscriptionibus inveneris, diligenti interpretatione opus est.

Ad assessuram spectare videtur Ephem. epigr. V 776: *D(is) M(anibus) S(acrum) C. Fabii Clodiani [j]uris stud[i]osi con[st]antissi(mi) . . .*

Assessori enim constantiae laus facile tribuitur. Pertinere ad assessorem possunt quidem eae quoque inscriptiones, quas supra ad juri studentes vix pertinere dixi. Adjungenda illis altera quae, quia impedit aetas hominis,²⁶² ad discentem certe non est referenda.

CIL. X 569: C. Calpurni[s] M. F. Quirin(o) Sermius juri studiosus vixit annos XXXIX hic situs est.

²⁵⁹ Arr. Diss. II 13.

²⁶⁰ Conf. Corn. Bynkershoek observ. jur. Rom. VI 3 „*Recte ad assessores vocantur juris studiosi quia de jure respondebant magistratibus et iudicibus non minus olim quam nunc saepe ad stultitiam usque imperitis.*

²⁶¹ Omne officium assessoris quo juris studiosi partibus suis funguntur — consistit —.

²⁶² Assessores autem proventi aetate inveniuntur, conf. Augustin. de mirac. S. Steph. II 5 (Migne, patrol. XLI, pg. 861).

Rarius jurisperiti et jureconsulti inveniuntur in inscriptionibus;²⁶³ laudantur saepe tali modo magistratus²⁶⁴ et assessores,²⁶⁵ quamvis eos jam per se in jure versatos esse oporteat.

Facile igitur intellegi potest, consiliarios praesertim eligi ex numero advocatorum, quippe in quibus adesse juris scientiam et orationis facultatem conjici possit; praeterea advocacione funeti et sic usu fori jam exercitati homines aptiores visi sunt ad causas judicandas. Praesertim ab eo tempore, quo primum tribunalibus certus cuique numerus advocatorum attributus est, ex advocatis in suo foro militantibus facile et libenter magistratus assessores sumpsisse videntur.²⁶⁶ Ex exemplorum numero Pauli²⁶⁷ et Ambrosii²⁶⁸ et Justiniani²⁶⁹ mentionem hoc loco facio. Justinianum cum intellego quem *ὁμόλογον ἑμοῦ τε καὶ πάρεδρον* ex advocatis actis suis adhibuisse Stilichonem refert Zosimus. Plura et aliunde et ex inscriptionibus hoc loco proferre omitto, ne infra eadem repetens molestior esse videar.²⁷⁰

Assessorem ex advocatis sumptum firmum auxilium futurum esse sperare licuit, cum jam antea, tum ex quo tempore ei, qui advocatorum consortio jungi se vellent jurisperitorum, quorum scholam frequentassent, afferre jussi sunt instrumentum et testimonium.²⁷¹ Sic advocati ad assessuram, et per assessuram, saepe etiam per advocacionem fisci²⁷² ad honores ascendeabant, ut recte advocatio fons honorum et seminarium dignitatum possit appellari.²⁷³

²⁶³ Conferas inscriptiones quae extant in fine.

²⁶⁴ Iluc pertinet Pactumel inscriptio.

²⁶⁵ Iluc pertinet Pinui Justii inscriptio.

²⁶⁶ Inscriptiones, quae huc pertinent, in fine compositae sunt; quibus addo Martianum Capellam, qui proconsuls Africae tribunali attributus esse videtur (ipse dicit in epilogo); Dracontium ejusdem fori oratorem (subscript. contrav. p. 21 Duhn).

²⁶⁷ l. 78 § 6 D. de leg. (III).

²⁶⁸ Conferenda specialis pars.

²⁶⁹ Zosim. V 30.

²⁷⁰ Nescio an huc pertineat Symmachi ep. II 42 (Flaviano scripta): *commendaveram tibi dudum Macedonii clarissimi viri filium, cum foro tuo nomen dedisset — rogatus denuo postulatam retero, non ut novam causidico benevolentiam praestes. sed ut jam tributam digneris augere.*

²⁷¹ l. 11 § 1 C. J. de adv. II 7. Certe jam antea magistri discipulos magistratibus commendabant. Libanius in ep. 85 Domnioni, Berytensi antecessori, scribit ejus discipulum, Silvanum, a Modesto praefecto praetorio in advocatorum consortium receptum esse *μᾶλλον ἡμέρων ἀντὶ τὸν προσκείμενον Μοδέστιον.*

²⁷² De fisci advocatis Bethmann-Hollweg III 164, 165; addi potest exemplis, quae affert, Cassiod. Var. I 22, ubi Marcellus quidam ex avvocato privato advocatus fisci creatur. Advocacione fisci functus assidet in § 1 cap. 1 novellae 82.

²⁷³ Sidon. Apoll. ep. I 11 Nov. Valent. II 2 § 1 Ennodius ep. V 2 (CLXXV ed. Vogellianae) *nota proximitate sociantur causidicus et senator.*

Quae cum ita sint, ne illud quidem offendit, quod reprehenditur interdum magistratus, qui advocacione non functum assessorem sibi adseiverit. Acerbis verbis Tisamenem increpat Libanius, quod in causidicorum ordine nunquam constitutus tamen consiliarium assumi se passus sit. Reiske II 240: *παρεδρένει . . . οὐ διὰ τὴν περὶ τὸ πρᾶγμα ἐμπειρίαν, οὐδὲ γὰρ ἐν ὑνδίκων τάξει πώποτε ἐγεγόνει κτλ.* Ammianus Marcellinus autem reprehendit nefandum illum Maximinum, quod Simplicium grammaticum, in jure non versatum, consiliarium sibi elegerit.²⁷⁴

Minus recte igitur de assessoribus locutus Punschartins (die fundamentalen Rechtsverhältnisse des römischen Privatrechts pg. 420) haec notat: *häufig waren diese Rechtsconsulenten zugleich solche jüngere Advocaten, welche noch nicht zu den Glücklichen des numerus clausus gehörten.* Non enim ex assessoribus advocati, sed ex advocatis assessores prodeunt; plura autem de dignitate assessoris ejusque cursu honorum, inscriptionibus praesertim nisi, in tertia parte dicemus.

De advocatis et assessoribus loquenti mihi interpretandum est principium l. 11 C. J. de adv. II 7, ubi talia extant:

Imp. Leo A. Viriano P. P. Nemini licere sancimus, aliquem sub assidendi colore statutis centum quinquaginta advocatis, quos sibi eminentissima praefectura in consilium assumsent, aggregare.

Quibus verbis nihil mihi videtur dictum esse, nisi hoc, licere praefecto practorio sine dubio assessorem sibi sumere ex supernumerariis, minime autem tali modo electum sub assidendi colore aggregare CL statutis, hoc est, extra ordinem in advocacione promovere et ita consilium amplificare.

Illud autem, num et quatenus electi durante assessura fungi potuerint advocacione, infra demum poterit explicari. Certe ei, qui assessionem se dederat, ad advocacionem reverti licebat. Bremerus²⁷⁵ de professoribus et assessoribus verba faciens suspicatur, nonnullos a magistrorum ordine per assessuram ad magistratus provectos esse, functos autem rediisse in cathedram. Testem affert l. 9 C. J. de advoc. II 7 (anni 442) quam de advocatis tantum loqui ipse confitetur.²⁷⁶ Sed etiam de professoribus recta cum suspicatum esse, docet

²⁷⁴ De cursu honorum Simplicii infra.

²⁷⁵ Rechtslehrer und Rechtsschulen pg. 163: Es stand wohl nichts im Wege, wenn ein Rechtslehrer, der in den practischen Staatsdienst übergegangen ist, schliesslich zu seiner Lehrtätigkeit zurückkehrte.

²⁷⁶ L. c. n. 272: Sic etiam Marinianns (Symmach. ep. III 23) fortasse post magistratum jus docuit (contra Seeckius in edit. Symm. CXXVII).

inscriptio, quam in ultima demum parte assessori eidemque juris antecessori vindicabimus.

Hoc loco satis est demonstrasse, jurisperitos ad assessuram esse promotos idque ob ipsam juris scientiam, quod non solum civilibus sed etiam militaribus usuvenisse magistratibus cognoscemus in speciali parte et docet Cassiodorus, quo teste Theodorico rege et imperatore duces e Gothorum numero sumpti prudentes Romanos sibi adhibebant.²⁷⁷

Quod autem Flavius Josephus in libro illo contra Apionem scripto²⁷⁸ fabulatur, in consilium vocatos promississe legum peritiam sibi iuesse, cum de consilio, non de assessoribus loquatur, minus recte dictum esse videtur.²⁷⁹ Sed ne illo quidem tempore, quo ob ipsam juris scientiam advocabantur assessores, sollemnem quandam professionem doctrinae aut juramentum assessuro opus fuisse credendum est. Legum peritiam adesse tacite sumebatur, id quod in advocatis recte constitutis sine periculo fiebat.

Postulantur alia quoque in assessoris persona, quae cum ad mores potius videantur spectare, infra aptius exponentur.

§ 3.

De electione assessoris.

Quae cum ita sint, quaerere nos oportet, quomodo qui assidere possit adhibeatur ab eo, cui assessorem habere liceat.

Constat magistratum quem vellet in consilium vocasse; quod utrum mutatum sit necne, perscrutandum. Ego quidem dico, etiam post Hadrianum non solum in consilium vocare, sed etiam assessores sibi jungere, quos vellet, licuisse magistratui. Quod ut per se intellegi dicit Bethmannus-Hollwegius,²⁸⁰ ita alii negant. Qua de causa diligentius res inspicenda est.

²⁷⁷ Tales assessores apud Cassiodorum non inveniuntur, sed extitisse probat, — ut recte dicit Mommsenus, *ostgothische Studien in Archiv für ältere deutsche Geschichte*, XIV 504 — edictum, quo comites singulas urbes tenentes iudicaturi inter Gothum et Romanum prudentem Romanum assumere jubentur. Cass. Var. VII 3.

²⁷⁸ Contra Apionem II 18.

²⁷⁹ Conferas initium paragraphi.

²⁸⁰ Bethmann-Hollweg, *Civilprozess* III 131 n. 17. Der Magistrat wählt sich seine Beisitzer selbst — dies wird überall vorausgesetzt, z. B. in l. 1 C. Tb. h. t.

Ac primum quidem ea, quae contra nos dixerit quis vel dixit, exponam et rejicere conabor:

1. Certe contra nos afferri non possunt exempla supra tractata, quibus discimus, magistratui interdum non solum *ut* consiliarios assumeret, sed et quales et quot, aut legem aut specialem jussionem imperasse. Consilarii illi non assessores sunt, sed ad singulas res advocantur.²⁸¹

2. Neque magis iis, quae diximus, obstat illud, quod nonnunquam legimus, patres propinquosve filiis assessores idoneos eligere. Sic Symmachus²⁸² Flaviano scribit, alteri filiorum viae instrumenta, alteri in societatem consilii comitem se praeparare. Quod eo minus offendit, quia jam supra cognovimus, comites peregrinationum a patribus electos esse filiis, qui ad regendam provinciam proficiscerentur.²⁸³

3. Majoris momenti est, quod cum alii, tum vir doctissimus O. Karlowa²⁸⁴ dicit de assessoribus praefectorum praetorio et urbi; qui praefecto praetorio sacra vice judicanti suum, non principis consilium adfuisse docens, contrariam opinionem et aliis et his refellit:

„Dagegen spricht aber, dass vom *Princeps* für den praefectus praetorio, ebenso für den praefectus urbi eigene consilarii *ernannt wurden*.“

Testem esse dicit inscriptionem quae extat apud Henzenum sub numero 6519,²⁸⁵ ubi legimus haec:

TI. CLAUDIO . ZENONI . VLPIAN . VERRAE . F . TRIB .
COH . I . ASTVRVM . TRIB . COH . I . FL . BRITTON . PRAEF .
ALAE . I . CLAUD . MILL . ADIVT . AD . CENS . EX . SACRA .
IVSSIONE . ADHIBIT . IN . CONSIL . PRAEF . PRAET . ITEM .
VRBI . PROC . AD . B . DAMNATORVM . PROC . SILICVM .
VIAR . SACRAE . VRBIS . SVB . PRAEF . VIGIL . R . PROC .
PRIVATAE . REGIONIS . ARIMINENSIVM . PATRONO . COL .
PISAVR . OB . EXIMIAM . ERGA . SE . AC . PATRIAM . SVAM .
BENEVOLENTIAM . EIVS

Videtur igitur ita verba jungere Karlowa: adjutor ad census — ex sacra jussione adhibitus in consilium praefectorum praetorio item urbi.

²⁸¹ Supra ad not. 184 seq.

²⁸² Symmachus ep. II 17.

²⁸³ Supra ad not. 110.

²⁸⁴ Karlowa, röm. Rechtsgeschichte I pg. 549 (§ 72 I f.).

²⁸⁵ = Wilm. 1291.

Eandem interpretationem proponere videtur E. Cuq,²⁸⁶ cum dicit:

„C'est après avoir exercé cet emploi (adjutorem ad census intellegit) qu'une sacra jussio l'appela aux conseils des préfets du prétoire et de la ville, sans doute pour l'initier à la pratique des affaires.“

Atque eodem modo verba jungere Wilmannsium, ex indice cognosci potest.

Sed videamus, num revera indicetur nostra inscriptione tale quid, quod ab eis quae aliunde scimus, plane abhorrere videatur. Minime, inquam. Tantum enim abest, ut sequi nos ceteros in jungendis verbis oporteat, ut ita jungi posse negem. Nusquam enim verba „*ex sacra jussione*“ tali modo ceteris, cum quibus cohaerent, praeponuntur.

Quam ob rem mea quidem sententia ita sunt jungenda verba: adjutor ad census ex sacra jussione — adhibitus et rel., aut omnia sunt jungenda; utrumque enim explicari potest.

α. *Adjutor ad census ex sacra jussione*, quia verba „*ex sacra jussione*“ postponi solent, minime offendit. Deinde illa „*adhibitus in consilium praefectorum*“ si assessorem designant, minus accurate dicta sunt; certe nusquam similia inveni; qua autem ratione et explicari et ferri possint, cum de numero assessorum dixerimus, facile perspicitur. — Fortasse a praefectis in consilium vocatus est Zeno ad singulas tantum res dijudicandas, licet potius exspectemus „*adhibitus in consilium a praefectis*“. (cf. Plin. ep. VI 11.) Assentire nobis videtur in interpretanda inscriptione Marquardtius,²⁸⁷ qui, ubi de adjutoribus ad census verba facit, in nota habet hoc „*adjutor ad census ex sacra jussione, Marini atti 474*“; ex Marinio autem Willmannsius et Henzenus inscriptionem sumpsisse videntur.

β. *Nunc autem superest tertia verborum jungendorum ratio*; ita enim jungi possunt, ut adjutorem ad censum ex sacra jussione adhibitum in consilium praefectorum putes. Zeno non tamquam assessor, sed tamquam adjutor, ex sacra jussione praefectis attribuitur eorumque dispositioni submittitur; vernacula lingua dixerim „*dem Bureau der Praefecti beigegeben, zugeordnet*“. Haud ignoro, simile quid in inscriptionibus vix inveniri; quod ad consilii vocem attinet, haud scio an ferri possit, cum praesertim meminerimus advocatos quoque a praefectis „*in consilium assumi*“ interdum dici.²⁸⁸ Sed

²⁸⁶ In pg. 360 libri, quem commemoravi ad not. 119.

²⁸⁷ Verwaltung II 298.

²⁸⁸ I. 11 pr. C. J. de adv. II 7.

rem ipsam interpretationi, quam suadere videtur verborum conjunctio et collocatio, obstare arbitror. Id quidem, adiutorem ad census praefecto urbi dari, si jam Zenonis aetate a censibus vel magistrum census sub dispositione praefecturae urbanae fuisse credideris,²⁸⁹ ferri possit, quamvis illud, praefecto, non magistro eum tribui, facile offenderit. Adjutor ad census in consilium praefectorum praetorio accitus difficilius explicari possit, nisi aliqua ratione praefectum censu occupatum esse putes.

Qua de causa tali modo inscriptionem intellegi posse, negaverim; sin autem possit, illud, quod haud scio an displiceat in ceteris interpretationibus, explicetur, cursum dico honorum Zenonis. Certe enim adiutorem ad census ex praefecto alae aliquem fieri, contra morem non est;²⁹⁰ militem autem per assessuram summorum magistratuum ad fiscales administrationes provehi, nusquam alias inveni, quamvis hoc ferri posse non negem.

Omnibus igitur perpensis alteram quam proposui retineo interpretationem. Addi potest iis, quae jam dixi, non solum verborum collocationem nostrae favere interpretationi, sed etiam ipsam rem; cum enim omnes, qui ad censum pertinent, a principe eliguntur, sacra jussione electum se esse, dicere Zeno potest. Aliud quidem adjutoris ad census exemplum non inveni, sed extat hoc in Henzeniana inscriptione 6512:

T. Clodio . . . Pupieno . . . electo jud(icio) sacro ad [census] accept(andos) per prov(inciam) Velgicam.

Recte etiam ob eam causam Zeno ex sacra jussione se vocatum esse dicit, quia post Domitianum, qui perpetuum se fecit censorem, titulus ejus scriptus est. Debetur enim, nisi fallor, medio saeculo tertio;²⁹¹ certe autem ante Diocletianum Zeno vixit. Itaque ne ii quidem, qui Zenonem ex sacra jussione ad assessuram promotum esse dicunt, post Diocletianum similia evenisse docent.

4. Non magis nobis obstat epitome ex Basil. II 6 19 deprompta (= l. 2 C. J. de mand. princ. I 15); non de assessore enim — ut dici-

²⁸⁹ Not. dign. Occ. IV 8; censuales in officio praefecti urbis IV 31. Hirschfeld, Verwaltungsgeschichte I, pg. 19.

²⁹⁰ Conf. CH. XII 408 *praef. alae Hispaniae adiutori ad census provinciae Lugdunensis*.

²⁹¹ Ante Septimium Severum scriptum non esse, procurator *privatae regionis* Ariminensium, fortasse etiam procurator ad bona damnatorum docet. Conf. vit. Septimii Severi 12: *Interfectis innumeris Albini partium viris . . . omnium bona publicata sunt . . . tuncque primum privatarum rerum procuratio constituta est.*

tur in vulgata interpretatione — sed de vero iudicii collega, ut ita dicam, ibi agitur (*συνδικαυτής*); ante litem contestatam, qui citatur, Justiniani aetate facultatem habet et recusandi iudicem et petendi, ut alius (*συνδικαυτής*) adjungatur iudex. Conferendum praesertim novellae LIII caput III²⁹² (ut is qui in provinciis).

Ipsa igitur sibi quisque eligit consiliarium, qui aut vocatur et quaeritur aut ipse se offert. Juvenes juris peritos et dicendi gnaros magistri et potentes amici commendant magistratibus. Sic Libanius reprehendit Domitium, quod Eumolpii fratris quam suum, Libanii dico, iudicium in eligendo assessore sequi maluerit.²⁹³

Neque consiliarios sibi eosdem saepius adjungere magistratus vetantur, quia, ut recte dicit l. 12 C. J. h. l. 51, *quī semel recte cognitus est, non debet, ob hoc solum, quod jam probatus est, improbari*²⁹⁴.

Magistratus assessoribus ut ad se veniant praecipunt aut, unde proficiscuntur, electos secum ducunt aut aliunde accitos operiri se alicubi²⁹⁴ aut directa via provinciam ingredi jubent.

Postremo magistratum ipsum sibi assessores eligisse²⁹⁵ probat etiam l. 3 D. de proxen. l. 4, qua assessurae quoque proxenetas extitisse indicatur.

§ 4.

De numero assessorum.

Ante Hadrianum tot amicos unusquisque in consilium vocavit, quot vocare ei placuit, quoque gravior fuit res dijudicanda, eo plures adhibitos esse probabile est. Assessorum autem et perpetuorum consiliariorum, quippe qui totos assessurae se dent et laborem in

²⁹² Nov. 53 c. III in principio.

²⁹³ Contra Eumolpium Reiske II 368: *ἀπέφηνας πάρεδρον διὰ τὸν πάντα σοὶ πειθόμενον ἀδελφόν*. De commendandis assessoribus conferenda ea, quae supra ad not. 271 dixi.

²⁹⁴ Sic Fronto comites Athenis ipsius adventum expectare jubet (ad Pium epist. octava).

²⁹⁵ Similia atque apud assessores Romanorum apud Graecos invenimus. Sic Aristotelis apud Harpocrationem et Suidam nota extat: *λαμβάνονσι δὲ παρέδρους ὃ τε ἄρχων καὶ ὁ πολέμαρχος, οἷς ἂν βούληται*. Cui testimonio certe non obstant Ulpiani Demosthenis commentatoris verba *πάρεδροι ἐδίδοντο τοῖς νεωτέροις*; errat enim Ulpianus aut minus diligenter profert, quae scit.

ea collocent et juris scientiam afferant, neque facile quis majorem numerum inveniat, neque omnino opus esse arbitretur; praesertim cum salarium spectaveris, facile cognoveris haud interfuisse magistratus aut fisci, majorem adesse assessorum numerum.

Quae cum ita sint, minime mirum est, Justiniani aetate singulos assessores semper, non solum apud minores, sed etiam apud summos magistratus inveniri.

In novellis quidem, quae novam quarundam provinciarum continent ordinationem et dignitatis auctionem et militaris civilisque potestatis conjunctionem, singuli semper nominantur assessores. Huc pertinent: nov. 24 de praeside seu praetore Pisidiae c. VI, § 1, nov. 25 de praetore Lycaoniae c. I, c. VI, nov. 26 de praetore Thraciae c. V, § 1, nov. 27 de comite Isauriae epilog., nov. 28 de moderatore Helenoponti c. III, c. VII, nov. 29 de praetore Paphlagoniae c. II, c. III, c. V, nov. 30 de proconsule Cappadociae c. VI, § 2, c. VII, § 2, nov. 31 de descriptione IV praesidum Armeniae c. I, § 2, ed. VIII de Pontici tractus vicario c. III, § 4 — ubi etiam de primae Galatiae praeside ejusque assessore dicitur — praeterea nov. 8 ut mag. absque ullo suffragio c. VIII, nov. 82 c. I, § 1, nov. 17 c. V, § 2. — Conferendum est jusjurandum, quod praestatur ab iis, qui magistratus suscipiunt.²⁹⁶

At non solum minores, sed etiam majores magistratus singulos assessores habuerunt. Ac primum quidem quod ad vicarios attinet, edictum VIII, quo Pontico tractui nova forma datur, vicario unum tantum tribuit assessorem.²⁹⁷ Kruegerus²⁹⁸ alia evenisse dicit in ordinandis Alexandrinis et Aegyptiis provinciis; caput enim IV edicti XIII praefecto Augustali plures dare assessores his verbis:

οἱ δὲ γε ἀντὶ τῆς παρεδρεύοντες quinque librarum αὐτῷ λίπονται ἐκ τῶν ἀντὶ τῶν καὶ ἑτέρων; mille solidos καὶ ἡ κατ' αὐτῶν τάξις κτλ; minime autem illa offendere, juncta scilicet in praefecto militari cum civili potestate; eam ipsam ob causam praefecto duos tributos esse assessores.

²⁹⁶ Nov. VIII. i. f. verba ... ἀλλὰ καὶ τὸν αἰὲ μοι παρεδρεύοντα τοιοῦτον σπονδάσω παραλαβεῖν κτλ.

²⁹⁷ C. III § 4. οὕτως δὲ ἀγορεύομεν ἀντὶ τῆς καὶ παρεδρεῖ καὶ τῇ ἐπ' αὐτὸν τάξις... διὰ τῆς ὑποταχμένης ἀπογραφῆς πᾶσι γενόμεναι δῆλα.

²⁹⁸ Kritik des justinianischen Codex, pg. 162.

Quod minus mihi placet, nam etiam vicario Pontici,²⁹⁹ qui non solum praefecti praetorio sed etiam magistrorum militum et magistri officiorum vices agere dicitur, cuiusque jurisdictioni neque propter militiam neque propter dignitatem quisquam subtrahitur,³⁰⁰ unus tantum adest consiliarius, neque in vicariis alia atque in praesidibus valuisse verisimile est.³⁰¹ Deinde autem verba οἱ ἀντιπαραδρέοντες cum Kruegero ad duos assessores referre nihil nos cogit; nam οἱ ἀντιπαραδρέοντες nil est nisi „quicumque ei assidebit“ eodemque loco est ponendum, quo illud τὸν ἀντιπαραδρέοντα novellae octavae.³⁰²

Accedit, quod, si plures assessores adesse praefecto Augustali dicere Justinianus voluisset, certe numerum indicasset. Deinde ea quoque de causa adducor, ut singulos fuisse assessores putem, quod, quadraginta libris praefecto attributis, quinque tantum dantur assidentibus, quae res si ad singulos referatur, facile explicatur et optime congruit cum ceteris;³⁰³ sin autem plures vel certe duos fuisse ponatur, vicesimam tantum partem salarii, quod magistratui datur, accipiunt, nisi omnes assessores quinas libras accepisse credideris.

Utrum autem eadem etiam apud praefectum praetorio valuerint necne, dubium est; fortasse Justinianum, ne majoribus sumptibus rempublicam valde perturbatam attereret, eadem parsimonia, qua apud ceterorum magistratuum, etiam in praefectorum notitiis usum esse, aliquis dixerit.

Sed obstare videtur notitia praefecti praetorio; extant enim in constitutione illa, quae ad officium praefecti praetorio Africae et ad omnem illius provinciae statum spectat, haec:³⁰⁴

Et est notitia Deo auxiliante:

Pro annonis et capitu pro tempore praefecti praetorio per totum Africam auri libras centum. Pro annonis consiliariorum libras XX. Pro annonis cancellariorum auri libras VII. Item officiis ejus ita.

²⁹⁹ Fugisse hoc edictum (VIII) videtur Kruegerum, nusquam enim ejus facit mentionem.

³⁰⁰ C. I. Conf. c. III § 2 ἐπακούσεται δὲ ἀντιπᾶσα στρατιὰ ἐπ' ἐκείνους οὕτω τοὺς τόπους.

³⁰¹ Nam etiam plurimi ex praesidibus, de quorum notitiis supra dixi, militares lidemque civiles sunt magistratus.

³⁰² In jure jurando, quod praestatur a magistratibus (nov. 8 c. VIII).

³⁰³ Conf. § 7. Si singulis assessoribus praefectos Augustales usos esse dicimus, assessor octavam partem salarii magistratus habet; similis ratio in notitia Arabiae provinciae; cuius moderatori quindecim, duae assessori librae dantur.

³⁰⁴ l. 1 C. J. ht. I 27.

Pro *consiliariorum* legendum esse *consiliario ejus* demonstrat Kruegerus.³⁰⁵ Utrum autem XX mutandum sit in X, si cum magistratus salario conferas, vix dijudicare possis, sed utrumque tolerari posse illi concedas. Meo autem judicio retinendum est id, quod in libris manuscriptis extat. Confero enim assessorum et cancellariorum, quatenus fieri potest, praemia. Notitia ducis Danielis³⁰⁶ assessori LIV solidos, cancellario XXIV tribuit, assessoris igitur plus duplo cancellarii praemium superat. Notitia praefecti Africae cancellario VII libras dat, ex quo haud scio an colligi possit, viginti libras assessorem accepisse.

Plures fuisse assessores ne ex novella 119 quidem sumere licet, quamvis in capite quarto *uni praefecto* plures dari vidcantur assessores; cum enim in capite quinto rursus de *praefectis* loquatur, minus accurate numerum observasse videtur Justinianus. Nihilominus de assessoribus praefecti orientis dubitari posse facile concesserim, motus cum novella illa, tum eis, quae mox de ceteris saeculis dicentur.

Ceteros Justiniani aevi magistratus et iudices singulos assessores habuisse, summis magistratibus singulorum consiliis contentis, demonstratum esse videtur. Similia in Occidente invenimus: Cassiodorus quidem, ad praefecturae fastigium evectus, unum tantum videtur consiliarium habuisse, Felicem, de quo in praefatione libri undecimi verba facit. Quatenus apud principem eadem, quae in magistratibus valuerint, infra demum explanabitur.

Eademne de ceteris saeculis dicenda sunt?

a. Inspiciamus primum saecula, quae intersunt inter Diocletiani et Justiniani tempora.

Libanius omnibus³⁰⁷ magistratibus singulos tantum tribuit assessores, neque aut Symmachus aut Cassiodorus aut Sidonius aut Ennodius aut Ambrosius aut Augustinus aut acta martyrum³⁰⁸ aliud

³⁰⁵ Pg. 162; assentitur ei Mommsenus in studiis ostrogothicis (Neues Archiv der Gesellschaft für ältere deutsche Geschichte, XIV 477, n. 5).

³⁰⁶ Conf. finem paragraphi septimae in qua de salario dico; quamquam salarium non esse, quod ibi assessori tribuitur, infra doceo; praemium saltem est.

³⁰⁷ Non solum praesidibus, sed etiam proconsuli urbis Constantinopolis, magistro militum, praefecto praetorio Italiae. Exempla in parte speciali proferentur.

³⁰⁸ Consiliator proconsulis (Asiae) in passione S. Pionii (Ruin. 150), adessor praesidis in passione S. Philippi (Ruin. 409, 417) consiliarius praesidis in passione SS. Marci et Nicandri (Ruin. 552).

dicunt. Cum de singulorum magistratuum assessoribus infra disputaturus sim, hoc loco sufficiat mentionem facere loci ex Libanii oratione deprompti quae inscribitur *κατὰ τῶν εἰσιόντων*,³⁰⁹ ubi et omnino plura de magistratuum assessoribus narrat et singulos semper fuisse dicit his verbis:

ποῦν οὖν τοῦτο δικαστήριον, ἀφ' οὗ τὸ δικάζειν ἐξελεύνεται; καὶ μή τοι νόμιζε δῖο μόνον εἶναι τοὺς τοῦτο δρῶντας, οἷς ἡ κοινὴ τῶν ὁρόνων κτλ; magistratum intellegit et ejus (unum!) assessorem, quos alio loco τὸν αὐτὸν κατελιγμένος ὁρόνον appellat. Unum assessorem etiam Daniel dux Africanus (de cujus inscriptione cf. n. 498) Anastasii aetate habuit.

Plures assessores praefectos praetorio habuisse, ostendere videtur Joannes Laurentius Lydus; dicit enim³¹⁰ ... μετὰ δὲ τὴν ἐνθεσμον τῶν ψήφων ἀπόφασιν νόμος καὶ τοὺς συνεδρεύοντας τῇ ἀρχῇ ἄνδρες νομικώτατους ἀνεγνωσκοντας πρῶτον τὰς ψήφους καὶ ὑποτάττοντας τῷ λεγόμενῳ σχεδαρίῳ τῷ παρ' Ἰταλοῖς καλούμενον ῥέανον³¹¹ (ἀντὶ τοῦ ἀντιβολίῃ) διδύναι πρὸς ὑπογραφὴν τῆς ἀρχῆς τοῖς εἰς τοῦτο τεταγμένοις.

συνεδρεύοντες τῇ ἀρχῇ ἄνδρες νομικώτατοι ad assessores videtur esse referendum cum Kruegero³¹² et Mommseno;³¹³ plures praefecto praetorio Orientis — de quo loquitur Lydus — adfuisse consiliarios,³¹⁴ sola haec verba per se haud satis testantur.³¹⁵ Tamen praefecto illi etiam ego facile plures aut duos quidem tribuerim assessores. Duae enim res me movent.

1. Ac primum quidem inscriptio epistolae 227 Libanii; mittitur enim „*Ἐλπίδιον παρ' ἐδρῶν*“. Elpidii assessores monet Libanius, ut infelicissimo cuidam homini adsint; de infelici enim illo judicabit Elpidius, quem persuadendi arte usi mitiorem assessores reddere jubentur. Equidem non dubito, quin Elpidius eo tempore praefectus praetorio fuerit; de Elpidio enim saepius loquitur Libanius et fuit ille sine dubio praefectus praetorio Orientis sub Constantio

³⁰⁹ Reiske III 75. In eadem oratione pg. 90 de praeside et uno assessore locutus: *δῖο τοῖνυν γνώμαν τῆς ἀρχῆς κυβερνωμένης τί ἂν ἐτέρων δέοι;*

³¹⁰ Lydus de mag. III 11.

³¹¹ Mommsenus l. c. (conf. n. 305) emendat „*periculum*“.

³¹² Kritik des just. Codex pg. 161.

³¹³ l. c. pg. 477.

³¹⁴ Certe enim de assessoribus, non de eis, quae ad singulas res dijudicandas vocantur, loquitur. Re vera ea quae Lydus dicit ad assessorum officium pertinuisse, mox cognoscemus.

³¹⁵ Conferenda sunt ea, quae de verbis οἱ αὐτῷ παρ' ἐδρῶντες (ed. XIII) diximus ad n. 302.

et comes rerum privatarum sub Juliano.³¹⁶ Mea quidem sententia epistola praefecto datur et jungendus est Libanii cum Lydi loco, ita ut praefecto, Orientis quidem, plures adfuisse assessores suspicandum sit.

2. Tum ut Lydum errare negem, movet me illud quoque, quod etiam ante Diocletianum plures assessores praefecti habuerunt. — Post Diocletianum ego solum apud praefectum praetorio Orientis plurium assessorum inveni mentionem factam; aliter rem se habere collegerit quis ex verbis Hauboldii,³¹⁷ qui talia extare apud Sidonium Apollinarem dicat „*praefectus praetorio ad assessores consiliis suis tribunalibusque sociavit*“, sed talia minime leguntur apud Sidonium; is enim in epistola illa decima quinti libri de uno tantum Pragmatico loquitur, quem sibi junxisse dicitur Priscus Valerianus. Rursus neque Anatolius praeter Tuscianum, neque praeter Ambrosium Probus in praefectura alios assessores habuisse videntur.³¹⁸

Quibus ex exemplis colligere singulis tantum assessoribus praefectos praeter praefectum praetorio Orientis usos esse, certe nimis violentum est; rursus ipse Lydus de aurea tantum officiorum aetate loquitur. Hoc igitur verisimile est: Habuerunt post Diocletianum in Oriente quidem plures assessores praefecti praetorio, binos nisi fallor;³¹⁹

³¹⁶ Exeunte anno 358 Elpidium praetorianam praefecturam tenuisse docet l. 4 C. Th. de erog. mil. ann. VII 4; nondum eam deposuit exeunte anno 360 (l. 11 C. Th. de curs. publ. VIII 5). Juliano ad summum fastigium evecto, remotus est ab honoribus; Christiana demum fide ejurata denuo ad magistratus accedit; offertur ei ab Juliano comitiva rerum privatarum, qua functum cum esse tradit Philostorgius VII 10 conf. Liban. ep. 1463 Theodoret. hist. eccl. III a. Recta afferre Philostorgium docet l. 5 C. Th. de fide test. et instrum. XI 30, ubi deest quidem nomen comitis rerum privatarum, quem Elpidium fuisse suspicor — sed congruit cum Philostorgio nomen Felicis comitis sacrarum largitionum (cf. l. 5 C. Th. de bon. proscr. IX 42). Itaque, cum neque alium quandam comitem rerum privatarum anni 362 fuisse demonstrari possit, et recta in ceteris attulisse constet Philostorgium, nihil est, cur Elpidium comitem rerum privatarum fuisse negemus. — Epistolam, si cum ceteris conferas, et ad praefectum et ad comitem rerum privatarum scriptam esse posse recte dicit Sievers (Leben des Libanios, pg. 76 n. 37). Comitem rerum privatarum plures assessores habuisse non credo, cum praesertim comitem sacrarum largitionum uno contentum fuisse constet (exempla in parte speciali). Praefectum autem Orientis plures habuisse, jungens nostrum cum Lydi locum putaverim.

³¹⁷ Dissertat. de consistorio principum pg. 247.

³¹⁸ Conferenda specialis pars.

³¹⁹ Eandem difficultatem praebent ea, quae de cancellariis dicuntur apud Lydum; cum enim plures fuisse ille doceat, Justiniani et Cassiodori aetate singulos invenimus. Cancellarios binos praefectis ministrasse refert Lydus de mag. III 37; haud scio, an inde colligi possit, binos etiam consiliarios fuisse.

habere desiisse videntur si minus jam antea, attamen Justiniani et Cassiodori aetate.²²⁰

Quod ad ceteros magistratus attinet, nulli eorum usquam plures assessores tribuuntur; neque, quia eadem quae apud praefectos ratio deest, singulis ceteros contentos fuisse negaverim.

β. Ante Diocletianum quantus numerus assessorum fuerit, haud facile cognoscere possumus; obstat enim inopia testimoniorum, quae ad memoriam nostram ex illis temporibus pervenerunt. Neque actis martyrum in consilium adhibitis fons cognoscendi aperitur, in quibus, cum saepe assessorum fiat mentio, tamen utrum is, qui appellatur, solus an praeter eum etiam alii assessores fuerint, in medio relinquitur.²²¹

Sed unum quidem licet pro certo habere. Magistratus quoad ipsi assessoribus praebebant salarium, quot volebant, tot sibi adscribebant consiliarios, neque legibus in eligendo coërcerantur; ex quo tempore autem ad aerarii et fisci curam, publico salario proposito, assessores pervenerunt, modum simul positum esse putaverim.

Praefectos praetorio plures assessores ante Diocletianum habuisse minime probatur Papiniani praefectura; nusquam enim eodem tempore et Paulum et Ulpianum praefecto assedissee legimus neque quidquam satis certi ex l. 40 de reb. cred. XII 1 colligi potest; utrum enim — si omnino ante tribunal praefecti praetorio rem esse actam concedas — homo illo, quem adfuisse tradit Paulus verbis „*quaesitum est — dicebam — quidam dicebat (? dicebant) — ille putabat (? putabant)*“, alter consiliarius fuerit necne, dignosci nequit. Offendit certe Paulus tanto fastidio usus adversus collegam. Fortasse non ad verum consiliarium, sed ad alium, in consilium ad unam rem iudicandam vocatum, referenda sunt verba Pauli, qui in iure plane iucallidum illum fuisse dicat. — Plures praefectis adfuisse consiliarios elucet, nisi fallor, ex hac verborum conjunctione „in consilio praefecti praetorio“, quae de singulis assessoribus haud facile intellegi potest. Huc pertinent Spartianus, qui Paulum et Ulpianum in consilio Papiniani fuisse tradit, et inscriptio illa Henzeniana, de qua supra diximus.

²²⁰ Ego quidem, si Lydus permittat, facile putaverim, eodem tempore, quo magnis privilegiis et honoribus decorata est assessura praefecturae, etiam numerum consiliariorum imminutum esse.

²²¹ Una passio Pionii Smyrnae (Asiae) proconsuli unum tantum assessorem ante Diocletianum tribuit (Ruin. 150 verba „*diu habitis cum consiliatore sermonibus*“). Post Diocletianum autem ponendum est martyrium Philippi, ubi Publium assessorem invenimus et extant in fine verba „*communicato consilio cum participibus et adsessore*“. Publium unicum assessorem fuisse constat.

Haec sunt, quae de numero assessorum inveniri possunt.

Superest, ut de iis, quae Geibius ad rem, de qua agitur, attulit, pauca dicam argumentaque ejus refellam; contendit enim,³²² parum recte ex novellis Justiniani Bethmannum jam antea singulos minoribus quidem magistratibus assessores praesto fuisse colligere, immo obesse nonnullos veterum scriptorum locos. At fallitur vir doctus, nam cum argumenta deesse apud Bethmannum recte moneat, equidem ex Libanio et ceteris satis magnam copiam attulisse mihi videor; loci autem, quibus contrarium contineri dicat, sunt hi:

1. Suet. Claud. 12. At certe non de assessoribus, sed de ea consilii forma, quam Claudii aetate solam extitisse supra exposuimus, Suetonius loquitur; consilii participes consiliarios appellari posse, haud facile quis negaverit.

2. Apulejus de mag. 2. Certe ne hic quidem de assessoribus loquitur, sed de consilio, id quod, si dubitaveris, facile inde cognosces, quod consulares in consilio sunt, consulares autem ad assessuram descendisse vix credi potest.

3. Achilles Tatius de Leucipp. et Clitoph. amor. VIII 9.³²³ Certe σύμβουλοι proedri iidem sunt, qui paulo ante hunc locum βουλευτῆς appellantur, neque ulla re de assessoribus Achillem Tatium cogitasse indicatur; ceterum Theodosii aetate singulos fuisse assessores vel Libanii verba satis ostendunt.

Geibius quia, quid intersit inter assessores et consilium, non perspicit, plures assessores magistratibus praesto fuisse putat. Ex eadem causa nascitur error, quo lapsi paene omnes de *consilio* vel *collegio* semper *assessorum* loquuntur; quod parum recte fieri, ex iis, quae in capite altero de consilio et assessoribus diximus, sequitur.

§ 5.

De officio assessoris.

Consilio, ut supra cognovimus, non solum certus numerus et certa forma, sed etiam certum officium deest. Hoc tantum constat: advocantur amici, ut benevola praesentia sua tranquillitatem quandam afferant deliberanti. Ut autem consilia possint dare utilia,

³²² Geschichte des römischen Criminalprozesses, pg. 444, 445.

³²³ L. c. σὺ μὲν γὰρ συμβούλους ἔχεις καὶ οὐδὲν ἄνευ τούτων ἔξεστί σοι.

praesenti liti adsunt sedentque in tribunali et vident audiuntque partes, patronos, testes. Magistratus ipse sive iudex litem ordinat; postremo, quos vocavit, sententiam rogat eorumque ex consilio pronuntiat; tum illi functi suo negotio redeunt, unde venerunt, cras aut alii assessuri aut ipsi in consilium alios vocaturi.

Talis consilii natura et tale officium eorum, qui in consilium vocantur. Longe aliud assessoris officium.

Certe etiam post Hadrianum ad singulas res, praesertim in gravibus causis, vocari in consilium supra³²⁴ cognovimus, neque illud negari potest, non minimam assessoris officii partem in eo consistere, ut adsit magistratui in jure dicundo, praesens litibus et tribunalis honore gaudens, aut solus magistratum adjuvans aut adhibito prisco more consilio. Legimus assessores curru magistratus vehi ad forum,³²⁵ ibique alterum decernere, alterum consilia suggerere. Sic magistratui³²⁶ illi de Libanio reo judicanti assidet Olympius, irae iudicis moderans et juris incolumitatem tuens. Sicut antea, quod assessor magistratui suggerit, consilii naturam habet neque ultra valet; nihilominus magna praedicatur auctoritas assessoris illiusque nutum omnes sequi videntur. Testis non tantum Olympius ille, sed etiam Alypius³²⁷ comitis sacrarum largitionum inconcussus assessor et sancti Augustini comes intrepidus. Ad eandem causam retulerim, quod saepius assessores eorum, a quibus res sunt dijudicandae, adeuntur a partibus, praesertim in criminalibus causis, petiturque ab illis, ut auctoritate sua aliena tueantur negotia. Tales sunt litterae, quas Libanius dat Elpidii assessoribus,³²⁸ neque dissimiles epistolae Gregorii Nazianzeni³²⁹ de eadem causa ad Olympium et Asterium scriptae, quorum alterum alteri assedissee putaverim; huc fortasse pertinet

³²⁴ Conferas caput II: De consilio et assessoribus.

³²⁵ Liban. *πρὸς Εὐμόλιον*. Relske II 368. Procopius una cum Belisario, cui assidet, et Antonina nave praetoria vehitur (bell. Vand. I 12).

³²⁶ Liban. *περὶ τῆς ἐαντιοῦ τύχης λόγος* Relske I 112; magistratus ille Protasius successerat; est sine dubio consularis Syriae.

³²⁷ Augustin. confess. VI 10 locus jam a veteribus commentatoribus rel, de qua agimus, jure vindicatus.

³²⁸ Supra ad not. 316.

³²⁹ Sunt epistolae 146, 148, 154—156 (Migne, patrolog. graeco-lat. XXXVII 252, 253, 261—264) — in quibus Asterius socius laborum Olympii appellatur (*Ἀστέριον γὰρ ὄντα τὸν ἄρχοντα καὶ παρ' ἐαντιοῦ, λαμπρότερον αὐτὸς ἐργάζετο, τῇ συνουσίᾳ τοῦτον ὑπὸ τὰς σῶς τίθεμεν χεῖρας καὶ διὰ τῶν σὼν ταῖς τοῦ ἀρχοντος*). Conf. infra n. 416.

etiam Theodoret³³⁰ epistola, quam mittit *Ἐρημῳγενεῖ παρέρρη*. — Haud igitur sine suo jure Libanius reprehendere assessores videtur, qui se semper potius quam advocatos audiendos praebeant iudicibus neque tranquillos eos secum reputare sinant³³¹ et recte queritur Isidorus Pelusiota,³³² medium quasi inter duas partes iudicem positum esse.

Sed in hac iudicii participatione pars aliqua tantum consistit officii assessoris; ad majora vocatur. Saepe enim generaliter socius laborum et adiutor appellatur et ad communionem magistratus accitus esse dicitur. Sic Macarius, in homilia XV hominem nunquam perfectum esse demonstrans, hoc affert, *ὅτιαν ἄρχων γένηται, λαμβάνει ἐκείνῳ βοηθὸν τὸν συγκάθεδρον*.

Sic pertinere ad magistratum, circa cum esse, ministrare ei dicitur assessor (nov. 134 c. I, nov. 149 c. II, nov. 161 c. I, inser. C. J. I 53). Imperatores Gratianus, Valentinianus, Theodosius loquuntur de *participibus* in l. 1 C. Th. si prov. rector III 6, cui verbo recte Tribonianus in l. un. C. J. si provinciae rector V 2 addit *participes: id est consiliarios*.³³³ Alio loco similem in modum Valentinianus et Valens, de magistratuum sociis et participibus locuti, addunt „*quaedam enim uniuscujusque portio assessor*“ neque Arcadius corporis sui partem comites consistorianos in l. 3 C. Th. ad legem Corn. de sicariis IX 14 appellare veretur.

Saepe etiam magistratui jurisprudentiam afferre eorumque juvare consilia dicuntur;³³⁵ magistratus assessoris juris scientiam necessariam sibi esse putant;³³⁶ Justinianus³³⁷ ipse his verbis depingit assessoris officium: *τοῖς μὲν γὰρ ὑμετέροις ἄρχουσι παρέωσι πάντως καὶ παρέδρου, τὰ ἐκ τῶν νόμων ἐξηγουόμενοι, καὶ τὰς ἀσχολίας ἀναπλη-*

³³⁰ Cujus assessor Hermesigenes fuerit, nescimus; attribuitur ei *μεγαλοπρέπεια*. — Tali modo ecclesiae patres per suppositos homines preces offerre et commendare amicos non dedignatos esse, docet Augustini Epistola CXV (Migne XXXIII 480).

³³¹ *Παρακαθήμενοι μὲν ἐν ταῖς δίκαις τοῖς δικάζουσιν, διελόμενοι τὰ ὅσα, σφῶν δ' ἀντιῶν μᾶλλον ἢ τῶν συνδίκων ἀναγκάζοντες ἀρχοῦσθαι καὶ τῶν μὲν οὕτως ὡς ἀντόν, τῶν δ' ἐκείνος ἔλκων, ὃ δίκαιον μὲν ἔστιν, ἰδεῖν οὐκ ἐδόντες*. Lib. καὶ αὐτῶν εἰσιόντων R. III 74, 75.

³³² Ep. V 568.

³³³ Recte Tribonianum principum verba interpretatum esse docet l. 1 C. Th. si prov. rect. III 6 comparata cum l. 6 C. Th. de iis quae admin. VIII 15.

³³⁴ l. 5 C. Th. de iis quae admin. VIII 15.

³³⁵ l. un. C. Th. de comit. qui illustr. VI 15.

³³⁶ l. 1 C. J. de assess. I 51.

³³⁷ Nov. 82 praefatio.

ροῦντες τὰς ἀντιῶν, ἐπειδὴ περ πολλαῖς περιεχόμενοι φροντίσιν, ἅς ὑφ' ἑμῖν ἔχουσιν, εἰκότως τὸ δικαστικὸν ἀναπληροῦσι μέρος τῇ τῶν οἰκείων παρορούσῃ παρεδρῶν.

Talem in modum paene semper generaliter definitur assessoris officium; nunc autem singulas officii partes, quatenus fieri potest, describamus.

Paulus in lege prima nostri tituli³³⁸ — Dig. I 22 de officio assessorum — haec habet:

Omne officium assessoris, quo juris studiosi partibus suis funguntur, in his fere causis constat: in cognitionibus, postulationibus, libellis, edictis, decretis, epistolis.

Quibus in causis ita constat assessoris officium, ut in illis adjuvet magistratum consiliumque ei et operam subministret; quod quo modo fiat et quatenus ea quae extant apud Paulum exemplis aliunde promptis et rationibus comprobentur, diligentius nunc inquirendum est.

Ac primo quidem loco Paulus ponit

1. Cognitiones.

(διαγνώσεις in Basilicis VI XXIV 7.)

Quod verbum late patet; cognitionum enim numerus — ut dicit Callistratus (l. I de cognitionibus) in l. 5 D. de extraord. cogn. l. 13 — quum ex variis causis descendat in genera dividi facile non potest. Continentur hoc verbo omnino omnes forensium negotiorum quaestiones causarumque examina, qualiscunque est rei, de qua agitur, natura, quicunque iudex vel magistratus, cui res submittitur.

In omnibus his cognitionibus, sive de civili sive de criminali agitur causa, assessoris auxilium requiritur, qui, quanam legibus exigantur, quanam igitur sint facienda, moneat magistratum cognoscentique subministret consilia. Huc pertinent ea, quae supra ex priscae consilii forma servata esse dixi, ipsius videlicet iudicii participationem. Et recte quidem primo loco Paulus ponit cognitiones; magnam enim et primam partem continent assessoris officii. Exemplis supra allatis addi potest Athanasius ille,³³⁹ magistratus assessor et Cypriani olim amicus, qui martyrum fidem contemnens seque non

³³⁸ De assessoribus scripti tituli Digestorum I 22, Codicis Theodosiani I 33 (ed. Haeneliana), Codicis Justin. I 51.

³³⁹ Eudoc. metaphras. in beat. Cyprian. martyr. (In Photii bibliotheca pg. 414.)

minus quam eos inviolatum fore putans praesente illo in ignem se proripit flammisque consumitur.

Deinde ita videntur succurrere magistratus cognitioni assessores, ut particulares eis mandentur examinationes eorumque, quae ad lites pertinent, praeparationes. Quod praesertim in criminalibus causis evenit, ubi magistratus rei commercium vitans interrogationem et processus instructionem assessori mandat. Assessor, nisi fallor, est medius ille inter interrogationem iudicis et rei responsum collocatus, de quo loquitur Joannes Chrysostomus.³⁴⁰ Sic per assessorem Libanium veneficii reum monet Limenius, ut Constantinopolim relinquat. Labentibus autem annis id usu venisse videtur, ut totum iudicium magistratus committerent assessoribus ita, ut non solum praepararent litem et instruerent et magistratum juvarent in cognoscendo, sed etiam ipsi cognoscerent et ferrent sententiam iudicisque ita sibi sumerent personam, id quod, positis magistratum, quorum sic vices agebant, nominibus, celare solebant.

Qua de causa Zeno videtur sanxisse,³⁴² ne unquam sine iudicibus assessores jus dicerent illorum nomina ponentes, neve litis contestatio apud eos fieret neve sententiam ipsi ferrent. Quam Zenonis legem tuetur Justinianus in capite altero novellae sexagesimae dicens, multo praestare, apud ipsos magistratus causas agi, qua re gravitatem servari, quam *ἐπερ χαμαιοδικασίαι τὰ τοιαῦτα κρίνοιν, οὐδὲν τῶν παρέδρων τῆς ἐκείνων διεστώτων τάξεως*.

Certe Zenonis constitutione et novella Justiniani conceditur magistratibus, ut cognoscendam causam permittant assessoribus ita, et ea tantum lege, ut litis contestatio fiat apud ipsum magistratum eique reservetur ultima cognitio et sententiae latio. Si quidem initium et finem processus imprimis gravitatem suam habere opus esse concedimus, redintegrata est Zenonis et Justiniani constitutionibus.

Assessoribus igitur licet sine magistratibus partes et testes audire, quae ad fidem rei controversae pertinent inspicere, omnino iudicium

³⁴⁰ De Lazaro IV 2. . . . ἐπὶ τῶν ἔξωθεν δικαστηρίων τοῦτων, ὅταν ὁμοί τινες ὑπερβῇσι λησιὰ καὶ ἀνδροφόροι, πόρῳ τῆς ὀψέως τοῦ δικάζοντος ἀποσύσαντες τοίτους οἱ νόμοι τῆς τοῦ κρίνοντος, οὐκ ἐπιτρέπουσιν ἀκοῦσαι φωνῆς κἄν τούτῳ μετὰ τῶν ἄλλων αὐτοὺς ἀτιμάζοντες, ἀλλὰ μέσος τις διακονεῖ ταῖς ἐρωτήσεσιν τοῦ δικάζοντος καὶ ταῖς ἀποκρίσεσιν τῶν δικαζομένων.

³⁴¹ περὶ τῆς ἐκτιοῦ τήχης. Reiske I 36.

³⁴² Nov. 60 c. II, l. 13 C. J. ht. I 51 ex eadem, nisi fallor, constitutione desumptae, quam de iudiciis pedaneis tulisse Zenonem tradit Justinianus in praefatione et capite primo novellae 82.

praeparare et omnibus, quae opus sint, instruere. Qua de causa is, qui, adesse jussus praesentiam suam manifestavit consiliario iudicis, adfuisse censendus est (nov. 119, c. IV, c. V = auth. ut spons. larg. ad l. 2 C. J. de temp. et repar. VII 63). Ita autem, ut definitivam sententiam ferre possit, assessor iudicis vices non agit; habet enim non iudicandi officium, sed adjuvandi iudicantem.³⁴³ Congrua cum nov. 60 ea sunt, quae constituuntur novella 82, quae magistratus vetat causas aliis atque definitis illa lege iudicibus pedaneis delegare, particularesque tantum examinationes assessori committi sinit.³⁴⁴

Quod autem Lydus de conceptione sententiae dicit, potius quam hic ibi tractabitur, ubi de concipiendis decretis loquimur.

Inveniuntur in novellae sexagesimae capite altero verba, quae dubitationi locum dare possunt. Dicit enim Justinianus, aptius et perfectius apud ipsos magistratus causas agi, ἡ εἴπερ χαμαιδικασταὶ τὰ τοιαῦτα κρίνουν, οὐδὲν τῶν παρεδρῶν τῆς ἐκείνων δικαστικῶν τᾶξεως; quibus verbis nihil mihi videtur dicere Justinianus, nisi hoc: assessore cognoscente eodem modo, quo pedaneo iudice cognoscente, rei demitur gravitas, uterque enim delegato, non proprio jure et facultate terrendi uti putandus est; — quibus legis verbis praesertim monet magistratus, ne, ubi iudices dare vetantur, delegare rem assessoribus licere putent; eandem enim in assessore et in iudice excludendo valere rationem.

Savinius in tomo primo libri, qui inscribitur „Geschichte des römischen Rechts im Mittelalter“³⁴⁵ contendit et argumentis docere conatur, sublato ordine iudiciorum privatorum assessorem iudicis locum cepisse; quod minus recte dictum esse videtur.

Illud vero non nego, Diocletiani constitutionem ad mutandam assessoris officii formam et naturam contulisse, originem autem ex illa lege assessuram duxisse non concedo vel ea de causa, quia jam ante Diocletianum assessores extitisse scimus. Praeterea assessor etiam ea de causa pro iudice esse non potest, quia assessorem iudicem dare minime licet. Ipsum iudicem cum assessore magis

³⁴³ οὐ γὰρ ἔχουσιν ὁμοίῳ τὸν δίκασιν, ἀλλὰ τὸν συμπονεῖν τῷ ἄρχοντι. Schol. 1 ad Inscript. tit. Basilic. VII 1. Conf. scholion 2 ... ὧν ἡ παρεδρία δηλοῖ τὸ μὴ ὁφείλειν ἐπ' αὐτῶν γίνεσθαι. (scil. ipsos iudicare).

³⁴⁴ Nov. 82 c. II. πλὴν εἰ μὴ τοῖς παρεδρῶν τοῖς ἐαυτοῦ παραδοίῃ τὰς κατὰ μέρος ἐξετάσεις, αὐτὸς τὴν ἐπερ τοῦ παντὸς κρίσιν ἐξοίσων.

³⁴⁵ Savigny I (1815), pg. 76—81.

quam antea, comparari posse, non negaverim, quia non jam de populo quasi prodit, sed ex iis qui circa magistratum sunt, praesertim advocatis, sumitur. Errat autem Savinius, qui de consistorio principum locutus pergit his verbis: „*Diese Einrichtung ging vom Hofe des Kaisers auf die Statthalter über, die daher gleichfalls ein Collegium von Assessoren um sich bildeten.*“ Hoc concedi non potest quia magistratus collegium assessorum non habuisse, sed singulorum assessorum perpetuo consilio contentos fuisse constat.

Illud autem verum est, mutato magistratus labore, assessoris quoque esse mutatum. Ubi enim, erepta iudicis dandi potestate, ipse cognoscere jubetur magistratus et fit re vera ordinarius iudex, crescit assessoris officium, qui, juvando in omnibus causis magistratum et particulares examinationes tractando, quamvis iudex non sit, tamen quodammodo iudicis personam sibi sumere videtur.

A. S. Schultze in libro, qui inscribitur „*Privatrecht und Prozess in ihrer Wechselbeziehung*“ (Tübingen 1883) scripsit,³⁴⁶ Hadriani edictum perpetuum Diocletiani celeberrimam constitutionem provocasse; pugnare enim inter se edicti rationem et manentem ordinem iudiciorum privatorum neque, cur tantum temporis spatium inter Hadriani et Diocletiani ordinationes interesset, explicari posse. Assessura nostra quae eidem, cui edictum, aetati debetur, quamvis unam et eandem esse utriusque originem et rationem vix dici possit, tamen suo loco ad praeparandam Diocletiani constitutionem contulit. Magistratus enim perpetuum nactus consiliarium, facilius, quam antea, novum laborem ferre potest neque scio, an ipse Hadrianus, tali modo magistratum fulciendo et firmando, populum, quem ex templo ex iurisdictione ejicere et verebatur et sine invidia nequibat, sensim et paulatim remove et dimittere constituerit.

Secundo loco Paulus ponit

2. Postulationes.

(ἐντυχία appellantur in Basilicis.)

Certe non ipsi postulant assessores, id enim numquam in eorum officiis fuit, sed postulationes ad partium postulationes tantum possunt referri; assessoris enim est videre ut secundum ordinem postuletur; prohibere igitur debet, ne quis contra edictum postulet³⁴⁷ neve post

³⁴⁶ I 332—384: Die Privatrechts-Codification und die dadurch bedingte Umgestaltung des Civilprozesses.

³⁴⁷ Tit. Dig. III 1.

legitimum tempus,³⁴⁸ aut alio atque legibus statuto loco quidquam petatur.³⁴⁹

Tum autem omnino cognitiones postulationibus ita videntur opponi, ut cognitiones ad criminales, postulationes potius ad civiles causas sint referendae.

Facile offenderit aliquem, de *partium* postulationibus loqui Paulum, cum de cognitionibus decretis rel. *magistratus* loquatur. Sed Ulpianus quoque in l. 2 § 2 D. quis ordo in bonor. possess. XXXVIII 15 magistratui cognitionibus occupato opponit magistratum postulationibus se dantem; ita ut verborum apud Paulum conjunctio tolerari possit.

Est igitur haec quoque officii pars talis, quae juris scientiam assessoris expetat, et eadem fere dicenda sunt, quae de cognitionibus diximus.

Fortasse Paulus etiam de ipsius actionis seu formulae postulatione cogitat, cum in postulationibus constare officium assessoris dicit. Certe enim eximia ibi opus est legum doctrina assessoris, qui ut det aut deneget actionem suadet magistratui. Bremerus³⁵⁰ Tribonianum, quae de tali officii parte Paulus dixisset, omisisse putat; non fallitur vir doctus, nisi postulationum nomine illa contineri credas, quod eo facilius fieri potest, quia *postulari* actio dicatur.

Tertio loco numerantur

3. Libelli.

Hac voce designari videtur officium assessoris et magistratus, quod in respondendo libellis constat. Saepe enim non solum principi, sed etiam magistratibus libelli offeruntur interrogationes, quae-relas, preces continentes, quibus subscribendo respondere solent, quod, nisi causae cognitio petitur, leges non vetant.³⁵¹ Sine dubio Paulus de eis praesertim rebus cogitavit, quae libellis non solum deferuntur ad magistratum, sed etiam deciduntur expediunturque; in his igitur causis libelli subscriptione res ad finem deducitur. Itaque assessoris

³⁴⁸ l. 2 § 2 D. quis ordo in possess. XXXVIII 15.

³⁴⁹ l. un. C. J. ubi de her. ag. III 20.

³⁵⁰ Rechtslehrer und Rechtsschulen, pg. 39 n. 124: *Es kann keinem Zweifel unterliegen, dass der Verfasser auch von der conceptio formularum gesprochen hat und diese Worte von den Compilatoren gestrichen worden sind.*

³⁵¹ l. 9 § 1 D. de off. proc. I 16. l. 2 C. J. quemadm. testam. aper. VI 32 (*adire vel pro tribunali vel per libellum rectorem provinciae*). l. 5 C. J. commination. epistol. auctor. rei jud. non habere VII 57.

consilium magistratus in responso dando requisisse videtur. Facile illud quoque cognosci potest, magistratum, cum leviores tantum vel saltem certiores causae tali modo possent expediri, libenter assessori subscriptionem permisisse, quod ne diutius fieret, sanxit Constantinus in lege 2 C. J. de ass. I 51.

Pancirolus³⁵² putat, eam ob causam deesse in praesidium officiis eum, qui a libellis vocatur; errat vir doctus; minime enim idem assessor et a libellis appellatur, neque omnino assessor, ut infra cognoscemus, officii pars est. Praeterea non ita videtur interpretanda esse Constantini lex, ut, quod praesides vetantur facere, liceat ceteris magistratibus, quorum in officiis a libellis invenitur.

Quaeri autem potest, nonne etiam de ceteris causis, quae libellis quidem deferuntur, deciduntur autem decreto vel alio quo modo, cogitaverit Paulus, velut de libellis accusatoriis³⁵³ et appellatoriis et excusationis tutoris.³⁵⁴ Et potest res ita se habere,³⁵⁵ sed potius ad decreta haec meo quidem iudicio pertineant. Tribonianus autem, Pauli fragmentum recipiens, haud scio an etiam de libello, quo fundamentum processus civilis ejus aetate continetur, cogitaverit; magistratus enim libello ab actore oblato non solum cum assessore consilium communicat utrum accipiendus sit libellus et reo insinuandus, an actor summovendus, sed totius processus civilis instructio libello et antibiblo designatur.

Certe haec omnia num aut Paulus aut Tribonianus libellorum appellatione comprehendere voluerit, dubitari potest; mea quidem sententia de rebus cogitat, quae ipso libello expediuntur. In quibus, cum ipse magistratus lege illa Constantini subscribere jubetur, quaeri potest, numquid praeter consilium responsuro datum assessori curae fuerit, praesertim, utrum ipse quodammodo scriptum signaverit, necne. Ex iis, quae aliunde scimus, tale quid in usu fuisse collegerim, loquitur enim Justinianus de consiliarii signo in l. 14 § 2 C. J. de assess. I 51. Fortasse assessor, antequam subscriberet magistratus, vel antequam libellus ad expediendum officio daretur, signum ali-

³⁵² Notit. dign. comment. passim, exempli causa cito pg. 180, pg. 185.

³⁵³ De accusatoriorum libellorum conceptione ipse Paulus loquitur in l. 3 D. de accusat. et inscript. XLVIII 2, si revera magistratus, non accusatoris libellum intellegit (conf. Zumpt, Criminalprozess der römischen Republik, pg. 147).

³⁵⁴ Praesertim Vat. fragm. 166. Ad legem 25 D. de excus. XXVII 1 conf. Baron, Abhdlg. a. d. röm. Civilprozess: III. der Denuntiationsprozess, pg. 11.

³⁵⁵ Huc pertinet quintum caput novellae 119, secundum quam non solum praefectis, sed etiam eorum assessoribus libellos appellatorios offerre licet.

quod apposuit.³⁵⁶ In gravioribus causis haud scio an ipse assessor responsum scripserit, subscribendum autem magistratui tradiderit. Ad talem assessoris operam spectat, nisi fallor, id quod in capite quarto novellae 134 extat. Loquitur enim Justinianus de magistratibus criminis vindictam gratia remittentibus: magistratum ipsum relegandum esse dicit similique poena afficiendum assessorem, ἐὰν τοῖς γινόμενοις παρὰ τοῦ ἀρχόντος ὑπεραντίον τῶν νόμων ἐγγράφως συνανέσθῃ. De responso libellis dando Justinianum cogitare, facile putaverim.

Quarto loco Paulus ponit

4. Edicta.

Primum quidem meminimus magistratus cum ipsos edixisse, tum constitutiones a principibus sibi missas propositis edictis promulgasse, ita ut in omnium notitiam pervenirent;³⁵⁷ plures igitur, de ejusdem principis voluntate provincias certiores facere jussi, eidem rei varias formas dantes in arte oratoria exercere se poterant; quibus in edictis componendis haud parvam operam certe assessores ponere solebant. Sed etiam de edictis, quae sua sponte magistratus in publico proponit, cogitandum est.

Nequaquam autem in componendis tantum edictis puto assessorem magistratui praesto fuisse; sine dubio enim etiam, quotiens opus erat, monebat illum, ut edictum proponeret, et quo modo id fieri deberet, docebat; quo pertinent et alia et illa edicta, quae evocationes continent. Conf. l. 11 pr. C. J. de omni agro des. XI 59 (58), ll. 68—73 D. de judiciis et ubi ag. V 1, l. 6 D. ubi pup. XXVII 2, l. 1 § 2 D. de req. vel abs. damn. XLVIII 17. — Contineri revera etiam illa edicti Pauli verbis, ipse docet, nisi fallor, in l. 55 D. de jud. V 1:

Paulus libro singulari de officio assessorum: *Edictum, quod ab antecessore datum est, in numero trium edictorum*³⁵⁸ connumerari

³⁵⁶ l. 14 § 2 l. c. . . verba: *Si non consilarii signum, quod solitum est, chartis imponat, sed alias quasdam literas excogitatas assimilaverit.*

³⁵⁷ Conferendae praesertim novellae Theodosii et Valentiniani, quarum in fine semper inveniuntur talia: *Illustris itaque et magnifica auctoritas tua providentissime constituta edictis propositis ad omnes provincias perferri praecipiat.* (Nov. Theod. IX Florentio Pf. P. Orientis.)

³⁵⁸ De tribus edictis ipse Paulus in sent. rec. V 5a, 7. Baron, Abhdlg. a. d. röm. Civilprozess: III. Der Denuntiationsprozess, pg. 49 seq. — Kipp, Die Litisdenuntiation als Prozesseinleitungsform im röm. Civilprozess, pg. 120. — Wieding, justin. Libellprozess, pg. 320 seq.

debet; plane, licet omnis ab antecessore numerus finitus sit, solet successor unum edictum dare.

In edictis componendis non tantum rerum et juris cognitio, sed etiam linguae nitor et elegantia saepe expetitur, praesertim in praefectorum consiliariis, qui, ut supra dixi, ad provinciarum rectores imperatoriae majestatis voluntatem deferre jubebantur.³⁵⁹ Merito igitur laudatur eorum facundia apud Cassiodorum his verbis:

Consiliarii praefectorum conscientia clari, dictatione praecipui, qui in illo actu amplissimae praefecturae sic videntur exercere facundiam, ut ad utilitates publicas expediendas alteram credas esse quaesturam. (Var. VI 12.)

Qua de causa magistratus ipse in eligendis consiliariis non tantum juris scientiam sed etiam eloquentiam spectat; sic Anatolius³⁶⁰ virum sagacem, disertum (*ῥητορικόν*), laboris patientem, amandi gnarum, dicendi peritum, tacere scientem assessorem sibi quaerit et reprehenditur a Libanio³⁶¹ Hermeas ut in tantis studiis eloquentiam nondum adeptus. Assessor concipit, pronuntiat magistratus neque raro igitur ore magistratus assessor loqui dicitur.³⁶²

Quinto loco numerantur

5. Decreta,

de quibus similia atque de edictis dicenda sunt. Certe enim causa cognita in decreto dando, ubi haud levis legum notitia verborumque subtilitas opus est,³⁶³ magistratus consulebat assessorem utrum decretum esset interponendum necne, quaeque forma ei esset danda. Cogitare licet de decreto orationis Severi, de cautione damni infecti, de decretali bonorum possessione, de in integrum restitutione, de beneficio separationis, de tutoris datione.

Deinde ipsa iudicii participatio aliquatenus huc pertinet, quam supra cognitionibus vindicavimus; sequitur enim causae cognitionem decretum. Assessor non solum quid, sed etiam quo modo

³⁵⁹ Certe non omnium semper provinciarum; sic in novella XVIII Valentinianus Albino praefecto imperat, ut duas provincias, Numidiam et Mauretaniam Sitifensem, imperatoriae voluntatis propositis edictis commonefaciat.

³⁶⁰ Liban. ep. 351.

³⁶¹ Liban. orat. πρὸς Εὐμόλιον. Reiske II 367.

³⁶² Conferas velim ea, quae in parte speciali de principis consilio et quaestura dicentur.

³⁶³ Conf. l. 5 §§ 9 seq. l. 7 D. de reb. eor. qui sub tut. XXVII §. 1. 15 § 22 D. de damn. inf. et suggrund. XXXIX 2.

pronuntiari oporteat, docet magistratum. Testis Laurentius Lydus,³⁶⁴ qui consiliarios concipere sententiam et per cancellarios offerre magistratui subscribendam tradit.

Sic Valentinianus, Valens, Gratianus imperatores in lege 2 C. J. de sent. ex peric. recit. VII 44 iudices monent, *ne subitas, sed deliberatione habita post negotium sententias ponderatas sibi ante forment, et emendatas statim in libellum secuta fidelitate conferant, scriptasque ex libello partibus legant*. Huc etiam illud referendum est quod saepius invenitur: *magistratus ex tabella recitavit*. Sic in actis proconsularibus Cypriani Galerius Maximus, collocutus cum consilio, ex tabella recitat decretum;³⁶⁵ in actis SS. Agapes et Chioniae praeses Dulcetius scriptam legit sententiam:³⁶⁶ in inscriptione CIL II 4125 Rufus legatus c(um) c(onsilio) c(ollocutus) decretum ex tilia recitat. Videtur igitur iudex non solum de ipsa sententia, sed etiam de sententiae forma assessorem consulere. Interdum praesente magistratu decretum recitare videtur.³⁶⁷

Plura dicenda sunt de

6. Epistolis.

Quas sexto loco ponit Paulus, non quod praecipuam partem officii assessoris occupent, sed quia viri docti de epistolarum natura minime consentiunt.

Ac primum quidem, quid rectum mihi esse videatur, paucis verbis exponam; meo quidem iudicio ne hic quidem de assessoris, sed de magistratus epistolis loquitur Paulus. Epistolarum appellatione non solum responsa videntur comprehendi, quae precantibus et consulentibus dantur,³⁶⁸ sed etiam litterae quas sua sponte emittit magistratus.

³⁶⁴ Conf. not. 310.

³⁶⁵ Ruin. act. mart. sinc. pg. 217.

³⁶⁶ Ruin. act. mart. sinc. pg. 392 seq. Conferendae sunt etiam passiones S. Maximiliani (Ruin. l. c. pg. 300 seq.) et martyrum Scillitanorum (ibid. pg. 89). Saepius etiam per exceptorem sententiam dicunt magistratus, ita scilicet ut scripta sententia recitetur ab illo (Ruin. l. c. pg. 87, 150). l. 2 C. J. de sent. et per. VII 44 magistratus ipsos legere sententias jubet exceptis praefectis ceterisque illustribus.

³⁶⁷ Conf. n. 366. In fine enim legis 2 C. J. h. t. VII 44 permittitur praefectis definitivas sententias recitare per officium suum et eos, *qui ministerium suum eis accommodant*; quibus verbis haud scio an consiliarium officio opponere imperatores voluerint. Assessor enim pars officii non est (Infra ad n. 388 seq.).

³⁶⁸ Conferri possunt ea, quae ad magistrum scrinii epistolarum spectare dicuntur notitiae dignitatum; notit. Occ. XVII 12 habet: „*magister epistolarum legationes civitatum et consultationes et preces tractat.*“

Recte Donellus monet intellegi epistolarum nomine posse etiam illas, quas praesides ad alterius provinciae moderatores mittebant, si forte aliquae res incidissent, de quibus eos rogare sententiam et auxilium oporteret, ut testium examinationes vel si reus in alterius provinciam transfugisset ut eum remitteret,³⁶⁹ similia; etiam de litteris dimissoriis cogitare Paulus potuit, quae tamen libellis appellatoriis admissis scribi solebant, ita ut quae supra de Constantini lege diximus hic quoque valuisse putem. In ceteris epistolis, utrum ipse assessor scripserit an scribenti consilium tantum suggesserit, quaeri potest; et eum scripsisse equidem puto;³⁷⁰ nulla enim lege prohiberi videtur. Recte igitur mea quidem sententia Bethmannus edicta, decreta, epistolas comprehendens dicit: *Sie hatten also Secretariatsgeschäfte.*

Ea autem quae dixi adeo non omnibus probata sunt, ut longe aliam fuisse epistolarum naturam contenderit Bremerus.³⁷¹ Ille enim epistolis assessorem respondere interrogationibus et consultationibus a partibus ipsi, non magistratui factis dicit, ita scilicet, ut, quatenam sit actio eligenda, quaerenti indicet. Errare mihi videtur Bremerus tribus ex causis:

1. Ac primum quidem semper de magistratus officio, cui adest assessor, non de assessoris officio Paulus dicit.

2. Deinde recte monet Herbertus Pernicius,³⁷² vetari assessorem negotia tractare in suum quidem auditorium; certe autem contra legis rationem offendit, qui partibus subministrat consilia, qua in re postea, si minus ipse cognoscit, attamen adjuvat cognoscentem iudicem, qui licet jure non obstringatur, tamen assessoris consilium sequi solet. Ac concedendum est, repugnare tale assessoris quasi praejudicium legibus illis, quae eundem in eodem negotio vetant³⁷³ defensorem et quaesitorem esse. Tales igitur epistolas assessor emittere *vetatur*; quid quod ad officium assessoris eas pertinere dicit Bremerus?

3. Tum qui Bremerus sequitur, etiam illud contendat necesse est, libros epistolarum Labeonis, Proculi, Celsi, Javoleni, Neratii,

³⁶⁹ Conf. Marcianum in lege 1 § 2 D. de requir. vel absent. damn. XLVIII 17.

³⁷⁰ Huc pertinet verbum *ἐγγράφως*, quod supra habuimus (nov. 134, c. IV), nisi ad libellos referre mavis.

³⁷¹ Rechtslehrer und Rechtsschulen, pg. 42.

³⁷² Miscellanea zu Rechtsgeschichte und Texteskritik I pg. 23, n. 3.

³⁷³ l. 5 C. Th. de postul. II 10, extat paulum mutata in lege 6 pr. C. J. de post. II 6.

Pomponii, Africani, ex quibus extant excerpta in Digestis, tales epistolae continere, quales intellegere Paulum in l. 1 D. de off. ass. I 22 putat Bremerus; assessores enim omnes fuisse celebres illos jureconsultos colligit.³⁷⁴ Minime autem hoc concedi potest, quia major pars eorum ante Trajanum aut Trajani quidem aetate vixerunt; illis autem temporibus assessores nondum extitisse neque veteris consilii formam tale consiliiarii praejudicium tolerasse constat.

Quaenam autem vera sit librorum epistolarum natura, quoque differant inter se responsa et epistolae, explorare longum est. Conf. Pernic. n. 4 pg. 24—27.

Itaque cognitionibus, postulationibus, libellis, edictis, decretis, epistolis contineri assessoris officium Paulus dicit; idem sensisse Justinianus putandus est quippe qui Pauli fragmentum in Digesta receperit. Nunc autem quaenam de officio assessoris apud ceteros dicantur inquirendum et certi quidam errores removendi sunt.

Ac primum quidem statuendum est, extra codices, digesta, novellas perpauca tantum de officio assessoris extare apud veteres auctores, quorum alii de cognitionibus et iudicii societate tantum scribunt,³⁷⁵ alii generatim et summatim rem exponentes participes, adiutores, asseclas, socios vocant assessores.³⁷⁶ Inde duplex error ortus est, quorum alterum, quo eodem loco ponuntur assessores et consilium,³⁷⁷ supra sustuli, altero autem ex vulgari descriptione incertum et arbitrarium assessori tribuitur officium.

Dicendum igitur nobis de iis locis ubi alia atque apud Paulum videntur proferri et agendum de sententiis quibusdam virorum doctorum quae nostra aetate et nuper promptae sunt.

1. Ac primum quidem negandum est magistratum vices agere assessores dici posse.

Haud enim latius patet assessoris potestas, quam quo usque a magistratu secundum leges ei commissa est. Qua de causa ma-

³⁷⁴ Cujus rei unum exemplum affero. Dicit in pg. 47 ... *Labeo... fungirte, wie seine epistolarum libri beweisen, auch als Beisitzer.*

³⁷⁵ Huc et alia et acta martyrum pertinent.

³⁷⁶ De his conferenda quae extant infra pg. 96 seq.

³⁷⁷ Conf. etiam Geib.: *Was die Magistrate oder jedenfalls die Mehrheit derselben bedurfte, war Rechtsbelehrung, und eben diese Belehrung sollten sie von den Assessoren erhalten, deren ganzes Geschäft nun bloss darin bestand, in jedem einzelnen Falle ihre gutachtliche Meinung abzugeben.* (Geschichte des röm. Crim.-Proz. pg. 447.)

gistratu absente vel subito defuncto minime, quasi jus suum exercens et officio fungens assessor magistratus partes subire potest. Talia assessori non licere cum ex legum de assessoribus lataram ratione, tum e veteris martyrii relatione cognoscitur. Passio enim Mammarii,³⁷⁸ martyris in Africa passi, refert, Anulinum de sanctis judicantem a volucris subito comesum esse; tunc assessorem ejus sanctos in carcerem trudi jussisse, et gesta eorum imperatoribus intimasse, quod essent Christiani neque religionem illorum colerent; imperatores autem Maximianum proconsulem misisse. Assessor igitur minime iudicium, quod Anulinus instituit, ad finem perducit, sed ea tantum facit, quae ad retinendos poenae reos sunt necessaria; quod eum facere minime mirum, quia primus est post ipsum magistratum. Sive igitur vera, sive falsa refert passio Mammarii, certe assessor fecit quod faciendum ei erat, neque ipsi de martyribus cognoscere licuit.

Non eandem sed majorem fuisse assessoris auctoritatem Cassiodori aetate contendit Gustavus Humbertus³⁷⁹ his verbis:

Cassiodore nous montre les assesseurs remplaçant, sans doute par un abus, le magistrat lui-même en son absence, tandis que les constitutions du code et les nouvelles de Justinien proscrivent absolument cette délégation en ne laissant aux assesseurs qu'une mission de conseil et d'instruction.

Testem esse dicit formulam comitivae consistorianae,³⁸⁰ quam laudans etiam Reinius³⁸¹ assessoribus magistratum vices agere licuisse contendit.

Spectat uterque, nisi fallor, Cassiodori verba, quae supra laudavimus,³⁸² *consilarii quoque praefectorum conscientia clari, dictatione praecipui et rel.*

Quae Cassiodori verba quod docere dicuntur, minime docere possunt; *dictare* enim non idem est atque *edicere*; dictant consilarii, quod suo nomine ipse magistratus est edicturus, componunt et concipiunt edicta et decreta, unde eorum facundiam orationisque elegantiam persaepe celebrari supra legimus. Eodem pertinet, quod Cassiodorus ipse de suo assessore pronuntiat in praefatione libri un-

³⁷⁸ Extat in Mabillonii veteribus analectis Parisiis MDCXXIII pg. 178—180.

³⁷⁹ In „Dictionnaire des antiquités grecques et Romaines par Daremberg et Saglio“ I 474, 475 vox „assessor“.

³⁸⁰ Var. VI 12.

³⁸¹ Pauly, Realencyclopädie s. v. „assessor“.

³⁸² Conf. ad not. 359.

decimi; dicit enim, quod pauca in praefecturae culmine dictavisset, praesumptione Felicis factum esse, illius enim consilio semper se usum esse. Felix eodem loco eloquens fuisse et publicas necessitates eleganter implevisse traditur. Verbis illis hoc dicere mihi videtur Cassiodorus, multa in praefectura se edixisse, nonnulla autem Felicem composuisse, neque illa duobus libris se inseruisse — scilicet, ne aliena luce resplenderet — sed ea tantum, quae ipse dictasset.³⁸³ Majore jure Opilionis assessuram contra usum fuisse videri Reinus et Humbertus contendere potuerunt; ille enim fratre, cui assidebat, absente, iudicis partes agebat³⁸⁴ et „*futurorum quodam urgente praesagio*,³⁸⁵ *quod a nobis accipere poterat, meritorum assumptione peragebat.*“ Sed in tali assessura etiam illud respiciendum est, de industria Cassiodorum Athalarici ore loquentem tollere et augere Opilionis ad novum honorem promovendi labores, rerum usum, merita.³⁸⁶

Magnam autem difficultatem praebere videtur quartus Cassiodori locus, de quo fieri non potest quin diligentius disseramus.

In praetoriana praefectura collocatus Cassiodorus et aliis epistolas, quas dicit, misit et „*Ambrosio cuidam viro illustri agenti vices*“. Sunt libri undecimi quarta, quinta, duodecimi vicesima quinta.

De Ambrosio et similibus hominibus haec suspicatur Mommsenus;³⁸⁷ praefectum praetorio et magistrum officiorum, ex quo tempore relicta sacra urbe Ravennae residere coepissent, vices agentes singulos Romae habuisse; Cassiodorum Ambrosium vices agentem sibi elegisse; quod recte Mommsenum dicere non solum magna vices agentis dignitas — illustris enim est — sed etiam illud demonstrare videtur, quod non praefectorum sed praefecti vices agere dicitur; qua re differt a vicario.

Quae cum recte disputari videantur a Mommseno, tamen facile materiam offerre possunt dubitationibus, quas dissipari oportet. Extant enim in prima epistolarum Ambrosio datarum haec:

³⁸³ L. c. *Duos itaque libellos dictationum mearum de praefecturae actione subjunxi, ut, qui decem libris ore regio sum locutus, ex persona propria non haberet incognitus.*

³⁸⁴ Var. VIII 16: „*nam militiae ordinem sub fraterna laude didicisti; cui mutuo connexus affectu, implebas laboris socium et consiliorum participatione germanum, ad te potius pertinere dijudicans, quod frater acceperat. — Quod si amoeni recessus et provinciale otium forte libuissent, ad te catervae causantium et auxilia currebant rota laesorum.*“ De Opilione plura in parte speciali dicentur.

³⁸⁵ Postea enim ipse ad fratris dignitatem promovetur Opilio.

³⁸⁶ Saepius tali modo laudando Cassiodorum in majus rem extollere constat. Conf. Mommsenum (in libro, de quo dixi in n. 305) pg. 459.

³⁸⁷ Mommsenus l. c. pg. 463.

...nam si in advocationis studio justitiae claritate fulsistis, quid nunc propecti ad consilia nostra facietis? Crescit enim in illo meritum, cui majus datur officium, quando jam habendus est in iudicum partem, qui meruit aulicis dignitatibus assidere. Ornentur ergo subsellia, cujus ore fora tonuerunt. Absens adhaere nostro lateri — consilium quippe tantae sedis ingens est proculdubio fama meritorum.

Ex his verbis facile quis collegerit, et Cassiodori assessorem Ambrosium fuisse et assessoris partes subeuntem absentis vices egisse. At non tantum ea, quae modo de assessoribus diximus et magna Ambrosii dignitas impedit, quominus assessorem fuisse Ambrosium credamus, sed etiam ipsius Cassiodori epistolae, quae aliter rem se habere demonstrant.

Ac primum quidem Cassiodorus quo tempore duodecimi et undecimi librorum epistolas composuit, assessorem se Felicem habuisse, tradit in praefatione libri undecimi.

Quod autem ad verba „qui meruit aulicis dignitatibus assidere“ attinet, cum assessoris officio officium Ambrosii conferre videtur; Ambrosius quasi absentis assessor absenti non tam consilia quam facta praestat.

Mihi quidem aliud magis placuerit; haud enim scio an antea Cassiodori assessor fuerit Ambrosius et huc spectent verba *nunc absens adhaere nostro lateri pleniorum inde laudem sumpturus, quia integrum tibi reputabitur, quod bene ordinaveris solus...* Praesenti enim sola verba praestares, nunc autem potius debentur facta absenti.

Haud nescio, initium epistolae videri indicare, Ambrosium ex advocatione statim ad talem vicariatum propectum esse. Quod per se fieri potest, verisimile autem non est, neque, si advocatus tantum fuit, curae et gloriae praefecti particeps fuisse dici merito potest.

Utut autem res se habet, epistola illa Cassiodorus vices agentem cum assessore confert et probabile est, ejusdem Ambrosii antea assessura functi virtutes cum cognovisse. Tum autem quo tempore Cassiodori vices egit Romae, assessor Ambrosius non fuit.

2. Assessor non est pars officii.

Id quod duabus rebus facile potest probari; assessor enim neque in notitia dignitatum apparet et semper in ceteris notitiis officio vel cohorti opponitur. Praeterea etiam assessurae historia demonstrat, non

ex apparitore quodam aut officiali, sed ex prisco consilio originem assessorem ducere. Neque multa assessori et officiali communia. Illud quidem non nego, ubi officium, ibi et assessorem, ubi assessor, ibi et officium paene semper inveniri,³⁸⁸ neque me fugit, assessorem interdum adiutorem appellari, adiutorem autem otiam in officio esse. Technico autem sensu, ut ita dicam, nunquam assessor adiutor vocatur neque, si illud ei nomen datur, maiore jure fit, quam in legati persona;³⁸⁹ rursus iu adiutore notitia dignitatum minime assessorem habet; obstant enim cum alia tum illud, quod non primo loco sed medio ponitur adiutor, assessor autem proximus magistratui ponendus fuit, cum constet, jam multo ante notitiae tempora proximum eum fuisse.³⁹⁰

Assessoris non fit mentio in notitia dignitatum, quia neque eis, qui in officio, neque eis, qui sub dispositione sunt, adnumerari potest. Aliam quaestionem nuper movit Mommsenus,³⁹¹ quae necessario hic tractanda est.

Deest enim in notitiis Africanis, quas vicesimus septimus primi libri codicis continet titulus, princeps officii, qui alias semper exstat; ante officium autem ponitur assessor. Inde assessorem apud civiles quidem magistratus (de militaribus infra disputabitur) Justiniani aetate principem officii factum esse collegit Mommsenus.

Quod quidem vir ille doctissimus, quae profert, fulcire conatur eo,³⁹² quod apud Cassiodorum non reperiatur principis laudatio, laudato in praefatione consiliario, nihil probare mihi videtur. Nam quia non ipse sibi eligit principem praefectus, sed deputatum accipit e schola agentium in rebus, non commemorari eum, minus mirum est. Atque ne illud quidem dici potest, principem officii nusquam inveniri in undecimo et duodecimo Cassiodori libris; fit enim ejus mentio XI 35, ubi et landatur et qua de causa principis nomen habere merent exponitur.

Deinde autem si Mommsenum sequaris, necesse est, quae de principe o schola agentium in rebus deputato dicuntur (conf. Cassiod. Var.

³⁸⁸ Quaestorem sacri palatii, qui secundum notitias (Or. XII 6, Occ. X 6) proprium officium non habet, ne assessorem quidem habere in speciali parte docebimus.

³⁸⁹ Legatum *βοηθός* appellari interdum supra legimus.

³⁹⁰ Praeter notitiam dignitatum ad haec omnia conferendae sunt novellae, de quibus diximus in initio paragraphi quartae et tit. C. J. I 27.

³⁹¹ In paginis 476—478 libri, de quo dixi in n. 386.

³⁹² Ibid. pg. 477: *Dafür spricht weiter, dass nirgend sonst in den beiden letzten Büchern Cassiodors dieser princeps hervortritt.*

VI 6), referas etiam ad consiliarium; quo fit, ut non ipse sibi eligere, sed accipere assessorem magistratus videatur. Hoc autem eis, quae aliunde de assessorum electione comperta habemus, repugnat neque ipsius Justiniani verbis,³⁹² si ejus demum aetate illa usu venisse credas, consentaneum est.

Tamen haud scio an recte se habeat quod suspicatur Mommsenus.

Certe novella Justiniani difficultates praebere videtur, sed non tantae sunt, quantas eas esse primo aspectu putaveris. Qui enim principem ex suo officio sumit neque deputatum accipit, eundem consilarii loco habere potest; is autem, qui praefecturam vel aliam dignitatem illustrem tenet, principem e schola agentium in rebus deputatum, qui e schola discedere et ad magistratum cui attribuitur pertinere videatur, consiliarium habere et expellere non prohibetur. Difficultatem igitur ei tantum praebent, qui principem accipiunt e schola eum, qui scholae pars esse non desinat; certe enim talis magistratus principem officii — eundemque assessorem, si Mommsenum sequimur — quem aliunde accipit, quique alterius jussionibus obsecundare pergit, ex proprio jure expellere nequit. Oportet igitur, nisi fallor, talem magistratum agere eum praeposito scholae, id est eum magistro officiorum, de dando, retinendo, remittendo principe officii.

Deinde autem, ut Mommsenum sequar, praeter ea, quae ipse affert, duae res me movent, quao fugisse virum doctissimum videntur.

1. Jam ante Justinianum³⁹⁴ principem officii et assessorem eundem fuisse haud scio an doceat locus interpretationis legis Romanae Visigothorum, quam anno 506 p. Chr. n. deberi communis fort opinio.³⁹⁵ Habet enim interpretatio legis 6 C. Th. de jurisd. II 1, cum in ipsa lege principes loquantur de **primoribus officiis**: „**qui consiliis suis adhaerent**,“ quae verba alibi assessorem designare solent. Sic in l. 2 C. Th. de assessor. I 35 lex ipsa „**assessores**“ habet, interpretatio autem „**qui cujuscunque judicis consilio adhaeserit**“ . . . Quae verba, quamvis primorum appellatione etiam alii atquo princeps

³⁹² Praesertim eis, quae de expellendo et assumendo assessore dicit in novella XVII. De principum diversa natura Mommsenus l. c.

³⁹⁴ Mommsenus l. c. 478: *Es ist dafür schwer eine andere Erklärung denkbar, als dass unter Justinian beide Stellungen zusammen gefallen sind. Ex his autem, quae de domestico et ducis Danielis inscriptione dicit paulo infra, etiam Mommsenus jam ante Justinianum mutationem factam esse, haud scio an concedat.*

³⁹⁵ Haenelii praefatio legis Romanae Visigoth. pg. VI n. 7.

officii contineantur, tamen huic loco et Mommseni conjecturae vindicari facile possunt.

2. Tum ad fulciendam Mommseni conjecturam afferri potest etiam illud, principatum officii jamdudum fuisse honorem sine onere⁸⁹⁶ neque igitur causam defuisse, cur Justinianus cum assessura principatum jungeret. Eadem de causa cornicularium quoque labentibus saeculis esse desiisse recte suspicatur Kruegerus; rursus cum cornicularius et princeps primorum appellatione comprehendi soleant, recte primorum loco Visigothica interpretatio assessorem posuisse videtur.

Quae cum ita sint, Mommseni conjecturam sequor.

3. Assessor primus est eorum qui extra officium sunt.

Testes non solum notitiae, quae etiam ceteros, qui extra officium sunt, commemorant; ibi enim primo semper loco ante illos ponitur assessor ejusque salarium.⁸⁹⁷ Et recte quidem; assessorem enim ipse sibi quisque sumit, cancellarium autem et domesticum, qui et ipsi extra officium sunt, neque secum ducere neque profectum ad se aliunde suscipere potest, sed electos a primatibus officii accipit.⁸⁹⁸

Assessor deinde etiam eam ob rem primo ponitur loco, quia est revera adjutor *καὶ ἑξοχῇ* magistratus, cui assidet. Non earum enim tantum curarum particeps est, de quibus Paulum secuti supra diximus, sed omnino omnium; nam illi arcana imperii mandantur, illi gravia negotia committuntur, illius commercium requirit magistratus post laborum angustias, ad illius solatium recurrit, non solum, ubi summa doctrina, sed etiam ubi incorrupta fides postulatur. Sic Frontinus Hymetium, Africae proconsulem, cui assidet, in concipienda privata precatione adjuvat,⁸⁹⁹ qua et noxiarum artium professio et invec-tiva quaedam in principem continentur; Sallustio praefecto praetorio

⁸⁹⁶ Quod etiam ea docent quae de principe in ordine salutationis sportularumque sub Juliano in provincia Numidia dicuntur. (Mommsenus, *Ephem. epigr.* V 630 seq.).

⁸⁹⁷ Conferas praefecti praetorio Africae (C. J. I 27) et ducis Danielis notitias. Simili modo in utriusque codicis titulis primo loco assessor, altero domesticus, tertio cancellarius ponitur (tit. C. J. I 51, tit. C. Th. I 35). Interdum cancellarius altero, domesticus tertio loco commemoratur (l. 3 C. J. de ass. I 51, nov. 161 de praesidibus c. I). De cancellariis Kruegerus, *Kritik d. just. Cod.* p. 163.

⁸⁹⁸ l. 3 C. Th. h. t. I 35 = l. 8 C. J. h. t. I 51. Notabilis Visigothica interpretatio, quae ex civium electione cancellarium et domesticum deputari dicit et consiliarum pro cancellario in fine ponere videtur.

⁸⁹⁹ Ammian. Marc. XXVIII 1, 21.

Phosphorius consiliarius adest in pugna,⁴⁰⁰ Procopium assessorem Belisarius Syracusas mittit ad explorandum;⁴⁰¹ Libanius denique in orationibus quae inscribuntur *κατὰ τῶν εἰσθόντων* et *κατὰ τῶν προσεδρεύοντων* praesides admonet, ne multorum familiariter utantur consuetudine, sed contenti sint uxore, liberis, assessore.⁴⁰²

Cum publica assessura jungitur, ut ita dicam, privata ita, ut merito socius appellari possit consiliarius; tam late patuisse assessoris erga magistratum auctoritatem et vitae communioem, facile intellexeris, cum singulos fuisse assessores memineris. Sicut autem praesidis socius et bonorum cum eo auctor praedicatur assessor, ita et delictorum et maleficiorum ejus facile putatur fuisse consocius et administer. Qua de causa assessori eodem tempore, quo magistratui, non solum gratiae aguntur ob bene administratam provinciam,⁴⁰³ sed etiam crimini idem utrique datur, eodemque in utrumque saevitur odio.⁴⁰⁴ Qua de causa Justinianus discessit ab Stilichone cui assidebat (conf. n. 414), ne propter familiaritatem ejus una cum eo periret (Zos. V 30). Memorabilia etiam ea sunt, quae de Romani comitis per Africam et Caecilii assessoris flagitiis narrat Ammianus Marcellinus XXVIII 6, 21, 28, 29.

Ipse assessor magistratus mysteriis initiatur et ad honores per assessuram ascendit; de cursu honorum et assessura in parte tertia loquemur. Hoc loco illud tantum statuendum est, assessorem ad curam rei publicae admoveri, et in judicium non ingenii solum et doctrinae, sed etiam virtutis et officii venire.

Superest, ut de nominibus, quae assessoribus tribui soleant, pauca dicamus; saepissime inveniuntur haec: assessor, consiliarius, consiliator, consiliaris,⁴⁰⁵ juris studiosus, comes; graeca *πάρεδρος*,

⁴⁰⁰ Ammian. Marc. XXV 3, 14.

⁴⁰¹ Procop. bell. Vand. I 14. Conferri potest Caecilius, Romani comitis assessor, ejusque mandata, Amm. Marc. XXVIII 6, 21.

⁴⁰² *κατὰ τῶν εἰσθόντων* Reiske III 89. εἰ δὲ διὰ καὶ ὀνρεχῆ κοινοῦ τὸν ἀπάρτων ἔχειν ἄξιον, ἔστιν ὁ παρεδρεύων ἀναγκαῖον ἔχων τοῖς πράγμασι ἔρριον. . . καὶ γὰρ ἐν προσεδρεύῃν ἀνὲς ἵσται καὶ ἀθρημίαν κοιμίσαι δύναται ἂν ὁ μονοῦδὸν συμπεφυκώς.

⁴⁰³ Huc pertinent Gregorii Nazianzeni epistolae, de quibus modo pauca dicenda erunt. Conf. n. 416. Fortasse similes sunt Basili de Therasio et Elpidio epistolae II 77, 78. Migne, patrol. graec. lat. XXXII pg. 453, 454.

⁴⁰⁴ Luciani ejusque assessoris exemplum. Liban. in Lucian. Reiske III 220. Conferenda sunt etiam ea, quae ex Severiana oratione infra afferentur.

⁴⁰⁵ Paulus in l. 5 D. h. t. I 22.

σύνεδρος, συγκαθέδρος, σύμποιος, σύμβουλος: principis consilii participes neque assessores, neque *πάρεδροι*⁴⁰⁶ appellari solent. Alias autem promiscue veteres appellationibus utuntur; sic Augustinus eundem hominem in eadem narratione assessorem, consiliarium, consiliatorem fuisse dicit.⁴⁰⁷ Justinianus „*σύμποιος*“ et „*σύνεδρος*“ saepe ponit in eadem lege.⁴⁰⁸ Verba inveniuntur assidere *παρεδρεῖν, συνεδρεῖν, συμπονεῖν*, quorum participia loco substantivorum usurpantur. Mira videntur esse ea, quae legimus apud Ulpianum, Demosthenis commentatorem; dicit enim ille, de archontibus Atheniensium disserens et Demosthenis contra Neaeram verba explicans: *συμπονοῦντος καὶ συμπαρόντος τῷ παιδί, μίπον υἱὸς ὡς ἑὸς ἀμάρτη κατὰ τὴν ἀρχήν· πάρεδροι γὰρ ἐδίδοντο τοῖς νεωτέροις οἱ τῶν καλοῦμενοι συγκαθέδροι*. — Unde sequi videtur Ulpiani quidem aetate⁴⁰⁹ assessores non paredros, sed syncathedros vocatos esse. Certe Libanii aetate usitata est paredri appellatio;⁴¹⁰ Modestinus⁴¹¹ autem et inscriptio saeculi secundi⁴¹² syncathedros habent. Facere non possum, ut praeteream ea, quae Hauboldius⁴¹³ suspicatus est de symbolis; dicit enim, non idem fuisse assessoris et symboli vel consilarii officium et munus, testem exhibens Zosimum, secundum quem fuit Justinianus⁴¹⁴ quidam *αἰρεθεὶς παρὰ Στελίχωνος πάρεδρός τε ὁμοῦ καὶ σύμβουλος*. Minime autem mea quidem sententia differentia intercedit inter voces *πάεδρος* et *σύμβουλος*, altera enim publicam et forensem, altera privatam potius assessuram designat. Privata ibi merito praeter publicam commemorari mihi videtur, ubi magna est assessoris auctoritas et omnium consiliorum arcanorumque participatio. Quod evenit in Justiniano Stilichonis assessore, eademque ex causa de Alexandri Severi *συνέδρους καὶ συμβούλους* loquitur Herodianus (VI 1).

Sic saepissime consilarii et magistratus celebratur conjunctio et dubitanti fidele consilium, laboranti certum subsidium praestare

⁴⁰⁶ Conf. part. spec.

⁴⁰⁷ De mirac. S. Stephani I. II c. V. (Migne patrol. lat. XLI pg. 861).

⁴⁰⁸ In novellae 119 capitibus IV, V. Conf. Basil. VII, III 24: *οἱ μίποιοι* praesertim in Basilicis ponitur, eadem voce etiam Constantinus Porphyrogenitus uti solet.

⁴⁰⁹ Vixit Ulpianus ille incunte saeculo quarto.

⁴¹⁰ Libanius semper paredron assessorem appellat.

⁴¹¹ Modestinus (l. III excusationum) in lege 10 § 6 D. de excus. XXVII 1.

⁴¹² Intellege inscriptionem Pinnii Justi (*ρομικὸς συγκαθέδρος*) conf. pg. 33.

⁴¹³ In libro supra (n. 8) laudato pg. 230 seq.

⁴¹⁴ *Ἰουστινιανὸς ἐν τῷ τῶν συνηγῶρων ἐπιτηδεύματι διαπρέψας, αἰρεθεὶς δὲ παρὰ Στελίχωνος πάρεδρός τε ὁμοῦ καὶ σύμβουλος* (V 30).

assessor dicitur. Quantumvis autem sociam operam magistratui navet assessor⁴¹⁵, tamen haud facile obliviscuntur Romani, ministrum eum semper manere neque unquam propriam, sed aliunde haustam exercere auctoritatem. Id quod non ex edictorum tantum compositione potest cognosci, quae semper magistratus nomine et nutu assessor videtur componere et ex tota officii apud iuriconsultos descriptione et delineatione, sed etiam ex verbis, quibus assessoris cum magistratus confertur interdum officium.

Sic in epistolis Gregorii Nazianzeni⁴¹⁶ assessoris cum proretae, magistratus cum gubernatoris, assessoris cum Jolai, magistratus cum Heraclis confertur labor et auctoritas; huc videtur pertinere etiam illud, quod Firmicus Maternus obscuriore quodam loco dicit, assessoris talem esse felicitatem, ut alienae semper subjectus sit potestati metu-atque, ne propius ad servitutem accedat.⁴¹⁷ Est igitur assessura magistratui proxima; qua de causa et in Digestis et in codicibus hic ordo servatur, ut in fine librorum, qui de singulis magistratibus conscripti sunt, ponatur assessura; cur magistratus appellari nequeat, infra cognoscemus; militia semel appellatur in lege unica C. Th. de iis qui illustr. VI 15 (conf. Fitting, castrense peculium, pg. 433).

Tanta de assessoris officio dixisse, hoc loco satis mihi habeo; ad nonnulla infra redeundum erit; illud autem jam nunc demonstrasse mihi videor: nequaquam angustis finibus contineri, sed late patere assessoris officium; neque in consilio tantum cum sedere, immo veteris consilii socii partibus haud contentum omnium magistratus curarum haud exiguum partem in se recepisse.⁴¹⁸

⁴¹⁵ Conf. Libanii verba in n. 309.

⁴¹⁶ Extant nonnullae epistolae Gregorii ad Olympium quandam scriptae, provinciam tenentem; provinciam fuisse Cappadociam secundam (conf. not. dign. or. I 105) cum locus, ubi vixit Gregorius, Nazianzus scilicet, tum ipsius verba in epistola 154 demonstrant. — De iisdem causis (praesertim de Nicobulo quodam) Gregorius non tantum Olympio, sed etiam Asterio cuidam scribit, cujus iustitiam non minus laudat; dicitur hic Olympio persuadere (*πειθόντων τοῦ πείθοντος ὄντος καὶ οὐκ ἔτι γυνόντων καὶ τὸν πείθοντος ἔτις ἀρχῆς*), clarioremque cum reddere (ep. 156); quis autem, nisi assessor, praesidi (nam praeses Cappadociam secundam tenet, not. or. I c.) talem operam praestare potuerit, ego quidem nescio. Qua de causa non dubito, quin Asterius Olympii assessor fuerit; Olympio de provincia decedente, non ipsi tantum (ep. 154), sed etiam Asterio (ep. 155, 156) gratiae aguntur.

⁴¹⁷ Firmici Materni ad Mavortium Lollianum Mathes. lib. III c. V. (Martis decreta, V locus).

⁴¹⁸ Conf. n. 377.

Sed haec haecenus.

Qui moleste ferunt, me hujus quaestionis jam hic finem facere, cum partem tantum earum rerum quas pg. 37 me persecuturum esse pollicitus sum, exposuerim, eos ad majus volumen delego, quod brevi tempore in lucem edam.





